

ALVARO GOMEZ
(de Ciudad Real)

MUSA PAULINA (4902 vers)

(Les précisions sur cette édition partielle se trouvent en fin de texte.)

I MUSA PAULINA IN EPISTOLAM AD ROMANOS.

CAPUT PRIMUM

v.1 Paulus perpetuae referens nova gaudia vitae,
 2 caelesti verum doctus in arce bonum,
 3 Romanos proceres, aeterna pace, saluto,
 4 sit decus, et populo gloria vera pio.
 5 Permaneat patribus rerum data summa Latinis,
 6 regnet ut in passo Martia Roma Deo.
 7 Jam divinus amor nos colligat, omnibus unus
 8 est pater, et natos vult simul esse suos.
 9 Vera decet pietas magnam non fabula Romam,
 10 quid tibi, cum falsis candida turba viris ?
 11 Heu Romanus eques, voci succumbet inani ?
 12 Et ruet indignis victa Minerva dolis ?
 13 Ne tamen hic timeas Paulinae carmina dextrae,
 14 quae legis, a domino missa legenda meo
 15 occidit illa vetus pretioso litera partu.
 16 Saulus obit. Viso lumine, Paulus adest.
 17 Pone metum Sauli, Paulo dictante. Recessit
 18 pristina nox, flammis luce ferente novas.
 19 Errabam fateor, nocturna que signa sequebar,
 20 sed mihi jam recta dat Deus ire via.
 21 Optimus omnipotens horrenda furoribus antra
 22 rupit, et ad radios haec levat ora suos,
 23 non humana loquor, qui condidit omnia fando,
 24 me jubet in Stygios bella movere deos.
 25 Unus, et ardentem dominans qui sustinet orbem
 26 spirat, et afflatu me movet ipse suo.
 27 Christus, et arcano selectum flammifer oestro,
 28 me citat, et dictis dat sua tela meis.
 29 Ille mihi hanc vocem, qua te, Romane, vocarem,
 30 crede mihi, verbum credidit ille suum.
 31 Et quae promisit per sacros ante Prophetas,
 32 o bonitas, oculis dat quoque visa meis ;
 33 vox pia sum verbi (ne me contemne) beati.
 34 Praeconem summi suscipe Roma Dei.
 35 Suscipe promissum, Davidis semine, verbum,

36 quo pater electum destinat ante virum.
 37 Ut virtute potens domini sit filius alti,
 38 et pariat populum virque, Deusque, pium.
 39 Hic hominis, natusque Dei, vos flumine sacro
 40 lavit, et optatam pandit in astra viam.
 41 Et simulac pavido surrexit vivus ab Orco,
 42 dirigit ad vitam pectora vestra novam.
 43 Hic est, qui castas, felici nomine, mentes
 44 ungit, et a caelis chrismata Christus habet.
 45 Hic unus, qui cuncta creat, mundumque reformat.
 46 Quo data doctori, luxque fidesque mihi.
 47 Dat pius hic nostris praesentia numina verbis,
 48 surgat ut a somno maxima Roma suo.
 49 Jam Cybeles partus, Saturnia linquite regna,
 50 linquite Dardanios, nomina vana, deos.
 51 Jam neque Romanas Junonis cura calendas,
 52 nec Vesta aeternos vendicet illa focos.
 53 Desinat et Moses duos inferre capistros,
 54 terrere, et variis colla superba minis.
 55 Secedant penitus veterum monumenta laborum,
 56 jam bonitas flammis edicat alta suis.
 57 Lux patet, ecce Deus, mentes effusus in omnes,
 58 efflat, amans verum cuncta sub ora jubar.
 59 En Deus ad fontem, proprio vocat agmina verbo,
 60 quid bibis a putrida, Dardane miles, aqua ?
 61 Ad sua sceptrum vocat, tantum ne obsiste vocanti.
 62 Praevius in castris militat ille suis.
 63 Ne diffide duci, saevum domat ille tyrannum.
 64 Mors cecidit vivi funere victa Dei.
 65 Calcatumque patrem Stygiae flevere sorores,
 66 et data sunt vero Tartara praeda viro.
 67 Mortuus et princeps ut totus viveret orbis,
 68 surgens dat famulis surgere posse suis.
 69 Surgit, et affixis nos vectat ad astra lacertis,
 70 si volumus veri signa tenere boni.
 71 Surgamus surgente Deo. Quae gloria Romae
 72 figere de victo bina tropaea dolo ?
 73 Hactenus Eoos scindebant pila maniplos,
 74 et tuus occiduo Marte micabat honos.
 75 Hactenus et rigidos fregit tua dextra, Sicambre,
 76 quodque sub Arctoo clauditur axe gelu.
 77 Vicisti motus Lybiae sitientis iniquos,
 78 sed tibi non totus subditus orbis erat.
 79 Irrisit Babylon Aquilas, irrisit Orontes,
 80 risit et Orchenia, versa sagitta manu.
 81 Te quoque quod puduit, vitiis servire nefandis
 82 vidimus, ad vanos perdere tura deos.
 83 At tua nunc virtus terris tenet astra subactis,
 84 ut tuus in caeli culmine regnet amor.
 85 Nunc tibi per Christum pleno victoria cornu.
 86 Pax viget, et saevi daemonis arma jacet.
 87 Pax micat, aetherei pax bello parta magistris.
 88 Pacem amat, illapsi qui gerit arma Dei.
 89 Pax Romae, pax Christi, acres quae percutit hoste
 90 carnem, animum, voto quae ligat una pio.
 91 Non ea, quae prisca claudebat limina Jani,

92 prostituens Phrygiis Martia tela Jocis.
 93 Non ea, collapsa jacuit quae diruta templo
 94 cum peperit natum Virgo Maria Deum.
 95 Quum spes falsa ruit, vani siluere tumores.
 96 Urbsque videt saxis grandia signa suis.
 97 Sed quae armata Deo fallacem territat hostem,
 98 et Furiis ambas obserat una fores.
 99 Quae facit, ut quamquam gravibus constricta catenis,
 100 nil nisi caelestes mens meditetur opes.
 101 Hanc tibi det Christi de sanguine nata perempti
 102 gratia, quae charis excubat una viris.
 103 Gratia, quae vivo dispensat lumina flatu,
 104 praeveniens, motus adjuvat atque pios.
 105 Sed tamen aeternas humano sanguine vires
 106 quis dedit, ut populos abluat ille reos ?
 107 Quis dedit occiso vitam praestasse ? Deisque
 108 a Stygiis captos eripuisse viros ?
 109 Quae rogitas, discenda fide. Sed cernere verum
 110 si cupias, felix hac quoque parte potes,
 111 primum opus est, credas illi, qui fallere nescit.
 112 Sola fides oculis dat bona vera tuis.
 113 Solve oculos castos, et si potes, aspice numen,
 114 in promptu verbum cuncta regentis habes.
 115 Cernis ut a prima procedunt cetera causa,
 116 pendet ut a domino machina tota suo.
 117 Virtutesque omnes ut sustinet optima virtus,
 118 ut genitis vires det bonus ipse parens.
 119 Firma fides, claro librantibus omnia sensu,
 120 lumina dat, veri paene videnda boni.
 121 Haec siquidem, haud dominis constaret machina multis,
 122 nec poterat parvus tanta creare Deus.
 123 Unus et omnipotens motus est temporis auctor,
 124 nos creat, et plena luce gubernat opus.
 125 Sed quia non fato, merita sed morte, peribat
 126 turba hominum, nec qui viveret unus erat,
 127 censuit auctor amans tristes invisere terras,
 128 ut medicus, lapsus et reparare viros.
 129 Adveniensque jubar tenebris effudit adeptis,
 130 asserit et cunctos hostis ab ore reos.
 131 Semine Jessaeo corpus tulit utile nobis,
 132 quo posset salvo numine, carne mori.
 133 Et quamquam duro restabant numina ferro,
 134 pertulit injustam virque Deusque necem.
 135 Quique sacer sanguis Domino deduxit ab uno,
 136 haec peperit veris pignora summa sacris.
 137 Nec pretium deducit humo, sed numine sanguis,
 138 corpore nam vivi funditur ille Dei.
 139 Funditur, (et) fundit Charites, gignitque sub undis,
 140 lumina, quae afflatis dat pater ipse viris.
 141 Nulla sub ambiguis Phoenicum somnia verbis
 142 dicimus, aut Graecis fingimus acta rotis.
 143 Testis adest Solymus (ne dicam cetera) campum
 144 quo moriens, sacro sanguine tinxit humum.
 145 Hinc gelidi cineres in corpora prima redacti,
 146 a quibus est magni nuntia fama Dei.
 147 Vivit ad huc frater, gelidis excita sepulchris

148 turba, probans Christi robora summa mei.
 149 Quid referam ad nostris miranda fidelibus acta,
 150 et bona quae Jesu nomine mundus habet ?
 151 Aspice, Christano vincuntur Tartaras igno,
 152 et vitae lignum, funus et umbra tremunt.
 153 Non vident, ut variis resonet charis ignea linguis,
 154 ut spirent vivum viscera nostra Deum.
 155 Ut jaceat cunctis rabies delusa veneni,
 156 et serpens morsu langueat ipse suo.
 157 Romulidae proceres tranquillo credite Paulo,
 158 talia qui nollem credere, Saulus eram.
 159 Sed dominum caeli, manifesta que numina vidi,
 160 estque fides oculis pervia facta meis.
 161 Quid dubitem, cui numen adest, quod vota secundat ?
 162 Aut tu, cui signis est data vita meis ?
 163 Experior noctem et radios, testorque peremptum
 164 in Christum, falsos nil potuisse deos.
 165 Sume fidem, manifesta cano, manifesta canenti
 166 praebe aures animo Dardana Roma pio.
 167 Non tibi in Albana, quae cogitat Ennius umbra
 168 tradimus, aut Latiis sacra pudenda viris.
 169 Inspice quodcumque est, postquam Deus aedidit orbem,
 170 cuncta vides Christi signa tulisse mei.
 171 Signavit sol factus cum terra, unda, polusque,
 172 et multa arcanis signa dedere notis.
 173 Scilicet is mundi finis fuit, ut bonus auctor
 174 accipiat sanctos in sua membra viros.
 175 Huc magnum tendebat opus, quod Patris imago
 176 det sibi suscepto cuncta ligata viro.
 177 Hoc, natura parens, teneris nascentibus, unum
 178 impressit, variis pinxit et illa modis.
 179 Huc legis properabat honos, et turba parentum
 180 texerat, in sacris Christea sacra suis.
 181 Haec sunt Aethereis expressa furoribus, haec sunt
 182 quae cecinit multis vestra Sibylla locis.
 183 Abramidae vates, et cetera turba videntum,
 184 quid nisi sit dominum vaticinata meum ?
 185 Sed bene, quod chariten sequeris, pia Roma, fidelem,
 186 jamque refers verum, pectore, et ore patrem.
 187 Gaudeo quod totum fulget tua fama per orbem,
 188 vivis et in vivo Roma beata Deo.
 189 Laus Christo, qui fundit opes, animosque volentes.
 190 Lustrat, et in factis fertque animatque bonis.
 191 Depulit a mutis qui numina falsa metallis,
 192 datque lubens regni pignora tanta pii.
 193 Nam me vitali, sic qui movet, adjuvet igne
 194 diligo vos passo membra renata Deo.
 195 Hoc precor, et dominum vobis ut consulat ipsum,
 196 et pluat in campos quo solet imbre suos,
 197 quo solet in mentes tacito descendere lapsu,
 198 adsit, ut Empyreas ebibat unctus aquas.
 199 Et mihi, si fuerit coram data copia fandi,
 200 contingat sociis tradere dogma piis.
 201 Ut valeam verum tenebris ostendere pulsus,
 202 et charitem, justi grandia facta Dei.
 203 grandia, cum Saulo furiosas temperat iras,

204 datque reo nati signa gerenda sui.
 205 Nec volumus Christo conjunctum tradere Mosem,
 206 jam sterilis, viso jam silet ille Deo.
 207 Haec erit haec, nostro requies gratissima cordi,
 208 si referam Christi dulcia sacra mei.
 209 Nectarisque cibus satiabimur, ipse piorum
 210 doctor, et aeternum turba docenda bonum.
 211 Dulce nimis Paulo medicam praestare salutem.
 212 Dulce tibi, arentem fonte levare sitim.
 213 Dulce, sapit quodcumque Deum, quod distat ab illo
 214 desipit, amoto gratia nulla Deo est.
 215 Utque repercussa derivat flumina saxo,
 216 fecundat Christus viscera tacta bonus.
 217 Ille boni summam dextris effundit apertis,
 218 excubat ad portas nocte dieque tuas.
 219 Hunc ego (nam radios placuit diffundere soli)
 220 ut mihi, sic notum gentibus esse velim.
 221 Nec retinere queo quae sunt mihi tradita. Cunctis,
 222 debeo suscepti signa referre boni.
 223 Cunctorum Deus est, cunctis expendit in aevum
 224 dogmata, vult gratos, quos vocat esse viros.
 225 Me jubet in cunctos aeterna refundere dona,
 226 quae proprio veri numinis ore tuli.
 227 Nec modo jam Graeci, sed verum Barbara lumen
 228 plebs habeat fuso cuncta per ora Deo.
 229 Et fontem Nilus, pontem indignatus Araxe,
 230 hauriat a Paulo dogmata sancta suo.
 231 Debetur cunctis Christus, doctusque, rudesque
 232 numinis ad mensas, ad pia regna voco.
 233 Altaque Romuleis accendere lumina castris
 234 fert animus. Votum, vitaque vestra, meum est.
 235 Fert animus lemures Romana expellere pompa,
 236 detegere et saevi furta nefanda doli.
 237 Nec Veneris Latium, cui servit purpura, ferrum
 238 deterret linguae robur et arma meae.
 239 Durius est ferro verum, violentius auro,
 240 nec timeo vanos dilacerare deos.
 241 Nec pudor est nobis, hominem cantare peremptum,
 242 vivit, et in Phrygios jus habet ille patres.
 243 Elysiis, Erebo, lymphis, terraque, poloque
 244 regnat , et ad placitum temperat astra suum,
 245 insanus Christum contemnit, et impius alium,
 246 nec capiunt claram lumina caeca diem.
 247 At qui se puro totum concessit amori,
 248 servat, et uniti pignora sancta Dei.
 249 Huic Christus vita est, lumen, virtusque, deusque,
 250 utque pater gnato dat bona cuncta suo.
 251 Dat (namque ille potest solus praestare) salutem,
 252 quam Moses chartis non dedit ante suis.
 253 Non Plato, non etiam vestris inventa metallis.
 254 Danda nisi a Christo non erat illa meo.
 255 Hic princeps pacis, Solyms, Graecosque recepit,
 256 nec negat adversis ubera sancta viris.
 257 Ecce pio in cunctos dat sanguine pharmaca morbos.
 258 Unus, et illustrat pectora cuncta parens.
 259 Hactenus errantes finem posuere salutis,

260 justitiam variis et sine fine modis,
 261 nunc liquet, a solo veram descendere Christo
 262 justitiam, ac veri lumen opesque boni.
 263 Nam neque justitiam, caesis praestabat ab haedis
 264 Moses, nec falsi fabula vana Jovis.
 265 Sed Christana fides, oculis pulcherrima castis,
 266 insontes passo nos facit esse Deo.
 267 Non opus est posthac alios audire magistros,
 268 qui tingant fuis melle venena dolis.
 269 Vita, fides justo, Christusque est vita, fidesque.
 270 Justitiam si vis quaerere, quaere fidem,
 271 inque fide Christum, Christo tenet omnia fidens.
 272 Non cupis in sola cuncta tenere fide ?
 273 Hanc vates videre fidem, ne frivola dicas,
 274 aut nova per Paulum verba notata tuum
 275 ecce fide justum victurum dixit Abacuch,
 276 dixere afflati principis ore viri.
 277 "Nonne vides fidei clarissima gesta beatae
 278 haec est quae terram despicit atque polum,
 279 haec Erebum, Stygiosque duces, noctisque furores
 280 calcat, et elusi daemonis arma ferit.
 281 Aspice sub plagis teneras cantare puellas,
 282 a fidei tantum robore robur adest.
 283 Aspice quam subito vir scandit in aethera saltu.
 284 De fidei factis vix queat esse fides.
 285 Sed qui virtutem suspensi agnoscit Iesu
 286 sentit opes magni nomen et arma Dei.
 287 Salve sancta fides, divini mater amoris,
 288 tu requies nostris vita, salusque animis.
 289 Sancta fides, tu das epulis accumbere divum,
 290 detegis et summi dulcia regna boni.
 291 Hactenus illa dei justissima dextera magni,
 292 saepe tamen pravum dissimulabat opus.
 293 Nam nec adhuc pietas rutilos ostenderat axes,
 294 nec veri callem dixerat alma fides.
 295 Nunc quia jam summum Dominus patefecit amorem
 296 est et humus magni sanguine tincta Dei,
 297 peccantes poena alta manet. Plectentur iniqui,
 298 quod ducis, heu, notam deseruere viam.
 299 Hactenus erranti fuerat donabilis error,
 300 jam tamen, heu, nimium ponderis error habet,
 301 Qui cadit in tenebris, cuncto est miserabilis orbi,
 302 at pudor huic, medio si ruat ille die.
 303 Nam quamquam sensu Deus est non cognitus ullo,
 304 nec capiunt summum lumina nostra bonum,
 305 sed tamen et factis bonitas lucescit in ipsis.
 306 Monstrat et auctorem machina visa suum.
 307 Et velut in speculo datur aspiciendus, et unus
 308 cernitur in factis conditor ipse bonis.
 309 Et quia sic fecit, sic et quia sustinet, ipsum
 310 indicat innumeris se Deus ipse notis.
 311 Indicat ipse ipsum. Qui cetera condidit. Ecce
 312 hoc pia lux radiis noscitur orbe suis.
 313 Suspice deffuxum, tranquillo a principe, motum,
 314 utque venit noster Patris ab igne calor.
 315 Viventes animas, aeterno in principe, sentis

316 vivere, quae vivi sunt tibi signa Dei.
 317 A Verbo vitae vita est, quod conspicias omne,
 318 principis, et Domini fert monumenta sui.
 319 Estque potens virtus, ipsis manifesta creatis,
 320 et licet ignotum cernis adesse Deum.
 321 Cernis, et ante oculos lucent pia numina claros,
 322 lux datur, et dono summa videnda suo.
 323 Haec super, et sanctis, via recta ostensa, prophetis,
 324 qui Domini ad populum dona tulere suum.
 325 Quin etiam et Christus divini regna parentis
 326 ostendit, miris magnus ubique modis.
 327 Ergo et peccantem rabies, ergo ira sequetur,
 328 quem pater ad veras ante vocarit opes.
 329 Naturae vitio non mens prolapsa, sed error
 330 improbis, electis nascitur iste malis.
 331 Sponte jacet somno facies aversa sub alto.
 332 Frigidaque est, Solem quod fugit illa pium.
 333 Sol erat in campis, quo mens excita caleres.
 334 Sed placuit votis torpor et umbra tuis,
 335 propterea iudex iram declarat acerbam,
 336 motus in ingratos numinis ore viros.
 337 Qui licet effusis cognorint numina flammis,
 338 tempserunt Domini nomen opusque sui.
 339 Et confessa Deum, non summi regis honorem
 340 mens dedit huic, Stygiis semisepulta dolis.
 341 Nec voluit sancto grates egisse parenti,
 342 sed furite, heu, donis facta superba sacris.
 343 Hinc sapiens stultus complexis perditur umbris,
 344 vanescuntque oculis prodita corda reis.
 345 Nec satis hoc, caeco sed turpiter acta furore,
 346 confinunt luteos ad sua vota deos.
 347 Gensque oblita Dei, qui condidit omnia magni,
 348 observat dextris numina facta suis.
 349 Quoque magis stupeas, ara est ornata venenis,
 350 serpentes foedis et coluere sacris.
 351 Hinc canis ille potens Pharia latrator in urbe,
 352 quaeque suo Nilus vortice monstra vehit,
 353 Ergo et peccantem rabies, ergo ira sequetur,
 354 quem pater ad veras ante vocarit opes.
 355 Naturae vitio non mens prolapsa, sed error
 356 improbis, electis nascitur iste malis.
 357 Sponte jacet somno facies aversa sub alto.
 358 Frigidaque est, Solem quod fugit illa pium.
 359 Sol erat in campis, quo mens excita caleres.
 360 Sed placuit votis torpor et umbra tuis,
 361 propterea iudex iram declarat acerbam,
 362 motus in ingratos numinis ore viros.
 363 Qui licet effusis cognorint numina flammis,
 364 tempserunt Domini nomen opusque sui.
 365 Et confessa Deum, non summi regis honorem
 366 mens dedit huic, Stygiis semisepulta dolis.
 367 Nec voluit sancto grates egisse parenti,
 368 sed furit. Heu, donis facta superba sacris.
 369 Hinc sapiens stultus complexis perditur umbris,
 370 vanescuntque oculis prodita corda reis.
 371 Nec satis hoc, caeco sed turpiter acta furore,

372 confingunt luteos ad sua vota deos.
 373 Gensque oblita Dei, qui condidit omnia magni,
 374 observat dextris numina facta suis.
 375 Quoque magis stupeas, ara est ornata venenis,
 376 serpentes foedis et coluere sacris.
 377 Hinc canis ille potens Pharia latrator in urbe,
 378 quaeque suo Nilus vortice monstra vehit,
 379 hinc homines miseri nummos reverenter adorant,
 380 et sunt pro summo fulva metalla Deo.
 381 Has Deus ob causas vitiis iratus Avernis
 382 permisit duris colla terenda malis.
 383 Concessit dignis durissima corda flagellis.
 384 Datque feris vastum pestibus esse locum.
 385 Praecipitesque animos accensae tradidit irae,
 386 ut pereat votis improba turba suis.
 387 Hinc rea mens vitii duris astricta catenis
 388 labitur et propria scinditur ipsa manu.
 389 Nunc Veneri immundae, nunc toti militat Orco,
 390 inficit et probris corpora laesa suis.
 391 Et merito. Nam vana duces contempsit imago
 392 verum, et viventem gnata superba patrem.
 393 Debet (et) imperium rabidi lugere tyranni,
 394 qui spernit summi regna beata boni,
 395 quique animi valvas caelestibus obstruit curis,
 396 et fugiens vitae gaudia, funus amat.
 397 In sua qui notum mutat mendacia verum,
 398 et colit expulso nomina falsa Deo.
 399 Cui regnum sine fine potens, intermina virtus,
 400 et decus, et pleno lumine verus honor.
 401 At Deus hos propriis furis dimisit edendos,
 402 carnis et obscaenae vilia monstra pati.
 403 Hinc plagae venere graves, hinc turbidus horror,
 404 hinc scelera humano non bene digna sono.
 405 Hinc muliebre chaos, hinc usus ausa viriles
 406 femina, diversis masque puella modis.
 407 Hinc sceleris merces proprium violare tenorem
 408 et foeda putrido mergere rastra salo.
 409 Nam decuit justum tenebrosa relinquere corda.
 410 Post culpam damni damna subire sui.
 411 Sic scelus a scelere est. A crimine nascitur omne
 412 crimen ; saeva sui praemia crimen habet.
 413 Sic crudele nefas admissis plectitur ipsis,
 414 pungit et auctorem culpa secuta suum.
 415 Et quoniam novere Deum, notumque relinquunt
 416 ac fugiunt flammis lumina torva pias.
 417 Justum erat obtusae vires marcescere mentis,
 418 duraque pacatis corda perire suis.
 419 Propterea omnipotens animos est passus inertes
 420 sub reprobis torta sensibus ire via.
 421 Algere, et vitiis patrare furentia laxis,
 422 et variis pravos pestibus esse duces.
 423 Hinc scelerum sentina viros sub nocte jacentes
 424 obruit ; et terrae perfidus urit amor,
 425 scorta, Venus, fraude, auri scelerata cupido,
 426 livor, et a Stygiis eruta rixa locis.
 427 Hinc odisse Deum, patresque incessere dictis



Abréviation inconnue, dont
 le sens n'est pas
 absolument certain pour
 nous.

Toutes les occurrences
 sont signalées par des
 parenthèses.

Si un paléographe
 l'identifie avec certitude,
 qu'il ait la bonté de nous
 éclairer.

428 venit, et infernos temnere sacra viros.
 429 Hinc furor, hinc rabies, hinc est via nata nocendi
 430 sub terrae affectu jusque piunique jacet,
 431 ah misero nescisse Deum praestasset amicum,
 432 sic nocet ostensum deseruisse bonum.
 433 Praestasset non nosse illum, quam linquere, magnum
 434 quem duri ultorem criminis esse decet.
 435 Vae, quem carnis amor, quem terrea vota fatigant.
 436 Est equidem a justo poena parata Deo.
 437 Nec poterit qui cuncta potest salvo ordine justos
 438 deserere, aut duris mente favere malis.
 439 Est et enim Domino suprema potentia summo,
 440 libet et omnipotens quod velit ille potest.
 441 Nec tamen injustis laedit sua numina factis,
 442 jus erit hoc, quicquid vult bonus esse Pater.
 443 Non tamen ille volet, vitiis durata nefandis
 444 quod valeant justo corda placere bono.
 445 Ergo age jam, sensus vitiis averte relictis,
 446 demens, qui telis laeditur ipse suis.
 447 Quin etiam a sociis oculos averte pudendis,
 448 ne fit ut auctori culpa luenda tibi.

CAPUT SECUNDUM

v.1 Nec tamen elatus fallaci pectore judex
 2 fraterni censor criminis esse potes.
 3 Est Deus omnipotens totum qui judicat orbem,
 4 qui parat in cunctos fulmina justa reos.
 5 Horrida decussis plexurus crimina terris,
 6 judicium extremo deteget ille die.
 7 Tu concede patri damnandaque monstra remitte,
 8 sat tibi, ni justis te ferit ira Dei.
 9 Qui damnat socium, tunc se quoque judicat ipsum,
 10 cum sua sit simili labe cruenta manus.
 11 Dumque notas oculo festucam fratris in albo
 12 ipse tuo judex turpia ligna tenes ?
 13 In socio vitium verbis ingentibus horres,
 14 et tibi tam justo, nil nisi terra placet ?
 15 Tene licet populis fictum ostentare magistrum,
 16 si letum obscuro pectore caecus habes ?
 17 Num tibi cum poenas homini det frater et ipse
 18 non dabis irato brachia vincta Deo ?
 19 An quia dissimulat minor est Deus, an quia pravum
 20 te tolerat, justas non habet ille manus ?
 21 Contemnis patientis opes, ridesque tacentem,
 22 anne putas visum quod probat ille malum ?
 23 Non favet ille reis, strictum sed temperat arcum,
 24 plus ferit a tarda missa sagitta manu.
 25 Exspectat te blandus amor, cui displicet error,
 26 et citat ad summum si velis ire, bonum.

27 Invitat, mitisque parat revocare nocentem.
28 O si vox placidi sit tibi grata Dei !
29 O si animus supero tactus resipiscat amore
30 hic tuus, ut dominum mens petat alma suum.
31 Sed miser, heu, potu numquam satiatus amaro
32 invertis dextrae munera sancta piae.
33 Et divina tuum facta est patientia damnum,
34 cum tanta numquam voce rogatus ades.
35 Namque vocans tacito miserum clementia motu,
36 et bonitas charis quae parat astra viris,
37 illusa, ad plagas aeternam provocat iram,
38 et pietas duro justa nocente silet.
39 Sic vires irae cumulas, nomenque furori,
40 majus et abjecto numine crimen habes.
41 Nec tibi terra favens risu te fallat in isto,
42 nam miserum finem gaudia falsa ferent.
43 Criminibus sua poena manet, meritisque corona,
44 utraque per justum certa futura Deum.
45 Noxque reos aeterna manet, qui noctis amore
46 sunt ausi oblato terga dedisse bono.
47 Omnibus ex aequo mors delinquentibus instat,
48 dura quidem Graecis, durior Abramidis.
49 Nam quibus ante alios fecundi dona parentis
50 sunt data, et hi poenas criminis ante luent.
51 Quin etiam quando summi regnator Olympi
52 venerit, ac miris arserit unda modis,
53 Abramidas Graecosque suo dignatus honore
54 extollet primo dona priora loco.
55 Nam neque despiciet Dominus quos condit, eritque
56 omnibus aequa boni dextera sancta ducis.
57 Sit quicumque, Dei laeta regnabit in aula,
58 si modo caelesti serviat ille patri.
59 Et sine lege furens etiam sine lege peribit,
60 et reus in legem lege premente ruet.
61 Non satis est vidisse viam, non gesta piorum,
62 dicere vel multo nomina sacra metu.
63 Nec tibi ab audito promittas numina Mose,
64 ni legem factis exprimis ipse piis,
65 innocui mores sanctum fecere, piisque
66 non lex, sed justo viscera grata Deo est.
67 Cor mundum Deus ipse probat, pia facta virorum
68 ille probat, quamquam sit sine lege fides.
69 Hos damnat censetque reos, sub nomine legis
70 exleges, varia quos videt ire via.
71 At qui nec legem Domini nec foedera norant,
72 pura tamen puro corda dedere Deo,
73 hos fovet in gremio communis conditor amplo,
74 et grati vero sunt sine lege bono.
75 Lex siquidem placet his signo percepta parentis,
76 quodque boni lumen corde sequuntur habent.
77 Nec referunt legem tabulis, sed mentibus, hisque
78 pro lege et Syrio iudice vermibus adest.
79 Pectore vermibus adest, actusque accusat iniquos,
80 accusant factis conscia corda suis.
81 Ergo illis quamquam Mosi praescripta latebant,
82 lex fuit illapsi lumine nota Dei.

83 Ergo et iudicium pravos exspectat acerbum,
84 cum petet iratus pensa severa Deus ?
85 Cunctorumque oculis praecordia cuncta patescent
86 et sceleris poenas pectora aperta dabunt.
87 Iudicium Christo tribuit Deus, ille furore
88 terrifico turbas pellet ad antra reas.
89 Nunc servator adest, nunc gratia, fervidus olim
90 iudex, ne passum despice, Roma, Deum.
91 Respice. Castrati non est haec fabula caeli.
92 Non sunt ad Phrygios somnia visa lares.
93 Non est, quem vestri dixere Promethea vates
94 terrea flammato vasa animasse luto.
95 Non sunt a victo nascentia numina ponto
96 haec, nec ab Herculeis tracta venena sacris.
97 Non hoc, diviferam docuit quod Graecia Romam,
98 sed verum, veri quod fluit ore boni.
99 Quod me per Jesum docuit pater ipse beatam,
100 qui mihi dat sociis dona ferenda meis.
101 Namque simul cuncti sumus almo sanguine loti,
102 et medicus miseris omnibus unus adest.
103 Quid Judaea furens Solymos ostentat honores ?
104 Et sibi sub legis nomine tota placet ?
105 Quid te nosse viam jactas, vir perfide, rectam ?
106 Erigis et noto grandia colla Deo ?
107 Teque putas regem, quia sit tibi dicta voluntas
108 principis, et magni cognita jussa Dei ?
109 Quod mala dignoscas quae sunt fugienda, sciasque
110 verum iter, et claris castra sequenda viris,
111 grandia sub tenebris ostendere lumina dicis,
112 et te doctorem fratribus esse tuis.
113 Anne putas fratri quod te rex praferat illi,
114 cui non sunt dulcis lumina visa patris ?
115 Qui nec verba Dei, nec purum noscit amorem
116 nec sentit vitam morte latere sacram ?
117 Falleris. Hoc potius servum te damnat inertem,
118 quod bona cum tuleris maxima, nulla refers.
119 Cernenti solem tibi gratior umbra, decusque
120 deseris et domini classica nota tui.
121 Quid decor iste tuus quo cristas erigis altas ?
122 Hos regis, ast animum non regis ipse tuum ?
123 Cumque doces alios, miserum te morbidus error
124 protrahit in somno Tartara grata tuo.
125 Damnanti Venerem foeda est tibi grata libido ?
126 Condemnas fures, et tibi furta placent ?
127 Irrides simulacra deum, sed perditus ultro
128 sub vitiis multos, heu, colis ipse deos.
129 Quid data lex pravis, aut quem tibi praestat honorem,
130 si bene quam laudas impie non sequeris ?
131 Si tua vox aris superos dum cantat amores,
132 mens petit infernos ebria faece lacus ?
133 Dedecoras dominum, monumentaque polluis alma
134 dum vanum abjecto numine nomen habes.
135 Et quamvis Christum non est tibi laedere magnum,
136 vivit et aeterni gloria plena boni,
137 at pro te justum blasphemant perfide nomen,
138 qui cernunt factis turpia monstra tuis.

139 Et te cum miseris videant cessisse tyrannis,
 140 irrident Domini nomen opusque tui.
 141 Ethnica gens sanctum damnat stupefacta magistrum,
 142 qui scelera in populo tot sinat esse suo
 143 non satis est, si templa colis, Mosenque salutas,
 144 ni serves legem. Lex tibi sancta nihil.
 145 Lex nihil a moto nisi tantum vincula Christo,
 146 aut solium flatu quod rapit aura suo.
 147 Profuerit. Puro quondam observata tenore,
 148 nunc geminum spreto dogmate crimen habes.
 149 Nunc quoque si sanctos habeat gens barbara mores,
 150 hanc inter natos vult Deus esse suos.
 151 Qui pure vivit, habet ipsum legis honorem.
 152 Hoc tantum sanctos lex petit esse viros.
 153 Si vitium fugiat, Christo se obtemperet almo,
 154 jam super Hebraeas ethnicus ibit opes.
 155 Et quia nescivit legem, verumque secutus,
 156 missa tibi a justo principe dona capit.
 157 Te quoque, qui legis sola confidis in umbra,
 158 iudicat, atque tuo jam sedet ille loco.
 159 Fructum legis habet, sed tu, scelerate, sub umbra
 160 non legis fructum, pondera legis habes.
 161 At charitem, cor atque pium, verumque decorem,
 162 crede mihi, numquam lex tibi sola dabit.
 163 Non caro sed pietas generis produxit honorem,
 164 sic pietas veros efficit Abramidas.
 165 Vera fides (nulla est selectis gratia lumbis)
 166 hoc tibi dat justis semen habere patris.
 167 Teque facit Christus patri succedere regno.
 168 Non femur, Hebraeae non facit umbra notae.
 169 Nec justus gladio qui ruperit inguina, sed qui
 170 divino vitiis obstitit igne malis.
 171 Impia corda precor durosque obscindite mores ;
 172 non carnem, ad verum non trahit umbra bonum,
 173 nil juvat in sculptam saxi ostendere carnem :
 174 spiritus est justum qui valet ante Deum.

CAPUT TERTIUM.

v.1 Si quaeras ubi sint velati lumina Moysi,
 2 qui tulit a viso dogmata prisca Deo ;
 3 quis fructus legis, vel quid tibi scindere pellem
 4 profuit, aut famae pignora clara tuae
 5 Jordani lymphis gelidus si aequetur Araxes,
 6 sitque furens fratrem prodigus ante pium ;
 7 quid juvat Isacidis verum genuisse videntes,
 8 ipseque per sacram saecula tanta viam ;
 9 scilicet est nihilum duros tolerasse labores ;
 10 clarior aut segni danda corona viro ;
 11 dicimus haec : noti non parva est gratia veri.

12 Grande decus vanos non coluisse deos.
13 Fatidicas quercus, bullataque temnere saxa,
14 creditaque immensi verba tulisse boni.
15 Proxima lex Christo, qui senserit ante prophetas,
16 sensit in his Christum delituisse meum.
17 A lege ad Christum clara est via ; nec tibi credas
18 ethnice quod Solymis gens tua praestat avis.
19 A vero servanda fides. Nam crimina caecum
20 reddere, vel falsum non potuere deum.
21 Calcavit terram Dominus, dein principe leti
22 turbato imperii dat pia signa sui.
23 Et sceleri poenas statuens exaltat in aevum
24 justitiam, justus sic micat, atque bonus.
25 Nec mala peccati rabies laesura fideles,
26 verus erit, magnus nunc, velut ante Deus.
27 Inquit ob hoc David : "Quod justificeris in omni
28 sermone in nostris, victor amice, malis.
29 Davidicis promissa viris non ipse resolves,
30 nulla licet populo debita dona reo.
31 Ob culpam nostram Domini manifestior alti
32 gloria cum lapsis est pius ille viris.
33 Immemor et culpae parcens pia dextera nostrae
34 vincit iudicii dicta superba mali.
35 Nec mala nostra Deo sunt ascribenda, quod ipsa
36 commendent justum crimina nostra Deum.
37 Est justus iudex et juste irascitur idem
38 qui pius, en justo convenit ira bono.
39 Nec tamen Aeternus per temporis impia facta
40 debuerat verbo rex minor esse suo.
41 Juratumque decus generi servatur eidem.
42 Hoc licet exitium quod mereretur, erat.
43 Adde quod et tunc quum ligno penderet in alto
44 dat veniam stolidis conditor ipse viris.
45 Adde quod a cunctis non est ejectus, et illum,
46 suscipit eluso plurima turba dolo.
47 Adde quod exleges et quod data signa sequuntur,
48 sunt nihil : est Christus solus in orbe Deus.
49 Daemone prostrato Christianum nomen utrisque
50 convenit : hos illis et ligat unus amor.
51 Omne lavat confecta novans, aboletaque saeculi
52 nox fugit a radiis, Christe beate, tuis.
53 Scilicet hoc sanguis fecit tuus, inclyte princeps,
54 et quam divinum protulit unda latus.
55 Scilicet hoc munus magni meruere labores,
56 hoc meruit factus victima nostra Deus.
57 At vos ne Syrii divina ad verba priores
58 pellite de donis ethnica membra sacris.
59 Non est cur fratri frater se praeferat illi,
60 quem genuit gremio principis una parens.
61 Vult nos unus amans communia fundere mella,
62 mensaque non geminis Christea potat aquis.
63 Diximus et firma est Christani gloria veri,
64 omnibus effusum cordibus esse malum.
65 Judaeus, Graecus, morbo languebat eodem,
66 turpis et in putrido mersus uterque lacu.
67 Gentili morbo non est opus indice, numquam

68 audebit pictum creta negare Jovem.
 69 Non Esum Galli, non lusus Roma Numanos,
 70 non quae doctori monstra tacenda mihi.
 71 Ascanios victrix toto dum tendit in orbe
 72 accumulatur partos inscia Roma deos.
 73 Bellacem populum vanis sancita Lupercis
 74 nec puduit vero praeposuisse bono.
 75 Ah, saepe humano foedata est sanguina tellus,
 76 cum litat in Stygiis ebria turba sacris.
 77 Ast Hebraea cohors sceleratae obnoxia culpae
 78 si fuit, a libris quos probat, illa petat.
 79 Ecce suum crimen proprii flevere videntes,
 80 cantor et in psalmis ingemit ille suis.
 81 "Nox eadem nos nigrat, ait, turpamur et omnes.
 82 Errat et a vero femina virque bono.
 83 Limus ubique gravis, turbataque lucis imago est.
 84 Utilis et plagis nullus in orbe meis.
 85 Nullus honor terris, unus nisi venerit hospes
 86 cuncta jacent, liber pondere nullus homo.
 87 Nec divum vocat ullus amans, nec numina sentit.
 88 Guttura sunt turbae passa sepulchra ferae
 89 lingua furit, nectiturque dolos, funditurque venenum,
 90 ora Acheronteis mersa trahuntur aquis.
 91 Succinit huic alter ferro truncatus acuto,
 92 affectus populi nil nisi crimen amat.
 93 Nil petitur saevis nisi nox ad funera votis.
 94 In miseros homines tanta ruina venit.
 95 Morbus utrumque premit, si se quis praeferat ulli,
 96 Christigenis verum non habet ille locum.
 97 Ethnicus, Abramides furiis agitantur in isdem,
 98 dic mihi cur socium temnis inique tuum
 99 peccarunt omnes, atque omnes lucis egenos
 100 ad radios una sustulit emptor ope.
 101 Omnibus ut vero sit fracta superbia noto,
 102 cunctorumque pavens obstruat ora pudor.
 103 Ne quisquam factis nimium se jactet avorum.
 104 Nec fidat meritis ille vel ille suis,
 105 involvit tabo sanies juvenemque senemque.
 106 Assertusque pio servit uterque Deo.
 107 Mundat utrumque potens sine quo genus omne, jacebat,
 108 nunc quoque ni vires hic det, uterque jacet.
 109 Nota loquor. Solymis lex observata magistris
 110 reddere nec vitam, nec pia regna potest,
 111 insontes solus facit almo sanguine Christus,
 112 justitiam justis omnibus unus habet.
 113 Praestitit hoc usus legis cognoscere culpas,
 114 dum vetat, humanum detegit illa scelus.
 115 Est gradus ad vitam morbi novisse furorem.
 116 Proxima sunt tutis vulnera nota locis.
 117 Discrevit lepram lex olim umbrata, sed ipsam.
 118 Jutitiam Christi non nisi dogma mei.
 119 Hic fidei gnatos vero bene format in uno,
 120 per quem jam dempto cortice succus adest.
 121 Justitiam Christus caelo deduxit aperto.
 122 Perque fidem veris nunc datur illa piis.
 123 Omnibus illa datur, non hos non deligit illos,

124 sed justus Christo quilibet esse potest.
125 Quilibet in partes nam lux est fusa per omnes,
126 utraque gens domini voce vocata sui.
127 Communis morbus Graecis Syriisque, salusque
128 omnibus est magni sanguine nata Dei,
129 fons communis adest. A quo tibi vita petenda,
130 quam peperit pulchrum quod ferit hasta latus,
131 quam peperit Christus indigno funere caesus ?
132 Non Moses Domini nuntius ille sui
133 sed placatur, habens medium. Quo jungit in unum
134 utraque, servatis paxque salusque viris,
135 dux qui mortis opus perpessa morte peremit,
136 miscuit et visis dulcia mella malis.
137 Hostia pro nobis idem, summusque sacerdos
138 obtulit ad summum seque suosque Deum.
139 Nec licet est tantus, pretio donatur habendus,
140 sed gratis. Veri filius iste boni.
141 Iste viros victa redimit qui morte, suamque
142 per charitem priscos effugat orbe dolos.
143 Qui dedit humanis optata piacula culpis,
144 et ligat unito nos sua membra Deo.
145 Conciliat nos iste Deo, non sanguine capri,
146 non vituli, optatum jam tenet umbra jubar,
147 sed proprio regnans et felix sanguine victor,
148 qui fusus toto diluit orbe nefas.
149 Orbe nefas omni vitiis terit iste peremptis,
150 instituens factis optima jura suis.
151 Ostenditque palam divinae robora dextrae,
152 et sacro radios detegit igne pios.
153 Dat veniam miseris vastataque regna reformat
154 sustinet adversos usque vocare viros.
155 Apparet natura potens aeternaque virtus,
156 ante tuos oculos justus et auctor adest.
157 Apparet vere justus, justoque triumphans
158 sanguine, dat lotis pallia sancta viris.
159 Datque bonum semen flatu coalescere sacro,
160 et vitam, vera quam regit ipse fide.
161 Ipse Pater fidei radios insufflat in orbem,
162 sunt quibus ignoti regna videnda Dei.
163 Heus, Judaea furens ubi nunc tua gloria, quaeque
164 conterit Enachias dextera clara domos ?
165 Cessavit, postquam cunctos divina voluntas
166 lustrat et in sacris emicat illa novis
167 per quam aeterna salus gentes pervenit ad ipsas
168 justitia et vivi lumen opusque Dei.
169 Venit. At haec non est antiquo tracta capistro,
170 non ritu, aut tabulis haec datur umbra tuis.
171 Lex nova, firma, micans, Ammo contenta fideli,
172 nil nisi veracem postulat ipsa fidem.
173 Non opus est posthac jussis onerare, minisque
174 pectora pro toto est pondere sola fides.
175 Sola fides satis est populis lux omnibus una,
176 ut cunctis unus semper ubique Deus.
177 Conditor unus adest, utque est Deus omnibus unus,
178 una fides, uno nempe relata Deo.
179 Colligat haec omnes, non hos, non separat illos,

180 sed pater ut natis dat sua dona suis.
 181 Dux erat Hebraeis Moses, non gentibus, at qui
 182 miserat hunc sancto coepit utroscque sinu.
 183 Nec circumcisos Christus, gentesque creator
 184 alter emit. Vires omnibus unus habet.
 185 Est unus qui portat onus, Graecosque Syrosque
 186 lustrat, et in fidei lumine corda movet.
 187 Nec damno legem. Domino fuit aedita magno,
 188 posthac servanti sed tamen illa nocet.
 189 Namque Dei donum quod senserat illa futurum.
 190 Venit et, expulsa nocte, triumphat amor.
 191 Quae lex promisit, quae praedixere prophetae,
 192 ecce tibi in Christo tradita cuncta meo.
 193 Cesserunt flores fructu veniente. Recessit
 194 nox radiis, vero cessit et umbra suo.
 195 Sic nos firmamus legem, non perdimus illam,
 196 ejus enim Christi sanguine finis erat.

CAPUT QUARTUM.

v.1 Justus Abrahamus, de quo se jactat in aevum
 2 turba loquax, donis facta superba piis,
 3 in Christo tendit famam, sobolemque, genusque
 4 semper in occiso protrahit ipse Deo.
 5 Ut fuit ille fide justus, natosque fideles
 6 suscipit, in fidos et probat esse nothos.
 7 Ne tantum infelix carnalia semina laudes.
 8 Non lumbis data sunt munera sed fidei.
 9 Credidit ille Deo, justus quia credidit alto,
 10 atque fide vitam, non ope legis habet.
 11 Sic pater est illis, qui mentis imagine gestant
 12 innocuae justi nomen opusque patris.
 13 Justitiae laudem nostro quae convenit Abrae,
 14 non lex non Moses sed dedit illa fides.
 15 Illa fides, qua sic potuit placuisse tonanti,
 16 ut velit hunc Christi principis esse patrem.
 17 Quod credit placet hic, ut sancta volumina monstrant,
 18 quod placet, in proprio semine pignus habet.
 19 Justus et ipse placens domino, justusque futura
 20 non lege, at fidei munere justus erat.
 21 Nam neque detecta sacrarat glande pudorem
 22 cum pius effato credidit ille Deo.
 23 Ille senex, conjux erat in fecunda, Deusque
 24 dixerat huic : "Multis et pater almus eris."
 25 Nullus ad huc haeres vetulo, marcebat et uxor,
 26 nec minor in domino spes erat alta suo,
 27 quam si jam Lybicus natos aequasset arenis,
 28 nec tepida est gelido sanguine pura fides.
 29 Ne quid promissum, sed quis promissor, habebat
 30 corde memor, justo sic placet ille Deo.

31 Perque fidem justus, non justus ab inguine caeso,
32 sed quia vir vero credidit ille bono.
33 Justitiam legis non praestitit hanc tamen ante
34 justitia fidei jam bene justus erat.
35 Ante fuit justus quam circumcisis. Ab illo
36 si genus hoc laudas ducere, sume fidem.
37 Ante fides quam lex, se te velis esse nepotem,
38 deserto legis cortice sume fidem.
39 Hanc quoque lex docuit, ne quid causeris ab illa.
40 Ex utero et legis pectore Christus adest.
41 Ergo nec Abramides flori confidat inani.
42 Nec ruat in Solymis ethnica turba sacris.
43 Jam nova sunt nato promissaque saecula Christo.
44 Finito et floris tempore fructus adest.
45 Qui ritus nescit legis, qui liber ab illis,
46 ter Christum vero pascitur ille bono.
47 Non ex praescripto vacuis operatur in agris,
48 sed fidit vivo jam nova turba Deo.
49 Qui quoscumque viros nullo discrimine ab omni
50 gente vocat natos et cupit esse suos.
51 Sponte sua culpas moriens qui sustulit omnes,
52 et surgens falsos depulit orde deos.
53 Nuncque fides praestat cunctis. Quod praestitit Abrae,
54 et veteris legis non eget ullus ope.
55 Sola fides satis est. Ad quam non cogitur ullus.
56 Est invitatus, qui velit esse pius.
57 Durae legis opus non est, quod credimus ipsi,
58 nec merito justis nos locat ille choris.
59 Debebat nihilum quamvis bona tanta supernus
60 praestat, habes charitis munera non meriti.
61 Viderat hanc David quae nunc aperitur in orbe
62 justitiam, viso gaudet et ille Deo :
63 "Felices, ait, ecce viros, quorum acta nefanda
64 non meminit justus, plectat ut illa Deus.
65 Quorum crimen adest divino flamine tectum,
66 imputat et culpam non pater ipse gravem.
67 Audisti maculam peccataque cuncta remitti,
68 audis felices, quos tamen ante reos.
69 Non audis meriti nomen, non debita factis.
70 Hinc agnosce Dei munera grata tui.
71 Omnipotensque viros non lex facit ipsa beatos,
72 a Domini solo est munere vera salus.
73 Jam non Abramides gentes excludat ab alma
74 justitia ; in toto est utilis orbe fides.
75 Omnibus aequa manent Domini promissa beantis,
76 non Abrae legem, sed probat ille fidem.
77 A patre si justo tibi vis descendere justi
78 nomina, cur patrio non petis illa modo ?
79 Ille habuit nomen justi, quia credidit atque
80 illius haeredi convenit una fides.
81 Quid juvat ingrato nascentem abscindere ferro,
82 si sine dissecta pelle beanda fides ?
83 Justus erat princeps, cujus te sanguine jactas,
84 sed neque legales noverat ille minas.
85 Crediderat proprio venturum semine Christum,
86 qui genus ad sanctam duceret omne viam.

87 Crediderat tunc, cum propriis diffideret armis,
88 tantum erat, a Domino verba tenere suo.
89 Ecce secuta fidem summi promissa parentis,
90 et post promissum lex fuit acta Deum.
91 Non lex quae justum faceret servata fidelem,
92 sed signum, populi sed nota clara pii.
93 Successit fidei pellis concisio, non quod
94 justitiae verum traderet illa bonum,
95 sed quia discreto populo daret illa futuri
96 signa boni, verum signat ut umbra suum.
97 Namque docet vitium de pectore scindere pravum
98 hic typus, hoc glandis vulnus et ara docet.
99 Unus et Abramus Graecis Latiisque Syrisque,
100 est Pater, atque fide dicitur esse Pater.
101 Succeditque viro fido quicumque fidelis,
102 nec genus haeredem, sed facit ipsa fides.
103 Nam neque promisso quemquam frustrabit ab almo
104 verax, qui cunctos in sua regna vocat.
105 Suscipere accitos ut non odisse creatos
106 debuit in gremio rex bonus ipse suo.
107 Filius Abrami est, justo qui fidit in uno,
108 justitiae laudem vendicat una fides.
109 Sic gentes Judamque parens complectitur idem,
110 vos precor hoc unum ne lacerate caput.
111 Vos fidei radiis clarum ostentate parentem.
112 Cogitur infidus degener esse patri.
113 Promptior Abramides Christo nisi fidis in almo,
114 pellet ut obscurum te pater ipse nothum.
115 Ille fide claros justis sortitur honores,
116 atque fidem natis postulat esse suis.
117 Nec titulo legis speres promissa fideli
118 dona Patri, non lex, sed dabit una fides.
119 Promisit fidei rex, non sua munera legi,
120 quid capis a vano nomen inane sono ?
121 Ante fides, quam lex. Fidei data gloria vitae.
122 Nec tua de libro legis habenda salus.
123 Tempore quo Christum sperabat terra beantem,
124 lex tulit in saevos dura flagella lupos.
125 Protulit ultorem, quem mens ingrata timeret,
126 et fuit arcendis utilis illa molis.
127 Saepe etiam damno, gravioraque crimina fecit,
128 dum nocet ostensum non tenuisse bonum.
129 At generosa fides cunctis immota sub curis
130 ex pravis justos efficit atque bonos.
131 Dumque refert patrem, promissaque dona resumit,
132 spem facit aeterni semper adesse boni.
133 Dirigit e tenebris animos ad lumina ducens,
134 docta Deum, templi sancta magistra pii.
135 Unit germanas acies, regnique decorem
136 unius in populos dividit una duos.
137 Acrius ut pandit lex vulnera, vulnerat, at qui
138 clara fides animos purgat ut igne reos.
139 Haec per legalem non est vacuanda rigorem.
140 Nam neque mendacem sors facit ulla deum !
141 Aeternusque Pater Christum promiserat ante
142 legem, finito tempore Christus adest,

143 transiit umbra, nitet nebulis aurora diremptis,
144 perpetuum toto nascitur orbe jubar.
145 Legis et est tempus Christo veniente peractum.
146 Pendet et a vero spesque salusque bono.
147 Ut ventura salus erat omnibus. Hanc dedit ille
148 omnibus, Abramo dixit ut ante suo.
149 Vera fides non lex regni clarissima sancti
150 sceptrata parat, claros haec facit esse viros.
151 Haec facit haeredes. Nec enim sunt debita nobis,
152 quae data, dat magni dextra favorque Dei.
153 En promissa fides dono sibi vendicat alto,
154 quo spes electis affuit Abramidis.
155 Abramidas non ipse voco de sanguine natos
156 Abrae, sed veram qui tenuere fidem.
157 Ille fide meruit, meritum si dicimus illud,
158 quod meruit vivo mens pia mota Deo.
159 Ille fide meruit promissi dona beati.
160 Ejus et heredes nos facit esse fides.
161 Ille fide, nos atque fide clarescimus alma
162 datque pater natis nomina sancta suis.
163 Estque pater cunctis quacumque gente renatis,
164 ut Dominus verbo protulit ante suo.
165 Namque fide justi cum nomen principis auctor
166 auget, gravidas adderet atque notas.
167 "Ecce, inquit Deus ipse, patrem te gentibus unum
168 constitui. Multis et pater unus eris."
169 An non sit verum, quod sit Deus ipse locutus ?
170 Aut tantum Solymis sit pater iste viris ?
171 Gentibus hic pater est, cunctisque fidelibus alium
172 dat nomen factis notus in orbe piis.
173 Communemque Deum typica referebat in umbra,
174 Isac ut Christi rettulit ora mei.
175 Nec potuit falli promissis grandibus ille
176 qui posuit summo spemque fidemque bono.
177 Noverat effetae carni dare grandia posse
178 semina, qui verbo condidit astra suo,
179 corpora et a gelidis revocare silentia bustis,
180 qui nihilum forti traxit ad esse manu.
181 Jussus (et) hic puerum duris incendere sacris,
182 non dubitat domino vota parare suo,
183 et quamquam gnato spes alta recumberet uno,
184 nec sibi qui prolem gigneret alter erat,
185 ecce senex juvenem pavidas ducebat ad aras,
186 et patrius fido pectore cessit amor.
187 Quodque magis laudes, ne tunc dubitabat in illo
188 pignora promissi firma futura Dei.
189 Caesurus gnatum lacrimas non fundit acerbas,
190 nec pavet in proprio vulnere justa manus,
191 scit mortem servire patri, scit cuncta sepulchri
192 si jubeat summus saxa movenda Deus.
193 Scitque quod aeterno qui conspicit omnia vultu,
194 quae non sunt, tamquam sint simul illa vocat.
195 Dat vitae nectos homines certusque futuri
196 cunctum sub vivo lumine tempus habet.
197 Et quamvis gentes tunc emorerentur inanes,
198 victuras verbo jam videt ille pio.

199 Ecce fides Abrae viventi in saecula regi
200 credidit, et sancto digna favore fides.
201 Et quamvis sterili sobolem natura negaret,
202 sperat ab aeterno semina multa patre.
203 Passa reversurum sperant post funera gnatum
204 in domino clari pectora sancta viri.
205 Dixerat huic dominus : "Stellatum suspice caelum,
206 En velut hos ignes non numerare potes,
207 sic tua posteritas non est numerabilis ulli
208 tam plenum voluit te Deus esse patrem."
209 Durum erat istud opus vel toti credere caelo,
210 languet, et effetis viribus ipse jacet.
211 Non calor ille recens, jamque aptos lusibus annos
212 solvit, et ad partus debilis uxor erat.
213 Sed flammata fides superos induta vigores
214 spem dederat domini munere posse frui.
215 Saucia non vetulae meditatur viscera Sarae,
216 non gelidus sanguis causa timoris erat.
217 Non desperat inops, dono non haesitat alto,
218 non petit a domino det pia signa suo.
219 Ut probat invalidum vis, aetas, frigus, et uxor,
220 certum de firmo dat Deus esse Deo.
221 Fretus et aeterno qui condidit omnia patre,
222 nil sibi de tantis vendicat ille bonis.
223 Transcribit domino laudes, verumque potentem
224 testatur, notum speque fideque Deum.
225 Et quamquam a summo credenti gratia dono
226 venerat, ut posset credere tanta seni,
227 dignatus princeps meritis ascribere nostris
228 quae sua sunt, rectum censuit esse virum.
229 Sanctaque justitiae dedit huic praeconia, quamvis
230 illa fidesmissi luminis esset opus.
231 Scilicet est tanti, divino corda nitore
232 pandere, et illapsum non pepulisse Deum
233 nec tantum justo sua gloria convenit Abrae,
234 justitiae laudem pectora justa tenent.
235 Hoc reputat cunctis Deus ipse fidelibus, ut sint
236 qui placeant grato tempus in omne Deo.
237 Ut sine lege fides justum pia protulit Abram,
238 sic pia mens fidei munere lumen habet.
239 Justus et ille suo regi quia credidit, ac nos
240 justi per solam possumus esse fidem.
241 Possumus in Christo. Qui vera potentia, verus
242 Isac, et nobis pacta beata dedit.
243 Qui promissa patris divina fidelibus ipsis
244 gestat, et innumeras dat pater almus opes.
245 Quem Deus a tumulis prostrata morte citavit,
246 Abrami veram quo probat esse fidem.
247 Cuncto igitur frater nostri monumenta decoris,
248 sunt ducis, haec nostra gloria justitiae.
249 Sponte Deus nostras divino ut sanguine culpas
250 tergeret, indignam pertulit ipse necem.
251 Surrexit, bustis ut mens tua surgeret atris,
252 nec jam sub solito langueat illa luto.
253 Sed conversa viri jam sanguine munda beati,
254 non carni, aut priscis serviat illa dolis.

255 Nam pius occidit culpas rex mortuus. In quo
 256 ultrices furias vincere quisque potest.
 257 Quo surgente dolis morbo letoque peremptis
 258 sancta sumus vitae reddita membra nove.
 259 Ut fidei dono justus vivamus, in almo
 260 principe, qui populi vita beata pii.

CAPUT QUINTUM.

v.1 Ergo scelus postquam terrestri victa sopore
 2 verterat a pulchro lumina nostra Deo,
 3 jamque albata cohors Christianis incita flammis
 4 incipit ad pulchri regna redire patris,
 5 perque Dei letum torquentibus eruta monstris
 6 tota micat Domini sanguine tersa sui,
 7 jam Stygii cecidere duces, pulsique tenebris
 8 assuescunt oculi lumina ferre pii.
 9 Id neque per legem, fidei sed pignore, quae nos
 10 concilians magno dat simul esse Deo,
 11 pangamus Christi clarissima gesta beati.
 12 En venit a summo paxque charisque bono.
 13 En tibi dat flammam quo mens excita calescas,
 14 qui leto noxam diluit iste tuam.
 15 Eripit hic nostros inferno a principe sensus,
 16 a scelere et vincas eruit iste manus.
 17 Ignibus iste sacris cogit vanescere culpas,
 18 percutit et radiis Tartara maesta suis.
 19 Offensamque patrem terrae implacabile numen
 20 lenit pro cunctis victima grata reis,
 21 datque fide nobis divina charismata gratis,
 22 atque deos caro nos facit esse Deo.
 23 Hanc fratres servate fidem, genus omne laborum
 24 haec terit, inque ipsis dat pia mella malis.
 25 Haec est aetheream quae nos via ducit ad aulam,
 26 hoc pelago votis portus et aura piis.
 27 Hac stamus. Nos ista movet, formatque, regitque
 28 et levat ad verum lumina nostra jubar.
 29 Haec alacres suadet nullis marcescere plagis,
 30 dum memorat nostri vulnus et arma Dei,
 31 gaudia venturo dum monstrat Olympica saeclo,
 32 et quae sint claris regna futura viris.
 33 Nec modo jam fortes, sed dites reddit. In omni
 34 vulnere, dans flatu robur opesque suo.
 35 Insurgant furiae, jam Tartara cuncta tumescant,
 36 irruat in nostros vasta procella sinus.
 37 Stat fidei clypeum nullis violabile telis,
 38 quo pia mens cunctis non dolet icta malis.
 39 Hoc spem nervosam tribuit, quocumque feramur
 40 constat cum summo foedus habere Deo.
 41 Isacides saxi gladio se jactet ab illo,

42 sit mihi Christano gloria vera fides.
43 Haec facit, haec faciet pulchro me sistere vero,
44 cum mundo (et) falsas temnere delicias.
45 Haec resecans vitium de pectore, dat mihi fructus
46 legis, in hac oculis lux datur alma meis.
47 Nec nos huic fidei sanctae incubuisse pigebit,
48 quae nutrix animo dat bona vera pio.
49 Hanc sequimur. Pretii nec nostra est gloria parvi,
50 permanet in Domino spes animata suo.
51 Illa licet pelago non plene apparet in isto,
52 et latet in lacrimis vita salusque piis.
53 Quamvis per plagas et tristia bella ferendo
54 tendimus ad summi gaudia vera poli.
55 Hoc tamen est laudi, grata est haec gloria, saeculi
56 monstra pati, et passi nomen habere Dei.
57 Dulcior est titulus, quam sit mors improba, dulce est
58 praemia si in mediis vir meditere malis.
59 Dulce est pro Christo rigidos subiisse furores,
60 si socium hunc plagis cernis adesse tuis.
61 Si subit in mentem quos pertulit ille labores,
62 regius est equidem non tua poena favor.
63 Est iter ad regnum mundo ingenuisse beatum,
64 dulcia justorum gaudia fletus habet.
65 Hoc bonus exemplum nobis prior ille reliquit,
66 saeva cruentatum cum ferit hasta Deum.
67 Per medios gladios caelestia quaerere regna
68 convenit, en victis hostibus astra patent.
69 Pugna placet pugnante Deo. Quis bella recuset
70 hoc duce ? Non falsum dat labor iste bonum.
71 Ante Dei letum nullas, sed tempore ab illo
72 per Christum victor quilibet esse potest.
73 Mors facilis moriente Deo, traduxit ad omnes
74 ille calix Christo fracta venena meo.
75 Clarior a passis virtus. Tolerantia reddit
76 illustres. Flammis tersa metalla vides.
77 Quum ferit et nostros sensus truculentior ira,
78 sum magis in summo firmior ipse bono.
79 Nec timeo verum vana spe ludat amantem,
80 quem sequor, hic vivus per mala passa Deus.
81 Fallere nescit amor, cui mens pia credidit uni.
82 Spes mea de tuto non ruet ista loco.
83 Nec pudet in vero summam posuisse beato,
84 plena mihi ab sponso sunt data dona meo.
85 Pignus amoris adest et luminis arra superni,
86 haec charitas cunctis insuperata malis.
87 Quae movet aethereis viventia pectora flammis,
88 diffusa illapso corda per alma Deo.
89 Quae nos ad Christum divino invitat amore
90 et trahit ad nostros numina cara sinus,
91 spiritus hac nobis datus est, animosque valentes
92 edocet ablato cortice vera sequi.
93 Hactenus in pravos regnabat littera mores,
94 nunc charis, et magni flatus amorque Dei.
95 Iste amor, iste docet, quantum nos auctor amavit.
96 Caesus pro famulis qui fuit ipse suis.
97 Aspice quam patiens ingratas lapsus in oras

98 a patre descendens optimus emptor adest.
99 Aspice ut innumeras assumpto corpore poenas,
100 mortem pro nobis et tulit ille reis.
101 Merserat obscaeno praecordia nostra sub antro
102 crimen, erat maculis obruta turba suis.
103 Impia gens dominos cantabat adultera falsos,
104 Isacides noti liquerat arma Dei.
105 En glacialis hiems totos obtexerat agros.
106 Ignis in humano pectore nullus erat.
107 Fortis amoris opes (et) amicam suspice flammam,
108 impuros gremio suscipit ille suo.
109 Hosque bene ut tergat ferro terebratur acuto,
110 fundit et a plagis flumina viva suis.
111 Fundit in exhaustos pretioso sanguine rivos,
112 hostibus et regnum non negat ipse suum.
113 En moritur, moriturque volens, proque hostibus impiis
114 laetus obit. Cogor dicere. Magnus amor,
115 cogimur attonito celebrare micantia sensu
116 numina, jam flammis grandia nota suis.
117 Passus ob injustos. Vix hoc pro sanguine justo
118 quis faceret. Similis non fuit ullus amor.
119 Hostibus est tantus. Quid erit cum foedera junxit ?
120 Se dedit hic pravis, quid dabit ipse bonis ?
121 Quid dabit hic turbis divino sanguine lotis,
122 ut lavet hos qui sic sanguine gratus obit ?
123 Deficit hic animus, qui stulto percitus igne
124 quae sentit, nulla pendere voce potest.
125 Concipit ingentes radios. Sed pressa tenebris
126 mens ruit a crassis ebria facta cibus,
127 non refero empyrei gemmata palatia regni,
128 aerata et pulchrum sede sedere Deum.
129 Ut regale caput vivo de fonte liquores
130 fundat perpetuum flansque animansque jubar.
131 Hisque ut laeta modo florescat curia miro,
132 detque polus domino dulcia sacra suo.
133 Haec nihil. Insano tamen est via danda labori,
134 cum majora virum, non brevis urna capit.
135 Non sunt, quae pateant verbis caelestia nostris.
136 Si loqueris, dempto pulvere disce loqui.
137 Suscipe in indicium quod mens tua concipit, ipsa
138 res tibi non isto pura videnda loco est.
139 Ergo age quicquid adest, quo mens afflata nitescat,
140 gaudeat et summo tempus in omne bono,
141 quicquid id est, nec enim visu captatur ab isto,
142 hoc tibi dat voti duxque paterque pii.
143 Te regem caeli statuit, modo nigra recuses
144 signa sequi, et miles, hoc duce, fortis eas,
145 quin te etiam in numen flammis transformat amicis,
146 unum cum domino te facit esse tuo.
147 O amor, o pietas, et in enarrabile donum.
148 Quid cupis expulso mens peritura Deo.
149 Ille tibi adversae pretiosam sanguinis undam
150 fudit, ne maculis emoriare tuis.
151 Nosque repurgatos divino et foedere vinctos
152 protegit, a rabidis servat (et) ipse lupis.
153 Servat et a lapsu, ne nos premat ira superni

154 judicis, in duros quae tenet arma reos.
155 Mortuus est nobis, nobis surrexit, ut ejus
156 det mors cum magno foedus habere Deo.
157 Conciliat nobis domini mors numen. (Et) illi
158 nos comites dulces optima vita dabit.
159 Illius a vita celebrem servamus honorem,
160 quem dedit assertis cruxque dolorque viris.
161 Illius a populo pepulit mors crimina sancto,
162 ejus morte datas vita tuetur opes.
163 Mors rapuit nostras inferno a principe mentes,
164 vitaque nos caro colligat alma Deo.
165 Haec charitas fratres, divini hoc pignus amoris
166 spe fovet atque animos hoc levat orbe pios
167 servilemque quatit firma demente timorem,
168 perstat et in vero lumine solus amor.
169 Haec inter nostras gignit nova gaudia curas,
170 atque alacres mediis nos facit esse malis.
171 Non opis haec nostrae, sed nostri est gloria Christi,
172 qui jungit summo nos sua membra patri.
173 Ad nos vera salus medico dimanat ab uno,
174 ut male qui cunctos perdidit unus erat.
175 Unus homo peperit morbos et funera, verae
176 divitias vitae sic parit unus homo.
177 Ille sui princeps generis diffudit in omnes
178 crimen Lethaeo tincta venena lacu,
179 iste novi princeps generis, caput iste parensque
180 praestat ab immenso mella merumque bono.
181 Iste optatus amans genitos derivat in omnes
182 gaudia funestis vera medella malis.
183 Vitalem parit iste fidem, diversaque nocti
184 lumina et in maculas flumina sancta gerit.
185 Nam simulac totas vastarant crimina terras
186 languebant multis agmina cuncta modis.
187 Nec lex naturae fumantibus obruta saxis,
188 nec Moysi verum jura dedere bonum.
189 Carnis ubique nefas et morbida noctis imago
190 caedebat gnatos tortilis aeva tuos,
191 traditaque ut sceleris saevos arceret amores,
192 augebat noxam lex temerata gravem.
193 Ante etiam legem, quamvis impune putares,
194 non aberat toto criminis orbe scelus.
195 Deerat adhuc miseri qui crimen tolleret aevi
196 improbaque infernum turba ferebat onus.
197 Sic furor a primo traductum et funus Adamo
198 jecit in infestos improba tela viros.
199 Hi quoque qui Domini servabant jussa superni
200 senserunt patriae vulnera saeva manus.
201 Nam reus ille pater communi clade peremit
202 naturae prava quos dedit ipse via.
203 Sed bonus iste parens cujus fuit umbra futuri
204 ille prior, genitis dat bona cuncta suis.
205 Ille necat sobolem, sobolemque hic servat, uterque
206 dux fuit, hic justos edidit, ille reos.
207 Sed tamen a dono est evictum crimen, et alte
208 exsuperat cunctum gratia sancta scelus.
209 Utque beet populos dux iste potentior, alter

210 quam fuit, ut totum perderet ille genus.
 211 Vita necem superat, rabiem clementia noxam
 212 et bonitas, dirum virque Deusque nefas,
 213 ne male quae primo decreta furentia damno
 214 mens timeat, justum cesset amare Deum.
 215 Non scelus est tanti, quod non sit gratia Christi
 216 pluris, ut humanos destruat illa dolos.
 217 Nam si peccati tantum pater ille superbi
 218 vir potuit, multos quod facit esse reos.
 219 Plus poterit Domini virtus et gratia summi,
 220 quae venit a dextris, Christe beate, tuis.
 221 Per Jesum Christum, qui princeps pacis et auctor,
 222 quid sit, quod nobis non dedit ipse parens ?
 223 Exuimus solitas Christo regnante catenas,
 224 Qui Stygium victo daemone fregit onus,
 225 quin dedit ac gratis caelestia regna solutis,
 226 aeternum imperium, qui modo servus habet.
 227 Ne jam peccatum vitali morte redemptum
 228 deffleat, a damno qui sibi lucra videt.
 229 Improba perniciēs sensus invaserat omnes,
 230 inde notam miseri mens rea gessit avi.
 231 Dat vitam divinus amor, Dominusque Paterque
 232 per Christi latices abluit omne nefas.
 233 Cunctaque terricremis abolentur crimina flammis.
 234 Et letale Dei funere finit opus.
 235 Nec solum sacro diluta admissa cruore,
 236 justitiam Christi sanguine donat amor.
 237 Unius et cunctos valuit si culpa nepotes
 238 obstrictos rigidae prostituisse neci,
 239 si qui signa viri, pravi expressere parentis
 240 hactenus infausto subgemuere jugo,
 241 en bonitas major, divinaque gratia solvet
 242 per Christum a gemino pectora justa dolo.
 243 Damna voluntatis, naturae et damna cruentae
 244 unius ob meritum sunt reparata simul.
 245 Vitaque principio vitae regnante per omnes
 246 tenditur, et membris dat caput arma suis.
 247 Convenit hoc nostrae quod sicut suscitatur unus
 248 mortis opus, cunctos et facit esse reos,
 249 unius in cunctos fundat pia dextera vivam
 250 justitiam, et veras det bonus unus opes.
 251 Et diffusa pio lucens per saecula partu
 252 sit sceleri virtus obvia, vita neci.
 253 Virque humilis reparet vitio confossa superbo
 254 pectora, sic morbis pharmaca vera vides.
 255 Transgressor fuit ille nocens, fecitque nocentes
 256 pestifer Inferni castra subire luti.
 257 Hic patrem extollit praeceptaque perficit alma,
 258 et genitos recta dat prior ire via.
 259 Sic justus justos reddit, pulcherque decoros,
 260 et sanctus sanctos dat prior esse viros.
 261 Interea vetito si lex via facta furori,
 262 adversa in Christum non fuit illa meum.
 263 Quin etiam docuit divina rependere dona.
 264 Contulit atque pii munus amare Dei
 265 nam bene qui novit quae sint sua vulnera, liber

266 cogitur in medicum gratior esse suum.
 267 Experti mortem vita laetamur in ipsa,
 268 noscimus et summi robur opesque boni.
 269 Et passi graviora malis. Sentimus honorem
 270 illius, infernas qui ferit igne domos.
 271 Qui nos a diro rapuit sua membra tyranno,
 272 ereptos vitae restituitque patri.
 273 Debemus legi, quod dum tot crimina monstrat,
 274 magna docet medici dona fuisse pii,
 275 principis ostendit nomen, viresque, decusque,
 276 qui pius a rabidi nos trahit ore lupi.
 277 Ostendit quantum Christo debemus amico,
 278 de servis dominos qui facit esse pios.
 279 Qui plebi aethereas tenebrosae contulit auras,
 280 fregit et imperium, Tartare saeve, tuum.

CAPUT SEXTUM

v.1 Nec tamen interea Domino mens fisa beanti,
 2 dormiat in morbis dura sepulta suis,
 3 pristina qui sanctis abstersit crimina lymphis,
 4 non probat ad putridos quod revocere lacus.
 5 Nam si in faece jaces, nec linqvis terrea, frustra
 6 implores Domini pignus et ora tui.
 7 Non te peccantem statuit pia gratia, cum te
 8 a laeto et cunctis eripit illa malis.
 9 Est morbi genus hoc duplex , a crimine noto
 10 quum fugit, illapso mens valet apta Deo.
 11 Quae praestat, pretio non est medicabilis ullo,
 12 nam vacata duris flamma repulsa seris.
 13 Nec tunc quum pavidum penetravit victor ad Orcum
 14 extremo turpes sublevat ille malo
 15 absit, ut in Christo Stygiis eductus ab antris
 16 sponte velis victi castra subire doli.
 17 Et lotus non munda petas, cupiasque reverti
 18 ad noctem et somni vincla pudenda tui,
 19 stat Deus adversus vitiis, rigidusque moveri
 20 non valet, ut justo numine crimen amet.
 21 Ecce inter sese pugnant, mors, vita, scelusque,
 22 gratia, nec tenebris convenit alma dies.
 23 Viventes Christo diti moriamur et umbrae.
 24 Quae vivit vero, est mortua turba dolo.
 25 In vivis sceleri non est locus almus amor,
 26 in Christo vivis nil ferus ultor habet.
 27 Quid tibi cum scelere est ? Necuit jam crimina Christus
 28 insons letiferum cum pateretur onus.
 29 Mens tua, quae luci est a fontibus aedita sacris,
 30 cur fugit a veris quae parit unda bonis,
 31 baptismi nomen sceleratas effugat umbras,
 32 linquite Lethaeum pectora tersa lutum.

33 Commorimur Christo, Christo vincente scelusque
34 vicimus, et pariter condimur in tumulo.
35 Et velut ille nefas moriens calcavit et inde
36 regna patris vivi voce vocatus habet,
37 sic nos exciti vitiis morientibus, apti
38 reddamur vitae jam pia turba novae.
39 Ergo, nec ulterius caeno versemur eodem,
40 se vivo nobis luceat igne Deus.
41 Ac docti meliora, dolis Christo auspice dictis
42 nitamur summum luce tenere gradum.
43 Nam decet, ut claram recolant pia membra magistrum
44 quodque caput Christus praetulit, ipsa ferant.
45 Ipsa ferant nam dux animis affluxit et ori,
46 et ducis ut vincant robore robur habent.
47 Quid quereris, nimiumque gemis, sub pondere carnis ?
48 Et per Tartareas fregeris usque minas,
49 umbra scelus, rabies, et carnea monstra volentem
50 non vinci nequeunt vincere, vincit amor.
51 Omnia sunt tandem Christianae pervia luci.
52 Et terrae nebulas Christeus ignis edit.
53 Fortis amor, monstro non est superabilis ullo,
54 respice sed, proprius ne tibi ludat amor.
55 Ludit amor proprius, delusum est perdit amantem,
56 hoc ab amore animis vulnera facta vides.
57 At caelestis amor terrenas flamiger umbras
58 percutit, obscuram nec sinit esse domum.
59 Ergo age ne dubites, nocturnam evertere classem,
60 cum duce, cumque tuo Tartara rumpe Deo.
61 Ille resurgendo calcavit crimina, crimen
62 vir similis domino tu quoque vince tuo.
63 Desere letalem si qua est tibi cura soporem.
64 Quis furor hic noctis te tenet usque malis ?
65 Cernere vertentem super astra micantia solem.
66 Tu quoque in hoc caelum principe victor habes.
67 Si moreris Christo, si vitam deseris atram
68 spes tibi promissi firma futura poli.
69 At vivis, sed vive humilis, mortique paratu
70 mors est, cum vitiis obvia vita tua est.
71 Cum stupet ad maculas, insanaque credita mens est,
72 tunc sceleri insipido mortua, viva Deo,
73 ecce duos homines, uno sub corde, genusque
74 adversum, adversas hoc facit esse manus.
75 En terrenus homo terram sapit, et nisi terram
76 nil petit. Hic crassus dicitur, atque vetus.
77 Hic sceleris proles est, et pereuntis Adami,
78 cui nox, cum vitiis convenit, atque dolis.
79 Ast novus alter homo, pura et caelestia tantum
80 appetit, a nato sic venit ille Deo.
81 Hunc sobolem dixere poli flammaque calentem
82 divina empyreas qui bene quaerit opes.
83 Ille vetus noster Christo est moriente peremptus,
84 quem crucis occiso destruit ara Deo.
85 Hac et saeva fames auri, scelerata libido,
86 certaue est regni mortua turba mali.
87 Hac sceleris corpus cecidit, cecidere furores,
88 et quicquid fluxum mundus et umbra petunt.

89 Mortuus est animo jam terrae affectus, in illo
 90 qui recolit Domini funera sancta sui.
 91 Exstinctis vitiis Christo novus esse sodalis
 92 coepit, in hoc nihilum jam malus ultor habet,
 93 jamque sumus Domino si mortua membra sepulto,
 94 confidant socio pectora nostra pio.
 95 Cum caeso caesi vivo vivemus eodem
 96 insontes vitae reddita turba novae.
 97 Nam semel occisus, tenebroso excitus ab antro,
 98 a duplici Christus funere liber adest.
 99 Nec se iterum morti concessit victor, ab illa
 100 surgit ad infernas irrediturus aquas
 101 pro scelere exstinctus semel hic est mortuus, at nunc
 102 vivit, placato vivit et ipse Deo.
 103 Te quoque ad exemplum vivi ductoris, in illo
 104 mactatis vitiis vivere crede patri.
 105 Nunc alio sub sole micans, velut orbe reversus
 106 umbrarum, Domini corpore vive tui.
 107 Vivit enim Domino claris virtutibus almo,
 108 qui vivens capiti convenit atque duci.
 109 Utque pius ductor nulla jam morte laborat.
 110 Sic tu ne repetas prisca venena cave.
 111 Ne semel excussus divino sanguine daemon
 112 nunc queat ad solitum te revocare jugum.
 113 Ac tua corda Satan ultrici callidus umbra
 114 gaudeat Elysiis illa queasse dolis.
 115 Nec te lucis inops Christianum despice membrum,
 116 quid tibi cum priscis jam nova vita malis !
 117 Jam sacer es Christo pravos exutus amores,
 118 sub victo rursus daemone miles eris ?
 119 Quin potius fratres tenebris ostendite pulsus
 120 de leto et victis viva tropaea dolis.
 121 Sitque palam Christos mortalia relinquere monstra,
 122 et nova sub magno signa tenere Deo.
 123 Non ego vos posthac inferno maestus odore
 124 aspiciam vitiis degenerare feris.
 125 Nec Phlegethonteo videam servire tyranno
 126 pectora mactati sanguine tersa Dei.
 127 Praebuimus Christo nomen frontesque animosque,
 128 cum nos materna segregat unctus aqua,
 129 liquimus ultorem, pompam aversata malignam
 130 vox dedit angelicis gaudia mira choris.
 131 Heu, cur ad spretas acies lusumque tyrannum
 132 ibimus ? Ereptos oderit ille viros.
 133 Oderit infensos, alienaque signa secutos,
 134 faxo amet, et quid ni funera saeva dabit ?
 135 Funera peccato certissima praemia nostro,
 136 hac stipe sub Stygiis itur in astra deis.
 137 Nec nisi turba jacens diro te subdere regi
 138 sponte velis rabido te premet ille jugo.
 139 Invitos rabies victo foedare furore
 140 non poterit. Viso nox fugit atra Deo.
 141 Lux acuens vetito pejora ad crimina damno
 142 transiit et charitis brachia prompta vides.
 143 Exemptos legi fecit pia gratia Christi.
 144 Purus et in toto vertice regnat amor.

145 Eripuit Stygio qui te Deus ipse tyranno
146 hic dabit ad notum ne revocere malum.
147 Exemptos legi nos contestamur avitae,
148 impune admissum non tamen esse scelus.
149 Lege silente, Deo plectentur vindice monstra,
150 pugnat in adversum jusque piumque, malum.
151 Pulchra sedet pictas turpi nocitura furori,
152 nullaque cum tortis foedera rectus habet.
153 Quin tuus iste furor nunc est sceleratior, in quo
154 est tibi de sumptis sarcina magna bonis.
155 Accedit sceleri, quod sis male gratus amanti.
156 Quod tempore datum corda redempta Deum.
157 Criminibus priscis laesus fuit ante creator,
158 crimine nunc triplici conditor, emptor amans.
159 Durae carnis onus non est tibi prorsus ademptum,
160 nec modo quod pecces hoc duce liber habes.
161 Jam liber legi, sed Christo es servus, ab omni
162 exemptum vitio te decet esse virum.
163 Te pia Tartareis oppressum extraxit ab umbris
164 dextera, te nitido praeficit ipsa loco.
165 Sed si sponte velis misero parere furori,
166 grata tibi si sint funera, servus eris.
167 Qui sceleri servit, Christo non servit amico,
168 te Deus aut daemon qui regat unus adest.
169 Elige quod placeat, sub iniquam daemone mortem
170 ferre, aut sub grato dulcia regna Deo.
171 Illic mortis onus, sunt hic pulcherrima vitae
172 jura, datur voto quod velis esse tuo.
173 Gratulor at sanctis et Christo lector in uno.
174 Fregisti infernum jam pia Roma jugum.
175 Liquisti Egeriae somnos, Martemque, Jovemque,
176 qui tibi tam dira fraude pudendus erat.
177 Justaque suscepto divesque ac libera Christo
178 observas Domini jussa fidemque tui.
179 Jamque novo cultu pulcherrima suscipis arma
180 contra his et rabidos ad necis antra lupos,
181 ac merito Lybicus nunc invidiosa leaenis
182 servis sub pulchro pulchra marita Deo.
183 Qui velit ut numquam caeco sopita furore
184 transilias, purus quae tibi monstrat amor.
185 Laomedonteo nec Christum despice fastu.
186 Qui servit Christo regnat in astra meo.
187 Nunc vere mundum subigis tibi, nocte repulsa
188 cum cupis occisi signa tenere Dei.
189 Nunc tibi vera datur laetis victoria caelis.
190 Vicisti infernas Dardana turba manus.
191 Vicisti terras et quicquid militat Orco
192 victrix sub Christo regia facta meo.
193 Nunc caput orbis eris, Latio nunc purpura sceptra
194 serviet, imperium Martia Roma tuum est.
195 Nec sit virtuti durum servire beatae,
196 ereptosque umbris lucida signa sequi.
197 Virtus justitiam pariet, vivumque decorem,
198 perpetuas vires, et sine labe genus.
199 At vitium faciet miseros, mercesque furori
200 mors sola est. Vitiis quis velit esse comes ?

201 Quid memorem a pulchro stillantia balsama vero,
 202 et bona quae felix gaudia justus habet ?
 203 Stet ratio libram si vis referantur ad aequam
 204 virtus et vitium, quid tibi pluris erit ?
 205 Decipulas sceleris quis non videt ? Et mala quis non
 206 perspicit illecebris insidiosa suis ?
 207 Si tibi non placida est virtus, quia parta labore,
 208 at vitium fugito, nil nisi virus habet.
 209 Funera dat saevus daemon sua castra secatis,
 210 quis rogo sub tali principe miles erit ?
 211 Quis, nisi qui verum contra furit, utraque claudens
 212 lumina cum voto dissidet ipse suo.
 213 Vanus et aeternae nomen memorabile vitae
 214 non videt, et blandum sat putat esse lutum.
 215 Ergo Dei frater quem Christo illustrat in uno
 216 spiritus oblatum suscipe mente bonum.
 217 Qui sceleri servus misero foetebat amore,
 218 cur nunc sub domino non micet ille Deo ?
 219 Hactenus immundo pereuntia membra tyranno
 220 praestasti, ut putrido mergeret ille salo.
 221 Perque dolos vehemens terreno excita sapore
 222 mens tua Lethaeis ibat edenda lupis.
 223 Nunc piger ad Christi radios ? Nunc segnior ibis
 224 cum tibi de patrio vita petenda sinu ?
 225 Ergo age, rumpe moras, divinam et concipe flammam
 226 nec sedeat voto pulvis et aura tuo.
 227 Cresce, puer, sub lacte Dei, majoraque semper
 228 assuetus radiis vir meditare piis.
 229 Corda prius vitio, cur non dabis ipsa beanti
 230 justitiae ? An votis mors placet una tuis.
 231 Si prius ob noctem tua frons erat invia luci
 232 divinae, et superas umbra vetabat opes,
 233 at nunc orta dies et apertos fusa per agros
 234 omnia dat sanis aspicienda oculis.
 235 Quod tibi ni satis est naturae lumen, in illo
 236 ut videas claro quae fugienda viro,
 237 unica perpensi docet experientia damni.
 238 Anxia quam terrae vota fefellit amor.
 239 Respice quicquid erat, quo te vetus umbra vocabat ?
 240 Dic, rogo, sub vitiis quid nisi funus habes ?
 241 Divitiae fragiles terra pelagoque petitae
 242 quantum onus, heu, misero cum peterentur erant ?
 243 Quis fuit ille labor per tanta pericula nummos
 244 quaerere ? Ab amissis quis tibi luctus adest ?
 245 Quae veneri merces, media inter vota sequuntur
 246 quam lacrimae, et falsis taedia mixta jocis ?
 247 Sit vitiis tandem quod nil nisi turpe laborque
 248 si velis a morbo discere, disce tuo.
 249 Scilicet hoc auctor scintillas addere menti
 250 dum parat, ad regnum nosque vocare suum,
 251 hoc etiam nostras percussit vulnere culpas,
 252 quod sibi commissum sit sua poena malum.
 253 Supplicii genus est, sceleri servire nefando,
 254 et sibimet judex crimen et ultor adest.
 255 Nonne pudet dextras misero praestasse capistro ?
 256 Utque suem caeco velle jacere luto ?

257 Non Domini prolem diro violasse veneno
 258 et vitiis animum conscelerasse pium ?
 259 Non pudor est, timeas, mors vanum aeterna labarem
 260 occupat haec falsis ultima meta bonis.
 261 Haec, haec digna Satan servis dat praemia charis,
 262 dux laeti laeto vindice solvit opus.
 263 At mutata via est, Christo sub principe, servus
 264 regnat et a cunctis nil timet ille malis.
 265 Scilicet a Domino sunt altera praemia vero,
 266 insontes laetos et facit esse pios.
 267 Datque piis justus supera ditescere flamma,
 268 expertes magni nec sinit esse Dei.
 269 Rex lucis lucem tribuit, pulchrisque decorus
 270 vivere dat regno tempus in omne suo.
 271 Jam conferre Deo tenebrosum daemona claro,
 272 si juvet, et factis dona parata bonis,
 273 quis dubitet te, Christe, sequi, rex optime, quamquam
 274 ad majora movens nos tuus instat amor.
 275 Et fueras certe Stygia quaerendus in umbra
 276 per te, dona licet tunc quoque nulla dares.
 277 Justitiae fructus vita est, mors criminis, et tu
 278 elige qui servis, cui velis esse favens.
 279 Si velis ad mortem, duro parere tyranno,
 280 vivus sub grato seu velis esse Deo.

CAPUT SEPTIMUM.

v.1 Nec pius hic tantum nos diro a principe servas,
 2 solvit ab involucris lex quoque prisca tuis.
 3 Fregit onus sceleris, legis quoque vincula tollit.
 4 Jam tibi pro toto est pondere solus amor.
 5 An nescis, frater, legem ipse scientibus omnem
 6 alloquor haec, verum jam tenet umbra suum.
 7 Ante sacros partus vivebat gloria legis.
 8 Abrogat hanc magnus cum micat orbe Deus.
 9 Aspice ut ablati leto pia nupta mariti
 10 solvitur, et solito est libera facta jugo.
 11 Dum fuit huic conjux, alias accendere taedas
 12 non licuit. Vinculis haec erat arta sacris.
 13 Conjuge defuncto, si nubat adultera non est,
 14 namque sui juris quod velit illa facit.
 15 Sic lex illa vetus typicis umbrata figuris,
 16 in qua pro succo nil nisi Christus erat,
 17 praescripta ad tempus nunc est exstincta, novoque
 18 lumine connubit numine noster amor.
 19 Durabat nostrum Mose ductante capistrum,
 20 jamque pio mundi sub duce liber honos.
 21 Quid tibi cum caeso fulgens nova nupta marito ?
 22 Jam Christi Christum quae colis uxor eris.
 23 Jam vetus illa jacet dimoto littera libro,
 24 ubera fecundi jam bibis alma Dei.

25 Ille prior moriturus erat, cursuque peracto
 26 vivit, quum domino cesserit ipse suo.
 27 Mortuus iste semel saeculum surrexit in omne
 28 vivus, et ad vivum nos trahit ipse Deum.
 29 Hic sponsae in thalamum veniens per Olympica jurat
 30 nomina se solum tempus in omne virum.
 31 Connubiumque sacrum dotali sanguine firmat,
 32 quo valeant servi regna tenere pii.
 33 Accipit a sponsa nihil, et dedit omnia. Quae te
 34 sponsa neget talem, sancte marite, sequi ?
 35 Aut cui te vivo primi succurrat imago
 36 conjugis, est vanis pristina mensa cibis ?
 37 Quin potius conjux si nos prior ille movebat,
 38 torpenti et durum nocte juvabat opus,
 39 hic placeat, formosus enim, divesque, piusque
 40 et qui de medio nos levat ore luto,
 41 sub sene quae sterilis fueras fecunda sub isto
 42 mens eris, est socero feta probenda Deo.
 43 Da sponso dignam sobolem, soceroque tibi que,
 44 surge cito, ad summum surge vocata bonum ;
 45 augecantque tuo clarissima sidera partu.
 46 Te vacuum unito non pudet esse Deo ?
 47 Non pudet in tantis opibus donisque bonisque
 48 nil facere ? Haec animos non citat hora tuos ?
 49 Crassa quidem nobis cum lex erat ipsa maritus,
 50 dura erat et multis imperiosa modis,
 51 quumque minis variis caecos arcebat amores,
 52 ad culpas causam visa dedisse suam.
 53 Dum mala mens vetito velut irritata sapore
 54 excita ostensis dicitur esse malis.
 55 Ac per frena ferox cursu volat improba torto,
 56 ut sessor rabidus, quem nimis urget equus.
 57 Sic miseros dedimus fetus, aegrosque, necique
 58 subjectos, nam sic subdita mater erat.
 59 Carnea carnales genuit, moritura peremptos,
 60 hei mihi ! Sub mortis principe Saulus eram.
 61 At nova nupta decens mortali exempta marito,
 62 libera jam vivo serviat ipsa Deo.
 63 Occidit infelix felici littera partu,
 64 pulchraque jam vero plena figura suo est.
 65 Vos quoque carnis opus veteremque relinquit nocti.
 66 Et jam pura novo reddite corda viro.
 67 Vivite viventi, jam vos novus iste maritus
 68 dignos amplexu sic docet esse suo.
 69 Spiritus hunc sanctus lux et nova suscipit, eh jam
 70 cedat perpetuis littera prisca sacris.
 71 Non tamen ob crimen lex prava est, criminis auctor
 72 non fuit haec nostrum nec facit illa malum.
 73 Causa mali non haec, licet haec occasio culpae
 74 dura scelus nobis dum cohiberet erat.
 75 Traditur ut vitiis me lex arceret ab atris,
 76 labor, et indamnum vertitur illa meum.
 77 Ignorans legem, nec crimina noverat ipsa
 78 mens mea, sic sceleris lege calescit opus.
 79 Dum prodit crimen lex aspera, nec dabat umquam
 80 robur, quo rectos duceret illa gradus,

81 more hominum caeca est vetitis accensa libido,
 82 inque minus licitum turpis anhelat amor.
 83 Optabam levius, quia dum concessa putabam,
 84 frigebat votis languida flamma suis.
 85 Nam quibus ut libeat fas sit, justumque potiri,
 86 ut pectus stimulent, haec minus ignis habent.
 87 Per legem et multis sunt prodita crimina formis,
 88 saevit et in nostrum mota cupido caput.
 89 Ac inferna cohors jussu irritata severo
 90 acrius ad miserum sollicitavit opus.
 91 Sic robur coepit crimen, torpensque tenebris
 92 ostenso vivum surgit ab igne malum.
 93 Nam veluti caesum tenebris stertebat in altis,
 94 cum mors peccati non bene nota mihi.
 95 Dum sine lege sui, peccataque multa licere
 96 credebam, nondum cognitus error erat.
 97 Ast ubi praeceptum vetuit mihi crimina sanctum
 98 est data peccatis ut sua vita meis.
 99 Et novus ille furor jussis adolescit ab artis,
 100 incipit et vetitum tunc magis esse malum.
 101 Crimine sic vivo morior, quia numina jusque
 102 temnenti justa est poena timenda mihi.
 103 Meque sciente meum crescit mea culpa reatum,
 104 dum quae prava scio, nil minus illa sequor.
 105 Si lex, quam vitae dederat Deus, illa furorem
 106 exacuit vitio mors mihi facta meo.
 107 Insita peccandi cum sit mihi prava cupido,
 108 deflexere animum quaeque negata meum.
 109 Et bona lex, quamquam sceleratae occasio culpae est,
 110 dum carnem monitis incitat ipsa suis.
 111 Ex hoc peccatum, peccato funus, ab illo
 112 crevit et irrisum culpa secuta bonum.
 113 Non tamen ob nostros lex est damnanda furores,
 114 nam fuit a sancto tradita sancta Deo.
 115 Illa malum prohibet, nec causa est funeris acti
 116 per vitium, culpae nec fuit illa parens.
 117 Ex vitio mors ipsa venit, quaeque optima de se
 118 lex erat, ob culpam dat mihi damna meam.
 119 Lex adversa malis nos forma, invitat honesta,
 120 sed scelus ob nostrum quod studet illa nequit.
 121 Privavi fructu legem. Sub nomine nostro
 122 signo alios, dictus carnea signa sequi.
 123 Nam carnalis homo, pronusque ad turpia, duro
 124 more cadens ipsis sum data praeda malis,
 125 vertor et a vero vitiis obtusus ab ipsis,
 126 atque sequens video, quod sequor, esse malum.
 127 Quodque operor damno, quod mens intelligit odi,
 128 quod ratio prohibet proditus illud ago.
 129 In proprios pugno sensus, victusque sopore
 130 de pello, ex oculis lumina visa meis.
 131 Hinc bona quod fuerit lex, non mihi causa nocendi
 132 constitit, adversum nam vetat illa malum.
 133 Quae refugit ratio, simul et lex damnat, eamque
 134 mens probat, illicitos et fugit illa jocos
 135 cur tamen illa sequor, quae sunt adversa sequenti,
 136 quaeque metu pravi lege negata mihi ?

137 Ante oculos hominis duplex succurrat imago,
138 inque fera armatos proelia finge duos.
139 Hic carnalis inops crassum sine lumine corpus,
140 alter et a lucis principe lumen habet.
141 Ille sua ductus rabie proclivis ad omne
142 it scelus, hoc quaerit, et cupit, atque sapit.
143 Iste bono cedens et honesti semine dives,
144 semper amat pulchri candida signa boni.
145 Et mediis vitiis adverso nititur ore.
146 Utque potest clamat, non sibi dulce nefas.
147 Hunc ergo internum patres dixere, aliumque
148 externum, miseris qui cupit esse locis.
149 Cum pia mens igitur vero consentit amico
150 nititur et firmo pura manere gradu,
151 sed tamen ipsa sibi restans inflexa furori
152 cedit, et exoso concidit icta malo,
153 tunc ea quae faciat furiis ascribit Avernis.
154 Nec probat insanam, quam legit ipsa viam.
155 Tum caro dira valet tenebrisque externus et umbris
156 regnat homo, et regnum destruit ipse suum.
157 Fortior et pravus, flammaque potentior umbra
158 attrahit illudens interioris opes.
159 Hinc fit ut interior scelerata ad crimina tractus
160 dormiat. Et socio proditus hoste ruat.
161 Hoc quoque (nec pudeat plagas aperire latentis)
162 carne mea fateor, jam nihil esse boni,
163 nam rationis ope si vera capessere curo,
164 et facilis veram mens cupit ire viam.
165 Sed neque plena datur rectis haerere potestas,
166 non animus praestat quae probat ipse meus.
167 Dumque valet magis haec ad turpia prona cupido,
168 quam ratio ad pulchrum quae citat illa bonum,
169 non facio justum quod mens mea diligit, atqui
170 quod damnat, dirum vultque, timetque malum.
171 Quod si quae inviti facimus non facta videntur
172 nostra viri, hoc factum vix fore credo meum,
173 adversusque mihi videor mea facta negare,
174 libera nec digitis lora fuisse meis.
175 Nam vis peccanti crassis impressa medullis,
176 nocte reluctantem condit acerba diem.
177 Hanc mihi non pestem lex eximit, attamen illi
178 dum conor frenis subditus esse sacris.
179 Tunc mihi nota mali rabies infixata sub ipso
180 pectore, quae laesi vulnera monstrat avi.
181 Monstrat avi, morisque nefas, ab origine pestis
182 robur et a multa traxit iniqua mora.
183 Nam rapit ad justum pulchri me splendor honesti,
184 quod domini jussu lex quoque sancta docet.
185 Pugnat ab adverso duris lex altera monstris,
186 externus secum quam male gestat homo.
187 Et rationis opus voto confundit iniquo,
188 sic me distractum terra polusque terunt.
189 Quo vocat et ratio deterret falsa libido,
190 et pugnae primas improbus hostis habet.
191 Vincitur et rectum pravo vincente, ferorque
192 servus ut, exosis impia praeda malis.

193 Nam carnis rabies et acervum in tempora virus
 194 occludunt valvas ad pia dona meas.
 195 O miser infelix, o tot, tantisque periculis
 196 prodite, quae tali carcere finis erit ?
 197 O me quis tandem proprio defendet ab aestu,
 198 ne patiar gladiis vulnera facta meis ?
 199 Quis me de imperio carnis somnoque, doloque,
 200 liberet ? O magni gratia sancta Dei !
 201 An non exclamet vitiis obstrictus Avernis.
 202 O bonitas populi sancta magistra tui.
 203 Hic precor, o fratres, Christo moriente soluti
 204 enthea magnifico reddite corda Deo.
 205 A tot servanti furiis quae praemia digna
 206 reddis ob occisum libera turba Deum ?
 207 Ille quidem hanc pestem diffuso sanguine trudit,
 208 nec quo te vincat jam canis arma tenet.
 209 Allatret cornuque petat, sed vincere verum,
 210 non valet. En victor qui velit esse potest,
 211 si meliora cupis, divinaque mente reposcis,
 212 est qui victorem te Deus efficiet.
 213 Est praesens Christi quod vincit Tartara telum
 214 quo quicumque cupit vincere, victor erit.
 215 Est caro, per legem funesti criminis, illi
 216 qui servit, miserum se sciat esse reum.

CAPUT OCTAVUM.

v.1 Quod si nunc etiam primaevi terrea morbi
 2 pars manet, et sumo en pectore carnis amor,
 3 hanc tamen in studio clari superabit amoris
 4 mens pia, quae nusquam ni volet ipsa, cadet,
 5 nam simul ac puri diffunditur unda lavacri,
 6 sub gladio Christi crimina cuncta jacent.
 7 Ac lex jam vitae nocturno invicta furore,
 8 inclyta de sceleris lege tropaea tulit.
 9 Peccatumque ruens intrusi robora laeti
 10 perdidit, et primo non ferit ira modo.
 11 Id cum lex Mosi, quo sit lex carnea, plebi
 12 non dederat, sacris dat Deus ipse novis.
 13 Consuluitque suis ostensa conditor arte
 14 hac reparans lapsum qua creat unus opus,
 15 utque duos audis homines crassumque piumpue,
 16 ecce duas leges corpore legis habes.
 17 Altera mentalis, simplex, sine pondere, pura,
 18 divina in vero lumine lumen habens,
 19 altera crassa nocens et acerbis horrida vinclis,
 20 terra soporato quae colit antra sinu.
 21 Spiritus haec, illa est occidens littera, Mosen
 22 illa si auctorem vindicat, ista Deum,
 23 a Mose adveniens nulli dedit arma salutis

24 quamvis a notis arcuit illa malis,
 25 altera, quam Christus Moses velut alter ab alto
 26 Patre refert, flatu dat bona cuncta pio.
 27 Haec effundit opes, et inanes effugat umbras,
 28 et verum dempto cortice nomen habet.
 29 Sed quia sic decuit, per carnem ut carnea pestis
 30 victa sit, est sanguis sanguine, morsque nece,
 31 gentis ab aethereo lapsae miseratus Olympo
 32 demisit gnatum conditor ipse suum.
 33 Qui licet aeterni non mutat numina nati,
 34 induit huc missus carnea membra Deus.
 35 Communemque viris naturam assumpsit, et inter
 36 peccantes transit sed bene carnis iter.
 37 Et quamquam justus peccator creditus inter
 38 injustos fuso sanguine fixus obit.
 39 Peccati effigiem sic lux aeterna recepit,
 40 ut specie sceleris luderet ipsa scelus,
 41 ut Deus aeternis aboleret crimina flammis,
 42 factus pro nobis, hostia grata reis.
 43 Et moritur non victus homo, letumque subegit,
 44 et tulit e victo sancta tropaea dolo.
 45 Mors moritur moriente Deo, dominataque nobis
 46 caeca caro telis concidit icta suis.
 47 Corpore sic legis aboleto insurgit et afflat
 48 spiritus et passi luxque. Salusque Dei.
 49 Nec parit haec iram, nec iniquos excitat aestus,
 50 ut quae sub duris hactenus umbra notis.
 51 Sed bona justitiae confert, verumque Deumque,
 52 his quorum exstinctos pectore carnis amor.
 53 Qui non signa colunt vanis inferna sub umbris.
 54 Nec vacuae charitis nomen inane gerunt,
 55 sed bene per flatum divinae legis aguntur,
 56 quo vivit passo turba renata Deo.
 57 Jam micuit pietas, perfectaue nomina sanctae
 58 justitiae, et clarum dat nova vita genus.
 59 Aspice carnales, ut carnea vota sequuntur,
 60 insitus at Christo nil nisi numen amat.
 61 Neglecto carnis stimulo consurgit ad astra,
 62 Spiritus optati quo jubet ire Dei.
 63 Cura viro similis, plebs carnea non nisi quaerit
 64 carnea, mens sancti non petit ima viri.
 65 Aspirat, sursumque vocat, Christumque vocantem
 66 audiit, et nullo pondere pressa venit.
 67 Mortales hae carne sumus, sed morte subacta
 68 Christus non iterum non moriturus habet.
 69 Vivit, et ad vitam nos excitat, ipseque nostra
 70 vita dedit membris vivere posse suis.
 71 At lex carnalis superis, adversa favillis
 72 avocat a nostro corda superba Deo.
 73 Sic parit et mortem, vitae lucique repugnans,
 74 dum stupet ad solis lumina, nocte perit.
 75 Qui sapit (et) carnem nihilum sapit improba terra
 76 Terra videt, terrae plus quoque lumen obest.
 77 Nam terrena magis qui perspicit, illaque cordi
 78 figit, de aethereis nil videt ille bonis.
 79 Mors caro, mors sanguis, sed vita spiritus, in quo

80 cernimus ad flammam, te Pater alme, tuam.
 81 Spiritus hic pacem tribuit, sed terra furorem
 82 letiferum, radiis obstat et illa piis.
 83 Hostis et in pulchrum carnis sapientia verum
 84 perditur inferni castra secuta doli.
 85 Obsistensque Deo longe ad diversa vocanti
 86 se miseram summis implicat usque malis.
 87 Contemnensque Dei legem, carnemque secuta
 88 mens nequit ulla suo complacuisse Deo.
 89 At vos per flatum carnis de lege supernum
 90 eruta plebs domino nuper oborta pio.
 91 Vivite conformes vitae radiisque receptis,
 92 in vestro memores corde sedere Deum,
 93 nam sacer in nobis flat vere spiritus, atqui
 94 effugiet sanctus turpia templa Deus.
 95 Turpia cum puris pugnant, ut frigora flammis,
 96 et scelus et numen non simul esse queunt.
 97 Spiritus in nobis vitae cupit esse, manetque
 98 sponte quidem in nostris cordibus almus amor.
 99 Almus amor, quem non delectant carnea, quique
 100 vere habitat nostro pectore, si volumus.
 101 Si volumus praesto est, animis hunc candida turba
 102 suscipe, credenti nulla neganda tibi.
 103 Sed neque sola fides faciet pia pectora Christo,
 104 apta fidem pulchrum ni comitetur opus.
 105 Baptismo solo qui se putat esse beatum
 106 fallitur, hic vitam sub duce carnis habet.
 107 Ni Christi vivum mens combibit enthea flatum,
 108 illius atque animum firmat amore pium,
 109 vitali succo castas implere medullas
 110 non valet, aut domino plena nitere suo.
 111 Pneumatis et nexu Christo jungimur almo,
 112 qui vacat hoc, nullum, dic tibi, lumen habet.
 113 Quod si lex nobis vita, (et) pax Christus, (et) ipse est
 114 virtus, quis vitiis jam locus esse potest ?
 115 Expresset Christum plebs Christea, mortuus ille
 116 dux fuit, at vitam nunc bene victor habet.
 117 Ergo iter hoc Domini fratres imitemur amici,
 118 et pars in nobis crassior illa ruat,
 119 ira, Venus, nummique fames, et cetera terrae
 120 monstra cadant. Nostrum nil male pectus amet.
 121 Sic ruat hoc corpus, careatque libidine, vivat
 122 Spiritus ut veras et bene quaerat opes.
 123 Utque accensa super, circumvolet aethera votis,
 124 mens pia, sic quaerunt optima membra caput.
 125 Illius at victo qui Christum extraxit ab Orco
 126 si bonus in vestris spiritus est animis.
 127 Non erit hic vacuus, vivis micat utile donis,
 128 numen et hoc vobis quod duce fecit aget.
 129 Christum ille effractis evexit ad astra sepulchris,
 130 nec justum gemina morte perire sinit.
 131 Vos sic a vitiis quae mors est vera citabit.
 132 Restituet vitae quod cupit ipse novae.
 133 Exstinctumque nefas abigens et carnea vota,
 134 conferet in saevos lumen et arma lupos.
 135 Vivimus huic, ejus non ducit spiritus, illi

136 serviat efflato vita parata Deo.
 137 Quid mihi cum carne est, puro quae restat amori ?
 138 Turba sumus morti mortua, viva Patri.
 139 Postquam divinum Christo bene coepimus haustum,
 140 debemus carni jam nihil, omne duci.
 141 Absit, ut affectu terrae mergamur iniquo,
 142 nostraque Lethaeae vota morentur aquae.
 143 Jam caro per Christum menti servire coacta,
 144 disce pati flammis dulcia frena piis.
 145 At vos ad vitam vero vivente vocati
 146 ad mortem surdi ne properate rei.
 147 Mors a carne furit, sed si vigor igneus illam
 148 extenuat, falsas urit et illecebras,
 149 vita erit, et luso tunc membra micantia monstro,
 150 incipient vera luce referre caput.
 151 Non est, cui timeas durus parere, tyrannus,
 152 spiritus, afflatos non premit ille viros.
 153 Dulce jugum, suavisque labor, non improba jussa,
 154 et crucis amplexae pondera lenit amor
 155 aspirat menti cum flaminis aura benigni.
 156 Nil obstat Dominum quin petit illa suum.
 157 Mens corpusque suo flatu ductantur, ab ipso
 158 torpenti torpens frigora corpus habet.
 159 Si vigeat flatus, vigor est in corpore laetus,
 160 sic anima, affectu prava, vel alma, suo est.
 161 Mensque, Dei quam flatus agit, vitaeque reformat,
 162 est proles magni sanguine nata Dei.
 163 Spirat enim redditque patrem, facilisque sub omni
 164 pondere amat dulci docta placere patri.
 165 Conditor a domino servum quia separat, ecce
 166 qui servit, duro cogitur ille metu,
 167 pressus et officium peragit, vos libera Christo
 168 turba, nec in vobis causa timoris erit.
 169 Hi timeant qui vincla volunt, rursusque flagellum
 170 legis, (et) ad solas flectere corda minas.
 171 At vobis Domini vera, quis luce beati
 172 flatus adest, pleno est pro duce verus amor.
 173 Non opus est misero sensus arcere timore,
 174 quos agit infusi flamma favorque Dei.
 175 Spiritus ipse Dei gnatos vos fecit amici,
 176 hoc precor, a summo quaerite summa Deo.
 177 Servilisque timor regali cedat amori,
 178 qui sibi jam dulcem sentit adesse patrem.
 179 Ah pater, ah genitor, quae nostra est gloria patrem
 180 dicere, quem nostrum noscimus esse Deum.
 181 Hoc est a summo praestatum munus amore,
 182 ne servus Dominum nesciat esse patrem,
 183 Quid timeat carus domino ? Quid filius ejus
 184 non speret ? Christo quid neget ipse parens ?
 185 At quia jam faciles nutu, verboque parentis
 186 vivimus, afflatum dat pater ipse suum.
 187 Constet et ut veri sobolem, nos esse beati,
 188 dat nobis verax pignus amoris amor.
 189 Hic nos heredes sceptro promittit eodem,
 190 ut genitos vero cuncta tenere bono.
 191 Cuncta simul primo per quem Pater omnia nato,

192 mens pia communem coepit habere patrem.
 193 Congenuit Christo, regnum veniemus ad alnum,
 194 ille prior, socios perferet ille suos.
 195 Ductor ovans, secumque ligans, summusque sacerdos
 196 offeret aeterno semina viva patri.
 197 Sed non ante datur, divinam scandere sedem,
 198 haerere et domino tempus in omne pio,
 199 quam Christo similes agni, victoque dolore,
 200 pergamus recta qua prior ille via.
 201 Ille malis passis regnum pervenit ad illud,
 202 quod patris ad dextram numine plenus habet,
 203 dedecus ut patitur, culmen sibi coepit honoris,
 204 quodque humilis, summum surgit ad imperium.
 205 Aspice ut angelicas hic fertur ad astra per ulnas,
 206 qui modo tam diro funere caesus erat.
 207 Aspice ut innocuus distillet balsama vultus,
 208 quem modo sub Malcho scis genuisse fero.
 209 Aspice, diffuso rorati sanguine vepres
 210 ut sint purpureis lilia mixta rosis.
 211 Aspice, ut affixae sub iniquo vulnere dextrae,
 212 effundant toto tempore divitias.
 213 Ut spiret, pariatque bonum, vitamque decusque,
 214 quod latus ignari perforat hasta viri.
 215 Mortuus hic tandem vivit victorque laboris
 216 regnat, et in superos jus habet ipse choros.
 217 Et quicumque volet divina reposcere regna,
 218 hoc ducis exemplo, convenit orbe pati
 219 vis Christi sceptrum ? Christi perferre labores,
 220 non pigeat, pretium funeris astra tenes.
 221 Non pigeat, superanda omnis fortuna ferendo est,
 222 si mundo gemitus dat brevis hora suos.
 223 Spes tua de aeterno est, brevis est labor, optima caeli
 224 Pascua, sed modico est tempore poena levis.
 225 Sic promissa viris Christani gloria regni.
 226 Et nisi post fletus non datur illa pios.
 227 O nos felices, quos plagae et vulnera monstrant,
 228 ad caelos veram carpere posse viam.
 229 Ne turbent te plaga, labor, funusque dolorque,
 230 maxima pro parvis mercibus empta vides.
 231 Gaudia venturo numquam interitura sub aevo,
 232 pro brevibus lacrimis quam bene justus emis.
 233 Pro leto vitam, pro plagis regna Deumque,
 234 pro terra aeternas paupere divitias.
 235 Adde quot et variis subeunda pericula terris,
 236 dum rapidus fragiles quaerat avarus opes.
 237 Cantaber adveniens geminam mercator ad ursam
 238 tempserit horridi murmura saeva sali ?
 239 Mercatura Deum timeant quid corda beantem ?
 240 Quis dare pro Domino vir neget ulla suo ?
 241 Inveniens pulchram quis non dabit omnia gemmam,
 242 ut capiat ? Frater quid tibi pluris erit ?
 243 Quid super aeternum repetas ? Quo victa labore
 244 mens pia propositi, non emat ore Dei ?
 245 Interea regni sancta tibi morte parati
 246 a vero pignus numine certus habes.
 247 Non tamen hic plena est saeclo dum vivis in isto

248 gloria, securo qualis habenda polo.
 249 Entheus hic gustus divino afflatus ab ora
 250 dat quasi transennae signa videnda boni,
 251 nescio et an gustus, expertae credite menti,
 252 non valet hoc verbis lingua referre suis,
 253 plenus at ille decor, perfectaue gloria vitae
 254 tunc aderit verus cum sine nocte dies.
 255 Corpora cum tandem pavidis extracta sepulchris
 256 non possint damnis, vulnere, morte, premi.
 257 Interea selecta cohors servata perempto
 258 surgente et flatu membra tegente suo.
 259 Exspectat, maestis simul omnis fabrica mundi,
 260 cum Pater electos ducet in astra viros.
 261 Cum Deus omnipotens lacrimas absterget ab almo
 262 corpore, ne liceat tristitia posse pati.
 263 Cum vesana fames auri moritura superbi,
 264 plenaue divini vasa liquoris erunt.
 265 Nec nos hoc tantum, sed cuncta haec machina votis
 266 optat ad obsequium nempe creata virum.
 267 Dumque viri patimur, patitur velut ipsa laborem
 268 machina, quae nostris corruiet icta malis.
 269 Infelixque simul nostros ut questa labores
 270 deflet et exspectat cum gravis umbra ruat.
 271 Ac elementa simul, nostro ceu nubila casu
 272 conciderint, illo pulchra futura die,
 273 et non ante suo sperant gaudere decore
 274 quam genitis pulchri sint data cuncta Dei.
 275 Nunc velut in tacito damnata mala saecula luctu,
 276 et tamquam humano prodita more gemunt.
 277 Perfectumque orbem cupiunt, tantumque laborem
 278 spe tolerant quoniam justa paterna ferunt.
 279 Solaturque malis, quod se non sentit in aevum,
 280 fabrica sed certo maesta futura modo.
 281 Scilicet usque sui pereant contagia morbi,
 282 nec mentes proprii corporis arma tremant.
 283 Tunc mundus viso celebrans nova gaudia vero,
 284 accipiet donum tempus in omne suum.
 285 Interea pugna est cunctis, aestusque, vicesque
 286 terra, aer, motae perpetiuntur aquae.
 287 Ipsa quasi humano torpescant sidera somno
 288 saepe vices passo lumine maesta silent.
 289 Quin etiam angelici flent vulnera nostra manipuli,
 290 aula Dei nostris condolet ipsa malis.
 291 Denique nobiscum quis non gemit? Ut pia mater
 292 parturit, heu, lapsos machina tota viros.
 293 Nobis cumque jacens finem requiemque laborum
 294 optat et occulto poscit amara sono.
 295 Nec solum ignoto quae turba est morbida vero
 296 reliquias prisca sentit inesse mali,
 297 nos quoque, qui missi divino afflamur ab ore,
 298 dextera quos primis Christea potat aquis.
 299 Tot sumus obstricti plagis dirisque flagellis,
 300 ictaque continuis corpora nostra malis.
 301 Hinc varii vitae casus, morbique famesque,
 302 hinc furit in nostros improba turba sinus.
 303 Non ignara mali miseris succurrere discit

304 mens nostra et fluctus ingemuisse feros.
 305 Optamusque diem domini, quo corpus in aevum
 306 accipiat salvis integra membra viris.
 307 Et crasso pereunte nitens exurgat in omne
 308 robur et in flammam candidus ignis eat.
 309 Quod tamen interea duris nos percutit iris,
 310 quicquid id est, sceleris quod ferus ultor agit.
 311 Spe ferimus, laetique salo pugnamus in isto.
 312 Firma quies victis nempe futura malis,
 313 et divina salus post vulnera nostra videnda est.
 314 Solamen lacrimis et dabit illa piis.
 315 Gloria nostra manet post proelia victa, virosque
 316 spes movet haec, superas concipe victor opes.
 317 Quod speras summum est, nihil est quod conspicis (omne).
 318 Tendit ad aeternum spes tua firma bonum.
 319 Apparet nondum sperata fidelibus ingens
 320 gloria, cur sensum terra morata tuum est ?
 321 Non spes de visis, visum supereminet omnem
 322 quod fuit optandum nocte dieque bonum.
 323 Quicquid habet mundus prima quod fronte videtur
 324 dulce, fuge, a votis sit procul umbra tuis.
 325 Non erat hoc illud quod spes tibi firma parabat.
 326 Illud ovans ignis, non levis aura tenet.
 327 Quod videas hoc sperne precor, non optima noster
 328 visus habet, non has spes tua quaerit opes.
 329 Spesque fidesque simul, divina negotia tractant,
 330 sed neque ab his oculis cernitur ipse Deus.
 331 Credimus in Dominum, quo non licet usque videmus
 332 speramus tandem patre ferente frui,
 333 hinc venit in bello felix constantia nostro,
 334 invictos duris quae facit esse malis.
 335 Et licet afflicti pelago jactemur in alto,
 336 expedit hoc animo quem Deus igne probat.
 337 Spiritus est etiam fragili cum corpore pugnans,
 338 nec sponte ad jactos hinc sinit ire dolos.
 339 Consulit, hortatur terrestria linquere vota,
 340 et monet empyrei regna petenda poli,
 341 aspiratque Dei flatus ductatque movetque,
 342 adjuvat, illapsu hoc fit levis ipse labor.
 343 Erigitur perstatque animus, toleratque, vigetque,
 344 motus et ad patrem fortior igne volat.
 345 Hic docet optandum fuerit quid quidve precandum
 346 Spiritus, et rectam monstrat ad alta viam.
 347 Nam pia mens misero cum sit nimis inscia claustro,
 348 utile sub sensu non capit omne suo,
 349 quid sibi conveniat nescit, plerumque salutem
 350 dum petit, ignorans, heu, sibi virus amat.
 351 Ille petit vires, periit sed viribus, alter
 352 magna loqui, exitio sed sibi lingua fuit.
 353 Pluribus horrendos optata pecunia casus
 354 intulit, auratas sors petit atra domos.
 355 Adversa optamus miseri, cupienda timemus,
 356 si pia, non apto poscimus illa modo.
 357 Spiritus at recti formam lumenque Deumque
 358 sentit, et aetheriis gestit adesse choris.
 359 Affectu et sancto motus pia vota precesque

360 dat facilis patriae tactus amore suae.
 361 Ipse etiam summus divina silentia doctor
 362 astruit, et veris imbuit ora sacris.
 363 Ipse preces tacitas divino affamine motor
 364 dirigit ignoti claustra sub alta Dei.
 365 Utque sit hoc majus Domini clementia veri
 366 utile pro servis postulat omne suis.
 367 Prospicit et caris bonitas nostrumque reposcit
 368 lumen, ut erectis lux micet alma viris.
 369 Et quasi pro nobis doleat pereuntibus, hic ut
 370 optimus est propria voce rogatus adest.
 371 Vox ejus nostro non enarrabilis ore,
 372 nescio quo affectum mens parit alma suum.
 373 Sed tamen has voces, seu sacra tonitrua numquam
 374 audita aut verbi sunt data signa boni,
 375 aut charis, aut donum, vel flamma, aut quicquid ab uno
 376 ente fluit, nullis fas tibi ferre notis.
 377 Quicquid id est, tacitum est, Deus alta silentia laus dat,
 378 justa quibus verum mens habet ipsa suum.
 379 Funde preces tacitas (crimen procul) audiet illas
 380 qui movet has, votum jam tenet ille tuum.
 381 Funde etiam voces castas, psalmosque canendos,
 382 nec spes a magno pendeat ipsa sono.
 383 Sed Domino vitae, cui mens accensa loquatur,
 384 amplectens socium laeta marita Deum.
 385 Quum cupias aliquid terreno a principe posces
 386 multa loquens, et sic vix tibi dona dabit.
 387 Et nisi sorte tones non audiet, at Deus orbem
 388 lustrat, et ex imo pectore vota capit.
 389 Non opus est vano reboantia murmura gestu
 390 fundere, cuncta parens quae velis ante videt.
 391 Et quae convenient dabit omnia, nam neque poscit
 392 spiritus a justo dissona danda Deo.
 393 Sed pacem, rectumque animum, vitamque salubrem,
 394 non sunt haec, magnus quae neget ipse Deus.
 395 Est bonus, est vitae dator ipse libentior almae,
 396 praevenit et donis optima vota suis.
 397 Si terram vitiumve petis, crimenve nefasve,
 398 quid mirum votis ni favet ille tuis ?
 399 Mater ut indoctis gladium non praestitit annis,
 400 sic tibi quae noceant denegat ipse pater.
 401 Aspirat tantum sanctis justisque bonisque
 402 praesto est et votis consulit ipse piis.
 403 Usque sub amplexu votorum summa beato
 404 sit data, servatis sit decus omne viris.
 405 Interea nihil est quod nos trepidemus ab ipso
 406 contecti, est famulis duxque caputque suis
 407 hostis adest, simul atque favor divinus in hostem.
 408 Quidquid erit, verum non valet esse malum.
 409 Aspera sors, plagae, morbi gemitusque dolorque,
 410 si toleres, magni causa valoris erunt.
 411 Causa boni juto est diri patientia damni,
 412 sponte quidem patiens non miser esse potest.
 413 Cum premitur felix, casu nec laeditur ullo,
 414 mersus et in tumida tunc quoque victor aqua.
 415 Tantum opus est Dominum te regna ad certa vocasse,

416 et favor a firmo numine tantus adest.
 417 Exitus in Domino est, sed summa capessere dona
 418 non dubites firmi, luce vocate Dei.
 419 Non temere elegit, nam qui ventura sciebat
 420 praescivit flammis corda paranda suis.
 421 Insertos proprii voluit sub corpore gnati,
 422 inque Deo divos, principis instar, eos
 423 victores mortis claro gaudere triumpho,
 424 quos videt, et durum rumpere carnis opus.
 425 Ipse triumphator spectandus in agmine primus
 426 alta super caeli culmina Christus ovat.
 427 Ut simili pompa victo regnemus Olympo,
 428 si sequimur caesum mortua membra caput.
 429 Et sic in multis genitis prior ipse pararet
 430 regna patri, ut populi dux erat ipse sui.
 431 Ac prior in socios fundat sua jura sequentes
 432 jus illud, partos quo tenet ipse polos.
 433 Quod tamen instituit saeculis venientibus ultro
 434 perficiet, gratis plena erit aula viris.
 435 Quos Pater omnituens vero praedestinat ore,
 436 his dedit auditas tempore legis opes.
 437 Nunc visas, visasque palam, veroque receptas,
 438 lectaque carnato numine membra vocat.
 439 Quoque magis speres quae sunt tibi danda vocato,
 440 at quae te magnus destinat ante Deus.
 441 Impietatis onus perpessa morte peremit.
 442 Duxque piusque agnum te facit esse pium.
 443 Est pietas signum, quod sis venturus ad arces
 444 empyrias, animo si petis alta tuo,
 445 Nonne vides Christum divini Pignus amoris
 446 huic dare, qui vitium numina vincit amans ?
 447 Tergeminamque Hecaten tria criminis ora nefandi
 448 rumpere, num parvum luminis indicium ?
 449 Decrevit, praestabit, erit pulcherrimus ordo
 450 integer, e numero nulla peribit ovis.
 451 Vis esse ex numero, tantum ne obsiste vocanti,
 452 en vocat. Infernos tu modo linque lupos.
 453 Linque lupos, agnum sequeris pia turba decorum,
 454 agnus et iste tibi summa decoris erit.
 455 Summa Deus, Deus atque agnus, motatque, regitque
 456 agricola, et flatu servat ovile suo.
 457 Non sentis flatum ? Justo florere decore
 458 Te facit, affectus seminat ille pios.
 459 Nota charis, regnumque Dei, bonitasque, voluntas,
 460 illustrat mundos qua pater ipse animos.
 461 Circumstat te flamma nocens, Stygiique decembres,
 462 et furit elatum mente jacente lutum.
 463 Fide tamen, quis non divinis fidat in armis ?
 464 Fide Deo, dextram jam dedit ille suam.
 465 Quis timeat vitium, districtaque tela furorum,
 466 Tartara vel, Christo si duce tectus adest ?
 467 Pugnat pro nobis Dominus, nihil usque timendum,
 468 cedet flamigero torva leaena Deo.
 469 Si Deus a nobis, contra licet improbus anguis
 470 saeviat, a nobis hoc duce victus erit.
 471 Vincimus infernos objecto principe morsus,

472 et vitium in nostro vincimus omne Deo.
 473 Argumentum ingens, manifesta que signa favoris
 474 jam dedit, a nostro sanguine corpus habet.
 475 Ignoscensque pater culpas in saecula nostras,
 476 gnatum pro nobis omnibus exposuit.
 477 En per nostra sinit dilectum crimina gnatum
 478 mactari, lapsos sic amat ille viros.
 479 Carus erat patri super omnia filius, et tu
 480 carus eras gnatum, cui dedit ille suum.
 481 Tolleret ut miseros demittitur, utque peremptos
 482 restituat vitae. Pertulit ille mori.
 483 Caesis vita datur, quid non speremus ab illo,
 484 pro nobis actum cui placet esse reum ?
 485 Hostibus ille datur, quid non speremus amantes ?
 486 Qualis erit frater, qui bonus hostis erat ?
 487 Incipe Christianos animos, tibi traditur aether,
 488 et cum donato sunt bona cuncta Deo,
 489 cui genitum dederit, nihilum Pater ipse negabit,
 490 posce, potens, votis nulla repulsa piis.
 491 Si decus illud amas hominum quod carne recenti
 492 anteaquam patres transgrederentur erat,
 493 iustitiaequae cupis fructu gaudere beato,
 494 accipe, cum summo cetera dantur hero.
 495 Tantum opus est, Christo nascentem suscipe flammam.
 496 Ecce tibi in dextris vita salusque tuis.
 497 Non licet hinc longis Adamos Evasque querelis
 498 impetere, electis nil nocet Eva viris.
 499 Tu tibi non noceas, nemo est qui laeserit alter,
 500 subduntur votis noxque scelusque tuis.
 501 Terra, polus, Furiaeque graves, Erebi que furores,
 502 non te peccantem ni velis efficient,
 503 at qui non peccat, Deus est, in corpore Christi
 504 insitus, o justos quanta corona manet.
 505 Peccasti, fateor, sed purum reddidit insons
 506 Christus, in abstersis et micat ille viris.
 507 Audeat hos quis nam duro accusasse furore,
 508 quos mundat mundus sanguine, luce, Deus ?
 509 Quem servata Deo timeant pia pectora justo ?
 510 Aut contra Dominum, quis queat ire suum ?
 511 Irruat in sanctos quicquid sub vortice leti
 512 fervet eos dominus servat ab igne pius.
 513 Irruat in Paulum Saulus, nihil ipse verebor.
 514 Flamma Dei maculas ussit amica meas.
 515 Quis me condemnet justo servante cruore,
 516 non Christus, namque hic dicitur Emanuel.
 517 Qui moritur patiens, ut sicca virescere corda
 518 donet, et ad dulcem posse redire patrem.
 519 Qui tumulto exurgit, tenebris et morte peremptis
 520 e tumulto, ut caesos ductet ad astra viros,
 521 qui sedet ad Patris felici sanguine dextram,
 522 nosque pecus gremio confovet ipse suo.
 523 Non Pater, hic proprium miseranda ad funera natum
 524 misit, ut electos servet ab hoste viros.
 525 Non pneuma, ad vitam flammis accendit, et armat
 526 nos Deus, et rectam monstrat adire viam.
 527 Excubias homini vigiles, ignesque beatos

528 impluit, (et) quo sit vita petenda docet,
 529 sancta trias nostrae leto invidiosa saluti
 530 consulit, et Christi sanguine donat opem.
 531 Quis damnet ? Si crimen obest, jam funera Christi
 532 corrui, a dextris (et) jacet ira tuis.
 533 Ultor erat quondam ferro metuendus et igne
 534 suetus in exosos bella ciere viros,
 535 victus et a Christo divinis occidit armis.
 536 Hoc facit, ut nostra jam ruat ille manu.
 537 Adde, quod et magnus caro pro corpore Christus
 538 orat, pro nostris et dolet ipse malis.
 539 Proque suo patrem populo interpellat amicis
 540 vocibus, et iudex causidicusque favet.
 541 Monstrat opes, quibus ille reos a crimine lustrat
 542 sanguine commixtam maximus emptor aquam.
 543 Monstrat purpureo radiantia sarta liquore,
 544 et latus et clavis vulnera facta feris.
 545 Hoc pretio caros ab amara protegit ira,
 546 et fugat haerentes nostra per ora canes.
 547 Quis damnet tanto tutatum vindice ? Quis me
 548 separet amplexu virque deusque tuo ?
 549 Gratus ero si das quo sim tibi gratus amorem.
 550 Mens precor (et) flammis ardeat ista tuis.
 551 Teque Deum vermis plusquam dilectus amabo.
 552 Sitque tui noster fructus amoris amor.
 553 Te sequor en tua sunt mea pectora, sustinet illa
 554 dulcis amor, nullis terreor ipse malis.
 555 Afflictus, vinctus, nudus, gladioque resectus,
 556 proditus esuriens te tamen usque sequar.
 557 Perstabo, tu tela dabis, quis vincere possim,
 558 nec duri incursus, nec novus hostis erit.
 559 Haec adversa piis ovibus ventura manebant,
 560 mors tamen in Domino nil nisi vita meo.
 561 Quicquid erit, nec me videant modo Tartara vinctum
 562 dulce erit et gratum te modo, Christe, sequar.
 563 Omnia perpetiar nulla superabilis umbra,
 564 dum tua lux oculis fulserit una meis.
 565 Tu me victorem, per te, quia justus, amabis
 566 assistens pugnae motus amore meae.
 567 Te moriar moriente lubens, surgente resurgam
 568 unus et in nostro pectore victor eris.
 569 Unus amans vinces, et te vincemus ovantes,
 570 obruet innexos nulla procella tuos.
 571 Sed charitas quae cuncta potest hominesque Deumque
 572 uniet, et nodum non teret ira pium.
 573 Ast ego numen amans quocumque potentius igne
 574 in Domini sancto robore firmus ero.
 575 Nec me jam Domino carum divellet ab ipso
 576 terra, nec angelici turba verenda chori.
 577 Non chaos, aut caelum, non his contenta duobus,
 578 distracta placido viscera nostra Deo.
 579 Mens mea si domino non sit deserta marito,
 580 divini conjux semper amoris erit.
 581 At certus, nec fallor enim, per saecula nulla
 582 tam bene quaesitas pellet amator oves,
 583 sed qui plus aequo, ficto confidis amore,

584 respice, mendacem respice, pellet ovem.

CAPUT NONUM.

v.1 At quicumque volet Christani insignia regni
 2 sumere et electos inter adesse viros,
 3 invidiam fastum, terrenaque vota relinquat,
 4 nam scelus et charitas non simul esse queunt.
 5 Crimen, amor, duo sunt, puro si vivis amori,
 6 hunc sequere, in Christo jam via nota meo est.
 7 Atque utinam ad Christum Solymi vertantur inermes
 8 luceatque suum Sara secuta Deum.
 9 Procurator abi, thalamum petit ipse maritus.
 10 Quid facis ? Ah, domino regna relinque tuo.
 11 Jam, sponso veniente, sile. Ni cesseris illi
 12 legifer, o Moses, turpis adulter eris.
 13 At sibi persuadent Solymi, satis esse, quod illis
 14 Abramo datus est principe legis honos.
 15 Nil horum, sed purus amor, charitasque, fidesque,
 16 per Christum ad summum te trahet usque bonum.
 17 Si sequeris legem, fructum tibi suscipe legis,
 18 ecce tibi Christus lege petitus adest.
 19 Proh dolor ! Hunc coepit tenebris gens ethnica fractis,
 20 Abramides donum non capis ipse tuum ?
 21 Non odio dixi generis, licet improba quaerat
 22 vincla, mihi et viva perfida turba Deo.
 23 Testor dulce caput sociis pereuntibus ingens
 24 me miserum interno conficit igne dolor.
 25 Meque lubens cunctis damnatum exponere poenis
 26 optarim, sociis sit modo vita meis.
 27 Dum mea gens plene Christo societur in uno,
 28 dispeream, si non sit mihi dulce mori.
 29 O jam si Abramidae quod sunt in carne, fideque
 30 sint simul, et veri gesta sequantur avi.
 31 Hoc primum decuit, quem lex promiserat illis
 32 sumere ; quis dignis temperet a lacrimis ?
 33 Hoc super omne genus, regi sibi legerat uni
 34 conditor, ut gnatos texerat atque suos,
 35 ipse alias gentes sanctis arcebat ab aris,
 36 haec habita ut caro nata parente soror.
 37 Huic dedit, ut pavido calcaret caerula ponto,
 38 ducitur et magni lumine recta Dei.
 39 Idola haec tempsit nec daemona aere locavit
 40 nec dedit a saxis corda regenda suis.
 41 At coluit caeli dominum terraeque marisque,
 42 a quo docta satis jusque piumque fuit,
 43 pactaque cum domino feriit pia foedera sancto,
 44 et tulit a proprio mystica sacra Deo.
 45 Huicque dati vates et candida turba videntum,
 46 quae Christum verbis protulit ante piis.

47 Cui seriem vitaeque jubar, flumenque decoris
48 ante canunt, veri gesta fidemque boni.
49 Sic hominem pinxere deum, vitamque necemque
50 principis, et calamo cetera sacra pio,
51 ut dicas vidisse oculis, stilumque prophetae,
52 si sapis, hunc verum dixeris historicum.
53 Adde, quod est magnum, claris oriuntur ab illis
54 qui vere illustres, et decus orbis erant.
55 Magnanimi heroes lucem vitamque sequentes,
56 quorum vix virtus altius ire queat.
57 Abramus pater, Isacus, plenusque Jacobus,
58 et qui quod videat numina nomen habet.
59 A quibus humano dignatus sanguine Christus
60 nasci, qui nitidis lumina monstrat avis.
61 Cognati Christo dubitent cur credere Christo ?
62 Quis timeat socii fraude perire pii.
63 Quid sequeris veteres, novus pluit iste vigorem
64 hic tibi pro cunctis patribus unus adest.
65 Illi homines tantum fuerant hic virque deusque,
66 illorumque vigor hoc duce tantus erat.
67 His nodum natus praestabat robora Christus,
68 semper ut in vivo numine, numen habet.
69 Mysticus est Christus veteres quicumque per annos
70 floruit, in sancto pectore Christus erat.
71 Abramique fidem Christus dedit, atque Jacobi,
72 dat nomen proavis unicus iste tuis.
73 Cum prius Isacus lignum referebat, ut idem
74 arderet, dura sub cruce Christus erat.
75 Ad puteos, Jacob, Christus erat. Inclytus alta
76 pocula dat, vivas hic parit unus aquas.
77 Cum videt Israel dominum, videt unus in illo
78 Christus, (et) hic vivo semine semen erat.
79 Qui refugit venerem tunica spoliatus Ioseph,
80 Christus erat, simili venditur ille modo.
81 Calcavit vitium constanti pectore saevum,
82 Infernos moriens Christus et ipse duces.
83 Rex Salomon primus fundati gloria templi,
84 quis nisi qui templum pectora munda facit.
85 At David, qui castra quatit Philistica, noster
86 Christus erat, populi duxque paterque pii.
87 Hic Deus, hic et homo, titulum sibi vindicat omnem,
88 quo tibi tam dulces ante fuere patres.
89 Hic datus est solus, per quem pia vita quiesque,
90 et datur electis paxque salusque viris.
91 Nec quia non fuerit populo susceptus ab omni,
92 obsistet, summo nox inimica bono.
93 Perdentur sontes ultrici crimine, sed non
94 perfidus electis est Deus ipse suis.
95 Quod promisit erit. Promissa reposcere dona,
96 ad veros tantum pertinet Abramidas.
97 Non carnis sed mentis opus promissa fideli
98 accipiet, generi non data sed fidei.
99 Testis sermo Dei verax. Ecce, inquit Isaac
100 semen erit, toto quod sit in orbe decus.
101 In gnato fidei semen promittit habendum,
102 sic caro non semen, sed dabit una fides.

103 Ille puer Christum typica referebat in umbra,
104 filius Abrami nil nisi Christus erat.
105 Saucia jam vetulae marcebant viscera Sarae,
106 debilis et conjux frigidus atque senex.
107 Exulat a vacuis thalamis ingrata libido,
108 languidus effeto corpore, torpor erat.
109 Sed genuit, genuitque fide, non robore carnis
110 a vero effectus nempe parente pater.
111 Filius et fidei tales generare nepotes
112 debuit, et dignum semine semen amat.
113 In virtute veni sceptrum, qui quaeris avorum,
114 virtuti veras dat pater unus opes.
115 In virtute veni, nam lux a carne favorque
116 non datur, a lumbis non bona, sed meritis.
117 Non cunctis clari promissa est gloria regni.
118 Ad gnatum Sarae pertinet illa piae.
119 Obtinet Isacus veri promissa parentis
120 sunt alii, ast alios quis neget esse notos ?
121 Esau, et Jacob tradunt exempla gemelli,
122 quod superat carnis jura paternus amor.
123 Ecce minor natu regnum suscepit avitum,
124 divinisque oculis ut nothus alter erat
125 de clausis utero matris Deus inquit, Iacob
126 dilexi, Esauco, est non mihi gratus amor,
127 hunc amat, hunc odit communis conditor, hos quid
128 discernit, geminos ne Deus unus amet ?
129 Scilicet ut maneat lectoris in ordine summo
130 propositum firmi tempus in omne Dei,
131 una duos, mater, nihilum patrarat uterque,
132 sed tamen haec ambos dixerat ante videns :
133 "Major apud matrem quia serviet ipse minori,
134 hac Deus elatos territat arte viros.
135 O bonitas, cur sic rector decrevit Olympi ?
136 Dic mihi decretum Christea musa sacrum ?
137 Scilicet in vitae donis prior edita sanctae
138 posterior misso turba futura bono est.
139 Et jam saxicolis Christo lucique receptis
140 gens Hebraea sacro sera videnda toro.
141 Hinc major natu soror excessura minori,
142 quod fugit a domino nocte sepulta suo.
143 At minor assurgens dilecti ad signa parentis,
144 a flatu non a sanguine major erit.
145 Nec miseris oculis verum aversata parentem
146 grandior in regno debuit esse pio.
147 Huic nihil esse satam nocuit de semine pravo,
148 nil juvat huic, lectos quod sibi dicit avos.
149 Aequat amor cunctos qui non nisi crimina damnat,
150 dona super meritum det licet alta pium,
151 si petis Esauum cur verax oderit illum,
152 ante puer mitis quam queat esse nocens,
153 in promptu causa est, nam qui ventura sciebat,
154 crimina ab Esauco damnat amanda reo.
155 Odit in Esauco crimen, moresque superbos,
156 non hominem, cujus conditor unus erat,
157 nam bonus aeterno qui conspicit omnia vultu
158 cunctum sub claro lumine tempus habet.

159 Nec magis hunc possunt quae sunt ventura latere,
 160 quam praesens modico quod videt hora sinu.
 161 Contrahit aeternus pariter praesensque futurum,
 162 lapsurum ut lapsum jam videt ille reum.
 163 Non odisset eum, ni cognitus ante fuisset
 164 error cui justus displicet ipse Deus.
 165 Justus enim damnatque nefas aeterna voluntas,
 166 prava odit justus, rectaque justus amat.
 167 In causa est odii, sceleris quem praespicit actus
 168 qui bonus adversum nil nisi crimen habet
 169 iudiciive Deus causa est quia justus (et) odit
 170 crimen, et a cunctis discrepat ille malis,
 171 non odisse nefas, non est fas cuncta videntem
 172 pectora causa sui sic sibi quisque mali.
 173 Justitia ast odii causa est, quia justa, malumque
 174 damnat, ab admissis sed tua culpa venit.
 175 Hoc odium non est rabies armata nocendi,
 176 ne tu terrenis numina cerne oculis.
 177 Non ira insano varium concussa tumore,
 178 quae vomat ut motus hostis in hoste feros.
 179 Optima sed factis facies aversa malignis,
 180 ulta nefas oculis quod videt illa piis.
 181 Iudicium hoc odium est sceleris, quo singula librans,
 182 aversum a pulchro nil probat esse bono.
 183 Praescit quod damnat, sed non quod praesciat, odit,
 184 errantem at prava quod videt ire via.
 185 Nec quia praescitus domino miserabilis error
 186 hic fuit ille tui causa furoris adest
 187 sponte cadis, quicumque cadis, videt ille cadentem,
 188 non facit, a casu dum licet usque tenet.
 189 Dum licet arbitrio posuit nam singula nostro,
 190 hoc satis est verum quod tibi monstrat iter.
 191 Quod vocat errantem, quod flammis excitat almis,
 192 quod movet, in factis adjuvat atque piis.
 193 Nec peccans causa es quod te Deus ipse videret,
 194 nec causa est sceleris quod videt ille tui.
 195 Ille videt, quia cuncta videt, tu visus ab illo
 196 non pulsus, tantum quod cupis illud agis.
 197 Sic scelus ille videns sceleris ratione malique,
 198 damnat et a summo dat bona cuncta bono.
 199 Optimus et gratum cum diligit ipse Jacobum,
 200 non merito merces, munus amoris adest.
 201 Anteaquam natus puer est dilectus, amoris
 202 hoc opus, haec veri gratia sola boni.
 203 Nec quia venturam vitam meritumque videret,
 204 hunc amat, a solo numine venit amor.
 205 Nil facimus, quod nos Dominum compellat amare,
 206 nec nos pro nostris mercibus altus amat.
 207 Nil nos de nobis, nobis nihil, indiget ille
 208 nullius (et) liber quod velit illud agit.
 209 Estque voluntatis meritum, quum deserit umbras
 210 quum sequitur radios sed tamen acta pios.
 211 Acta Deo, per flata Deo nisi traxerit illum,
 212 optimus ad vitam nemo venire potest.
 213 Nemo potest, et quisque potest, hoc discite, vires
 214 nullus habet veras, ni Deus affuerit.

215 At quia semper adest auctor Deus, omnis amantem
216 invenit exquirens. Arbitriumque valet.
217 Statque volentis honos verum tenuisse volendo,
218 vera tamen charitis gloria, non meriti.
219 Nil meruit sub ventre puer, sed conditor almus,
220 vult et amat servum quem videt esse suum.
221 Vir bonus ille puer, nec valvas clausit amanti,
222 pervia divinis dat sua corda rotis.
223 Sed non causa puer, Deus hunc quod summus amaret,
224 una est causa bonus hoc in amore Deus.
225 Acceptat bonitas quia vult, velut ipsa coronans
226 munera, quae donis fecerat illa suis.
227 Si justus, recto si non erramus ab uno,
228 spiravit nostris cordibus ipse Deus,
229 ante movet, motosque juvat, servatque levatque,
230 sic meritum factis dat pius ille piis.
231 Currenti cursum Dominus, votumque volenti
232 praestitit, ad rectam nos trahit ille viam.
233 Ergo et quod facimus, magni sibi gratia Patris
234 vendicat, illa bonum mentibus inseruit.
235 Nam quod debetur meritis, debebitur illi,
236 qui traxit radiis ad bona facta suis,
237 debet ut auctori quo sit lustrata moventi,
238 mens quod habet, meritum quod vocat illa suum.
239 Nam quamvis justus justis quid debeat actis
240 per se, qui numquam non bonus esse nequit,
241 pendet ab auctore hoc totum, debetur eidem,
242 ut sine quo ad lumen non satis ullus erat,
243 cum majora tuum credas meruisse laborem,
244 debebis magno tunc magis ipse Deo.
245 Nam dedit hic quicquid, quo tu meruisse putabis,
246 debita sunt igitur non tibi sed Domino.
247 Finge duos dominos pariter justumque piūque,
248 quae petis a justo debita, redde pio.
249 Namque misertus opem dominus donavit ab uno,
250 qua posses factis quid meruisse piis.
251 Si poscis, persolve prius, nihil ipse tenebis,
252 nam sibi justa pius vendicat acta Deus.
253 Ille dedit meritum, quo tu tibi praemia poscis,
254 sic facta a solo sunt bona cuncta Deo.
255 Quid faceres vermīs, ni te Deus ipse creasset ?
256 An nihilum meritis posceret astra suis ?
257 Quid si non miserum primaeva clade peremptum
258 sanguine, te et viva tergeret emptor aqua ?
259 Quid si post sacros latices ad prisca reversum
260 crimina, de exoso non levet ille luto ?
261 Quid ni movisset sensus, animique soporem
262 discuteret, radios funderet atque suos ?
263 Quid si non adsit factis, ductetque, regatque,
264 adjuvet et praesens sit bonus atque favens ?
265 Disce tuum lumen divinae ascribere flammae.
266 Et quicquid magno sit tibi, redde Deo.
267 Redde Deo. Namque ille dedit. Dimanat ab illo
268 quicquid habes. Meriti pars quoque parva tui est,
269 servatumque virum divino munere crede
270 Servatum, est vero gloria tota pio.

271 Damnatumque suo damnatum crimine. Fecit
 272 in merito, et poenis, has scelus, illud amor.
 273 Nam Deus officium cunctis ita temperat actis,
 274 ne sit de justo justa querella bono.
 275 Sit quod ames, et agas grades, quo nempe queraris
 276 non habeas telo saucius ipse tuo.
 277 Nec sic indurans animos aufertur ab illis ;
 278 cogat ut ad miserum velle venire malum.
 279 Sed patitur duros, justi ut manifestius alti
 280 sit decus, et plexis dextera nota malis.
 281 Cera focum fugiens, absentia a lumine dura est
 282 dura tamen, flammam quod fugit illa piam.
 283 Cuncta equidem fulgens oculis sol aspicit aequis,
 284 intrat ubi clausam non videt esse viam.
 285 Obnupsisse viam fecit tua culpa calori.
 286 At quod dura riges, hoc calor ipse facit.
 287 Non ut causa tuis tenebris, sed dicitur absens
 288 duratam flamma nolle movere sua.
 289 Distat enim pulsusque latet, duroque remotus
 290 objice, cum tenebris non simul esse potest.
 291 Sic bonus esse absens quod stat tibi proximus, et cum
 292 tu velis, in radio te ferit ipse suo.
 293 En Pharaon Pharius domino duratus ab alto
 294 dicitur, ut coeptis permanet ille malis.
 295 Non quia duritiam verax immittat amator,
 296 sed caecum tenebris quod sinit esse suis.
 297 Hunc poterat iudex primo confundere leto,
 298 exspectat, tandem poenaeque sera venit.
 299 Ut justo exspectante magis notescat in orbem
 300 gloria, et irati nomen amorque Dei.
 301 Et cum lucifugas absorbeat unda catervas
 302 constet in electis has periisse malis.
 303 Quid furis ? Aut qua spe terrena in faece moraris ?
 304 Sera licet cunctis poena parata reis.
 305 Sed video, teneras daemones mihi fascinat aures,
 306 telaque in aeternum torquet acerba patrem.
 307 Inquit enim : "Si sponte Deus miseretur, et idem
 308 indurat, verbo qui movet astra suo,
 309 cur induratos accusat candidus ipsos ?
 310 Nil est quod magnus non velit esse Deus.
 311 Quis restet Domino, valeatve resistere summo.
 312 Quem penes imperium pulveris hujus adest ?
 313 Haec indurantes vincant mea pectora regem ?
 314 Aut valeant durum non habuisse Deum ?
 315 Imputet ille sibi quod nos peccamus ab illo
 316 deserti. In culpam convenit ille meam.
 317 Ni me indurasset, tenebrisque relinqueret, isdem
 318 sarcina non lumbis tanta futura meis,
 319 si Deus omnipotens, poterat mihi fundere solem,
 320 rupisset somnos ut pia flamma meos.
 321 Si fuit ille bonus, radios mihi nocte jacenti
 322 cur negat ? Heu servum deserit ille suum.
 323 Ah miser infelix, quae te dementia raptat ?
 324 Accusas magnum parvula musca Deum ?
 325 Accipe quae teneas. Vere est divina voluntas
 326 libera, sed damnum non facit illa tuum.

327 Causa mali non est. Nec sic indurat, ut ipse
 328 immittat voto prava sequenda tuo.
 329 Distulit exitium pietas. Sed dura tyranni
 330 mens fuit, et flammis restitit illa piis.
 331 Ecce Dei lumen. Campos diffusus in omnes
 332 est Deus. Ad verum te citat ipse bonum.
 333 Impluit illapsas charites, hortatur. Et instat,
 334 ut surgens flammae des pia corda suae.
 335 Numinis ecce tibi flamma est oblata volenti,
 336 excubat ad valvas duxque deusque tuas.
 337 Mens cera est. Sol ipse Deus. Si cera calori
 338 das aditum, blando lumine frigus abest.
 339 At si a sole fugis, vectesque imponis acerbos,
 340 ne valeat claustro flamma nitere tuo.
 341 Quid quereris ? Si dura riges, tua culpa rigorem
 342 fecit, erat valvas flammifer ante tuas.
 343 Ni portam obstrueres radiis, liquefacta caleres,
 344 sol erat. A proprio frigore vulnus habes.
 345 Sol absens causa est, quod tu sis dura, sed illum
 346 absentem somno tu facis esse tuo.
 347 Tu rea mens causa es quod sis durata calori
 348 obvia cum flammam pellis ab aede piam.
 349 Quid petis. Haec lux est. Tenebris non convenit ullis,
 350 vis tibi fundantur lumina, pande locum.
 351 Pande locum vitiis vacuum, passumque calori,
 352 ecce prior voto lux erit alma tuo.
 353 Si restas claudisque viam, frustra optima poscis
 354 lumina, si dandis limina, lumen adest.
 355 Nec quia cuncta potest Dominus, sperabis ab ipso,
 356 quod poterit sceleri forte favere tuo.
 357 Sanxit in aeternum legem, qua iudicat orbem,
 358 aeterna ut duris sit data poena malis,
 359 vis non damnari, culpam fuge, linque malignum
 360 noctis iter, vero vis bona fide bono.
 361 Vis non durari, tenebris exsurge repulsis,
 362 vultabilem radiis te Deus esse suis.
 363 Poscis et a Domino, quod det tibi lumina claro,
 364 recta petis, sed tu limina clausa tenes.
 365 Tu tibi divinae clausa haec premis ostia flammae,
 366 unde tibi, qui te dirigat ignis erit ?
 367 A bonitate petis, bonitas justissima, quae non
 368 unum cum vitiis est habitura locum.
 369 Dissidet a pravo bonitas aeterna, nocens tu
 370 quid petis ? A cuncto discrepat illa malo.
 371 Optimus aequales radios non ipse jacenti
 372 denegat, ex animo flamma repulsa tuo est.
 373 Semper adest bonitas, et non admissa superbis
 374 liminibus summo dicitur usa bono.
 375 Nec crede injustam quod sit bona. Justior illa
 376 quae melior. Falsum quis putet esse Deum ?
 377 An queat omnipotens nostro tenebrescere somno ?
 378 Aut concors vitiis hic velit esse malis ?
 379 Linque scelus, si vis aeterni foedera sancto
 380 pande fores, si vis lumen habere jacens,
 381 limina pande, precor, vitiis occlusa nefandis.
 382 Non volet in passa non Deus esse via.

383 Nam licet Omnipotens nec dat sua dona coactus,
 384 sed per se effusum cui placet esse bonum.
 385 Non nisi per nostram suspendit lumina noctem
 386 numquam vult radios ille negare suos.
 387 Libertas summa est, sed et optima, facta voluntas,
 388 nec valet a vero deficere ipsa bono.
 389 Posse Deum non esse honum quis sentiat ? Aut quis
 390 cogitet a summo justa neganda bono ?
 391 Quis putet aeternum torto pravescere calle ?
 392 Adque iter indignum posse venire Deum ?
 393 Libera sed justae, justa est sed sponte, voluntas
 394 cunctipotens, volito sed manet illa Deo.
 395 Error in errantes poterit. Non convenit illi
 396 quem vere summam constat adesse bonum,
 397 haec summa est virtus, haec summa potentia frater,
 398 quae minui nullo tempore laesa potest.
 399 Posse quidem non est, tenebris potuisse malove
 400 subruere, aeterni vis viget una boni.
 401 En tibi signa vides in sole patentia claro,
 402 subter humum gelida cum tibi nocte silet ;
 403 non minor est radii virtus aut flamma calorve
 404 antipodum ignotas cum meat ille plagae
 405 terra vetat frigans ipsum interposta calorem,
 406 ne queat ante oculos ille nitere tuos.
 407 Flamma eadem, sol ipse idem, sed pulsus opaco
 408 pondere adest, taetro nec micat ille loco.
 409 Terra obstat, radios non sol tibi denegat ipsos.
 410 Vis flammam, umbratici pondera rumpe soli,
 411 projice terrenam molem, quocumque sub axe
 412 sol tibi sit fulgens, aspiciendus erit.
 413 Sol Deus hoc pacto tenebris intrabit ademptis.
 414 Si dederis mundam, qua micet ille domum.
 415 Si vacuum sedem vitiis, maculisve, calori
 416 praestiteris stipulas uret et ille potens.
 417 Intrabitque lubens et venis fusus apertis,
 418 duritiem membro non sinet esse suo.
 419 Tunc tibi fas altis solem vincire catenis,
 420 tunc tibi depulso frigore lumen erit.
 421 Tunc nox, tunc nebulae fugient, torporque geluque,
 422 et medio flammam sol dabit axe suam.
 423 Non te peccantem fecit Deus, ille ruentem
 424 dectinet, erranti condolet ille tibi.
 425 Ne caderes voluit, viresque aflavit et arcum,
 426 quo peteres Stygii castra superba doli.
 427 Admonuit, verique animis impressit amorem,
 428 quo cuperes alti gaudia vera poli.
 429 Tempsisti infelix, vanoque allectus odore
 430 torpescis, damni sit tua culpa tui.
 431 Non Deus in culpam sceleris, qui judicat orbem
 432 in culpae poenam sed venit ille tuae.
 433 Nec te ad virtutem voluit nisi ferre volentem,
 434 nam sic naturam condidit ille bonam.
 435 Condidit, et medio posuit Deus omnia campo
 436 iret ut ad charitem qui velit, aut vitium.
 437 Nec violasse Deum decuit quae condidit, ut te
 438 invictum ad rectam duceret ipse viam.

439 Heu ! nisi cuncta tuam videas superantia sortem,
 440 accuses Domini ceu mala facta tui.
 441 Optima sunt nobis Domini decreta, nec umquam
 442 possent principio prava venire bono.
 443 Nascitur a nobis scabies morbusque scelusque,
 444 nulla quidem nostri nos nisi causa mali.
 445 Quod si non capias, nec noctua conspicit ignem,
 446 Tene putas altum posse videre Deum ?
 447 desine jurgari, Dominumque incessere dictis,
 448 est et erit justus qui fuit ante Deus.
 449 Si tibi non voluit majora refundere dona,
 450 altior et captu non potes esse tuo,
 451 auctorem Dominumque tuum reverenter adora,
 452 quod voluit servis hoc dedit ille suis.
 453 An figulus nequeat subjecta condere massa
 454 quod placet ? Auctorem vas furit ante suum ?
 455 Infurit urceolus, quod non sit cantharus, et quo
 456 usibus hic spurcis serviat, ille bonis ?
 457 Auctor te pateram nitidam te matula fecit,
 458 fingit et in proprio quod cupit ille luto ?
 459 Disce Deum revereri, et justa capessere sacra,
 460 sat tibi, quod sanctis est bonus ille viris.
 461 Sat tibi, quod numquam tenebris condere sub altis,
 462 ni fugis a claro vermibus et umbra bono.
 463 Si colis auctorem, si numina vera requiris,
 464 pandis et illapso fervida corda Deo.
 465 Praesto aderit, verumque geres sub pectore numen,
 466 et faciet templum, te Deus esse suum.
 467 Desine vas luteum figulo certare loquendo,
 468 desine rimari, quae nequis alta sequi.
 469 Incipe deposito fastu cognoscere matrem.
 470 Credit, non duris dimicat illa sonis.
 471 Illa super captum celebrat pia numina nostrum,
 472 et supero summum suspicit igne Patrem.
 473 Esse pium justumque Deum canit illa virosque
 474 qui nocet in numeris ad pia regna modis.
 475 Pravitiam tua culpa parit, non ille malignus,
 476 si nocet, in populo quod sinit ipse suo.
 477 Quin etiam vivo summae bonitatis amore
 478 extrahit a nostris gaudia mira malis.
 479 Nec sineret nostrum maculari fraudibus aevum
 480 ni bona sint ipsis exoritura dolis.
 481 Efficit immundum non te tuus optimus auctor,
 482 foedasti macula te reus ipse tua.
 483 Rex habilem radiis et vas te finxit honoris,
 484 sacraret flatum quo bonus ipse suum.
 485 Tu sponte ad tenebras faecemque reversus, amari
 486 vas odii lapsu te facis esse tuo.
 487 Hinc divina tuo si nota est gloria damno,
 488 quid quereris ? Tortum non decet esse Deum :
 489 da laudem justo, cum te tua facta luente
 490 gens queat exemplo cautior esse tuo.
 491 Nam quoties plexi sceleris succurrit imago,
 492 doctior in rectis incipit esse timor.
 493 Exitioque tuo superum monstrante flagellum
 494 crescit amor, claris lausque salusque viris.

495 Quid toties Pharao, jussis qui restitit almīs,
 496 murmuret, inversa cum ruat ictus aqua ?
 497 An se qui radiis aeterna nocte residit
 498 indignum leto iudicet esse suo ?
 499 Dissimulare nefas etiam nunc perstat, et omnes
 500 summus amans caecos sustinet usque viros.
 501 Aspice, ut aericolas divino passus amore est,
 502 tam longa ad falsos thura litasse deos.
 503 Aspice, ut Isacidas verum lucemque perosos
 504 non perdit, verbo sed vocat ipse pio.
 505 Aspice, ut hos pariter justae vasa apta ruinae
 506 ad sacrum flammis traxit ovile suis,
 507 heus quicumque jaces, votis instare pudendis
 508 desine, ad huc blandus rex sine fine deus ;
 509 durato sceleri poena est sua, frena furori
 510 si stringas, veniam rex dabit ille piam.
 511 Immunda en passos purganda ad vasa lacertos,
 512 ut caritas tribuat, conditor orbis habet.
 513 Quicquid eras, nec te jam crimina saeva morentur,
 514 mundus eris, pulso crimine numen adest.
 515 Exue te vitiis, pignusque admittet amantis,
 516 te quoque vas veri reddet honoris amor.
 517 Aspice dilacerum sero jam vespere furem
 518 dulcia placati regna tenere Dei.
 519 Aspice pacigerum calcato funera Saulum,
 520 Christanum a viso discere dogma Deo.
 521 In fidei flammis rabies purgatur et umbra,
 522 incipe ad optatum surde venire Deum.
 523 Nec Cretaea Sion thalamos intrasse supernos,
 524 invidet Christo corpora tersa meo,
 525 Isacides culpa patriis ejectus ab aris
 526 nonne fuit ? Dominum sed redit ante suum.
 527 Viderat hoc vates, et sic ait : "Ecce futurum
 528 non cara, est pulchro cara futura toro.
 529 Abjectam plebem, contemptaque vasa resumam
 530 dicentur gnati tunc nova turba Dei.
 531 Experti tandem veniam, durumque furorem,
 532 ad leti priscum cur redeamus opus ?
 533 Non amor est, timeas, regno ne pulsus ab alto
 534 exul, ad infernas praecipiteris aquas.
 535 Respice jam nostro miranda piacula busto,
 536 ut data pro nobis hostia sancta reis,
 537 ut pro te Dominus vera sit morte peremptus,
 538 utque brevi, quamquam mors tua sera, venit,
 539 in vacuum ne vive jacens, abrumpe soporem,
 540 Christea nec somno pignora perde tuo.
 541 En tibi promissum divino sanguine sceptrum,
 542 cur cadit a dextris vita salusque tuis ?
 543 Quod si sub propriis periit pars maxima telis,
 544 et negat optatum turba scelesti bonum,
 545 accipient promissa alii, dominoque fideles
 546 Christus ad aeternas ipse citabit opes.
 547 Haud deerit tandem regno successor opimo,
 548 semper erit, sceptro qui velit esse pio.
 549 Vidit et Esaias patria de plebe locutus,
 550 si numero sociis cedat arena meis,

551 si pereant multi. Sed viva ad dona supersunt
 552 reliquiae, verus quas sibi serset amor.
 553 Turba cadens vacuum faciet non foedere limen,
 554 fallet promissis non Deus ipse Deum.
 555 Quod promisit amans summo praestabit amori,
 556 contrahet in paucos omnia dona pios,
 557 promisit multis, sed non capientibus, idem
 558 contracto ad verbum munera verus erit.
 559 Sermonemque suum velut ad compendia tractum,
 560 firmabit sancto semine justus homo.
 561 Est casura novo lex laciniosa magistro,
 562 atque aeterna brevis dogmata sermo dabit.
 563 Roratumque solum flammam desuper umbram
 564 aspiciet, viso qui videt ille Deo.
 565 Senserat hoc vates, et sic effatus : "Amicum
 566 liquisset nobis hoc nisi semen amor,
 567 nos Gomorra tibi similes Sodomaque ruenti
 568 essemus, nostris turba sepulta malis.
 569 Sed licet a vero fugiat pars plurima Christo,
 570 quod sit adhuc vivum sub duce semen erit.
 571 Non sinet hic noctem totas extinguere flammam,
 572 nominaque ex libro cuncta perire sacro.
 573 Germanum at semen vivo sacrabit honore
 574 Ucrbum, quo vitam dat mihi flamma novam.
 575 Nunc superest Domini viventia numina magni
 576 pangamus socii luce favente pii.
 577 Expulsam gentem puras admisit ad aras,
 578 et rapit assertos e necis ore viros.
 579 Illusit durum populum, qui nixus in umbram
 580 non venit a domini sacra videnda sui.
 581 Scilicet elatos pellit. Summissaque tollit
 582 pectora, nocturnos et fugat orbe deos.
 583 Ergo et Gentiles cum se fateamur ab aevo
 584 errasse, ad gremium suscipit ille pium.
 585 Hos sibi justitiae tibulis ac lege superbos
 586 effugat a noto ceu mala monstra Deo.
 587 Nam fidei formam plebs indignata jugumque
 588 abnegat inferni nocte sepulta doli.
 589 Abnegat, auctorem vitae, Christumque peremit,
 590 qui datus est populo vita decorque suo.
 591 Abnegat, inceptoque et noctibus haeret in iisdem,
 592 clarus ut Esaias vaticinatus erat.
 593 Scilicet electum veniens servator ad agrum,
 594 quamquam tot miris proditus ante notis,
 595 ob tenebras populi datur his occasio culpae,
 596 qui nequeunt oculis lumina ferre suis.
 597 In lapidemque pium vivi fundamenta templi,
 598 impingunt caeci quos agit umbra viri,
 599 ecce Sionaeo petram rex vertice ponit,
 600 caespitet ut propriis ebria turba malis.
 601 Quo ruat et lapidem propriis mens acta tenebris,
 602 at quisquis sequitur lumina salvus eat.
 603 Liber (et) in vivo non confundendus amore,
 604 laudet veracem tempus in omne ducem.

CAPUT DECIMVM.

v.1 O si jam lapsae succurrant numina plebi,
2 mens mea non parvo tacta dolere gemit.
3 Perque genas lacrimae calamum labuntur in ipsum,
4 suscipit et fletum charta notata pium.
5 O mihi, si valeam sociis in morte mederi,
6 et faveas radiis, Christe beate, tuis.
7 Te precor infusis expellas nubila flammis,
8 ne gravis haec servos obruat umbra tuos.
9 Non sunt omnino quos non pia numina tangant,
10 agnoscunt Domini nomina sancta sui.
11 Est amor his quamquam durato nescius ore,
12 peccant, sed falsos non coluere deos.
13 Sic fuerant Saulus tenebris obstrictus Avernis,
14 quod mihi, da sociis hoc, Pater alme, meis.
15 Hoc magis optandum, gens haec resipiscat ab Orco,
16 quod prior est noti voce vocata Dei.
17 Umbra tuis aderat quondam, praegnansque figura,
18 da quoque et his verum posse videre diem.
19 Impietas his summa fuit, finisque furorum,
20 heu, perimit Dominum turba proterva suum,
21 hoc rabies, hoc ira furens, hoc turba regentum
22 invida, dum votis consulit illa malis,
23 dum nequit et vitiis pariter Christoque favere
24 injecit diras in bona cuncta manus,
25 cetera plebs somnum miserabile lippa tuetur.
26 Non odiis, zelo sed furit acta suo.
27 Nam licet haec vanam defendit imaginis umbram,
28 erroremque nihil quo tueatur habet.
29 Esse putant aliquid legem servasse paternam,
30 quae fuit a magno visa venire Deo.
31 Sunt memores pacti primoque in cortice durant,
32 nec legis partum nocte videre queunt,
33 ultor et ante oculos dat signa recentia lapsos,
34 sub lege a propriis quae referuntur avis.
35 Ignorant legis partus mentemque figurae,
36 quae data praescripto tempore tempus habet.
37 Hinc venit, ut veri tantum simulacra tenendo
38 excidat a vero prodita turba bono.
39 Hinc venit, ut quando Mosis imprudenter inhaeret,
40 a Mose et prorsus lege Deoque ruat.
41 Et ruat a Christo cujus mysteria vero
42 Moses sub priscis occulit ipse sacris.
43 Sed pater o sapiens decus inviolabile lucis
44 da, precor, his gnati lumen habere tui.
45 Da jubar aeternum duro lucescere cordi,
46 ut videant verbi dogmata sancta pii.
47 Ut Christum finem legis, rerumque decorum,
48 finis enim rerum non modo legis adest,
49 aspiciant, laudent, celebrent, venerentur, adorent,

50 et pius in forti pectore vivat amor.
 51 Da, Pater, his, valeant nocturnum arcere soporem,
 52 ferreque de victo plena tropaea dolo.
 53 Da, precor, afflatu proprios novisse prophetas,
 54 lex quibus haec librum, viscera Christus habet.
 55 Vos tandem fratres uni ne obsistite vero,
 56 lux Christi medio jam micat alba die.
 57 Justitiam ad veram praeludia cernitis acta,
 58 incipite immoto firma tenere gradu.
 59 Quid juvat Eliam lingua legisse trementi,
 60 si non quid vates senserit ille vides ?
 61 Senserat ille dies Domini, cur tempera servans
 62 cum veniunt oculis, tam male cernis iners ?
 63 Tempora Messiae tam pleno tradidit ore,
 64 tempus adest. Alter quis nisi Christus erit ?
 65 Ecce annos Danielis habes, si facta rependis,
 66 atque dies ultra nil pete, Christus adest.
 67 Hunc referunt vates, hunc enthea turba videntum
 68 praedixit, pingens tempora, gesta, necem.
 69 At pius Esaias Christum si carne videret,
 70 vix aliquid quod plus dicere posset erat.
 71 Jam plenos agnosce dies, pia tempora. Verum
 72 Messiam, Christum non viden esse meum ?
 73 Hoc probat, o frater, et lex tua. Consule Mosem,
 74 nam fuit et Christi nuntius ille mei.
 75 Lex vetus invalidis captanda ad sidera dextris,
 76 et rudis ad parmam, parvaeque miles erat.
 77 At Christus legis requies, clarissimus heros,
 78 credenti verae dat bona iustitiae.
 79 Justitiam veram non est promittere Moses
 80 ausus, qui certo tempore signa dabat.
 81 Servanti legem quod sit victurus in illa,
 82 sed non quod vitam lex ait ipsa daret.
 83 Lex dabat haud veram certo pro tempore vitam,
 84 sed vitam vitae quae fuit umbra nove.
 85 Moses venturo committit cetera fratri,
 86 inquit enim, post me legifer alter erit.
 87 E medio vestrum venturus surget et illum
 88 audite a solo turba beanda Deo.
 89 Quid facis, electum ni vis male temnere vatem,
 90 ecce suos Christo subdidit ille meo.
 91 Iustitiae verae robur vitamque fidemque
 92 quae Christo est, simili pinxerat ille modo.
 93 Ne tu corde tuo quis caelum dixeris ivit,
 94 ducat ut ad nostras numina summa casas.
 95 Aut quis terrenam veniens descendit abyssum,
 96 Christum de caesis huc revocare viris ?
 97 Mens infida solet de expertis quaerere signum,
 98 pignora sed Christi, quae bene credit habet.
 99 Non opus est fidei testes adhibere virorum,
 100 sola fides rectam dat tibi nosse viam.
 101 Descendisse polo Christum mortisque potitum
 102 imperio, salvis et rediisse viris,
 103 ad dextramque Patris pleno fulgere triumpho,
 104 exhibet in castis cordibus una fides.
 105 Mens oculos habet ipsa suos, non teste probante

106 indiget, illapso numine vera videt.
107 Non iterum veniat, quod plus mihi consulat, opto,
108 factum pro nobis hoc semel esse satis.
109 En satis una fides, nec longa exempla petantur,
110 viderunt Solymi, sed cecidere rei.
111 Credit ab auditu sed plurima turba beatos
112 inquit ob hoc servos si Deus esse suos.
113 Nec tacet hoc Moses divinaque nuntia vitae
114 sunt prope (et) est verbum viva sub ora pium,
115 nec requies quaerenda procul, si forte requiras,
116 parvum iter, ad summum si velis ire bonum.
117 Quis tuus hic Moses sermo, prope limina nostri
118 pectoris, et nostris cordibus esse canis
119 quis nisi sermo Dei, quem nos a semine Christi
120 coepimus, et purum cuncta per ora damus ?
121 Sermo salutiferi caeslestia dogmata verbi
122 qui parit et verae praemia justitiae.
123 Et nos praecones praesentia numina terris
124 afferimus, nobis quis neget esse favens ?
125 Accipe divini pretiosa charismata verbi.
126 Et cape jam socium pectore et ore Deum.
127 Ore tuo Dominum si nunc fatearis Iesum,
128 sitque fides animo non male capta tuo,
129 quod Deus hunc vivum pavidis extraxit ab umbris,
130 ut vivant vivo pectora nostra Deo,
131 salvus eris, nam corde quidem res creditur, in quo
132 sancta fides rectam pandit ad astra viam.
133 At quia sic passo reddenda est gloria Christo,
134 non sat erit veram corde tenere fidem.
135 Ni quoties pleno res haec sibi postulat ore,
136 clarificat Christum vox animosa Deum.
137 Umbra, superstitio vanos induta labores,
138 nil facit, a vera vita petenda fide est,
139 vera fides Christi, sola est quae vincit Avernum
140 semen (et) aereos conterit una duces,
141 en tuus Esaias, Christo quicumque canebat
142 crediderit, nulla clade peribit homo.
143 Cum quicumque refert discrimina perfida tollit,
144 non jam vel Graecum vel legit ille Syrum.
145 Omne genus tractum puro testatur amore,
146 ad pia carnati sacra venire Dei.
147 Non petit immundis clementia sabbata porcis,
148 aut jam sub saxis inguina caesa suis.
149 Communem petit ille fidem, quocumque sub axe,
150 quae valet illapsum corde tenere Deum.
151 Namque ubi bruma rigens nullos exuta decembres
152 effundet radios luxque fidesque suos.
153 Haec Phlegethonteos ignes exstinguet in Austro,
154 Emyrea et Zephyros flabit ab arce pios.
155 Summa ubicumque fides, populos quae infusa per omnes
156 dat cuncta veri lumen opesque boni.
157 Ut communis enim lux est, Deus omnibus unus,
158 unum sunt uno pectora sancta Deo.
159 Non ex hauritur bonitas immensa, per omnes
160 effluit, (et) factis providet una suis.
161 Omnis enim qui corde vocat Dominique patrisque

162 nomen, ab aeterno funere liber erit."
 163 Dixerat haec vates, nullumque excepit in orbe
 164 cum Domini cunctos unicus aequet amor.
 165 Sive hic a Solymis fuerit, seu natus ab Indis
 166 seu dedit hunc Latio Graeca marita toro,
 167 sic quicumque, vocat Christi si numina magni
 168 pulsus ab innocuo non timet esse patre.
 169 Quis tamen imploret cui non bene fidat amantem ?
 170 Fidus inaudito quis queat esse Deo ?
 171 Audiatur aut quis nam nullo referente, vel illum
 172 praedicet, a noto sit nisi missus eo ?
 173 Quam pulchros gressus dicebat gnatus a Mosi
 174 nuntius a vero principe missus habet.
 175 Praecones pacis pedibus super astra decoris
 176 pergunt, (et) verbo dant bona cuncta pio.
 177 Ah bona pax Christi cuncto memorabilis orbe,
 178 quae servum domino colligat alma suo.
 179 Quae terrae affectus subdit pietatis amori,
 180 datque viris magni numen habere Dei.
 181 Haec est, haec fratres puro quam corde jubemur
 182 arva per angelicis cuncta referre tubis.
 183 At quamvis mundam princeps invitat ad aram
 184 cunctis communem qui dedit altus opem,
 185 quamvis per totum Christi praeconia mundum
 186 fuderit aeterni paxque salusque boni,
 187 sunt multi, pulchro qui volunt credere vero,
 188 nec capiunt oculi lumina tanta rei.
 189 Dixerat Esaias, nostro quis credidit ori ?
 190 Plurima pars culpa surda futura sua est.
 191 Ergo age jam verbi summam tibi collige nostri,
 192 si decet optatum mente vocare bonum,
 193 nec quo diffidat mens invocat, ergo petenda
 194 prima fides, alio est vita neganda modo.
 195 Hancque fidem cordi non experientia praestat,
 196 sed vox a veris aure recepta viris.
 197 Cum bonitas verbi totum jam luxit in orbem,
 198 et notum Christi nomen ubique mei,
 199 quid sibi vult, quod non germano credis amanti,
 200 an tibi non passi cognita fama Dei ?
 201 Quin, ait ut Psaltes, hic terram exivit in omnem
 202 nuntius, et fines occupat orbis amor.
 203 Occupat (et) claris divulgat numina verbi,
 204 ne quo se vertat qui male sentit habet.
 205 Ergo et quem vates hominem videre Deumque
 206 promissus nostris ante redemptor avis,
 207 venit, (et) ipse palam numen monstravit in orbem,
 208 totque bonis vivens testibus ecce patet.
 209 Quo Judaea suam poterit praetexere noctem,
 210 credere quae viso non velit usque Deo ?
 211 An nescit Christi miracula, funera, palmam,
 212 qua tulit electos victor ad astra viros ?"
 213 Audiit, at simulat se non audisse, vidensque
 214 non videt a culpulis tanta ruina venit.
 215 Viderat haec lucem, sed nox durata soporem
 216 intulit et furiis viscera livor edit.
 217 Invidet et genti, sed non imitatur amorem

218 quod fuit ignoti pace recepta Dei.
 219 At Deus antiquos quod repudiaret honores,
 220 Creta foret sacri parte beanda tori,
 221 Esaias, Mosesque simul, sine fraude videbant,
 222 si non vis nobis credere, crede tuis.
 223 Tempus erit, quo te divina provocet ira,
 224 et livore tuum vindicet illa scelus.
 225 Cesseris exosae genti depulsus Iacob,
 226 quae prius ad mensas non erat apta tuas.
 227 Quosque putas stultos, hos te sitiante jubebo
 228 optima de Solymis lambere mella cadis.
 229 Teque oculos claudente, aliis tua regna patebunt,
 230 dirior ut sensus torqueat ira tuos.
 231 Haec ille. Esaias Christo pro rege locutus
 232 vates diversis dixerat ipsa notis :
 233 "Invenior populis a non quaerentibus, ultro
 234 jungor eis, thalamo jam nova nupta meo est,
 235 cernite, quam vates purgandis gentibus iste
 236 faverit, Isacidas quo ferit ore suos.
 237 Tota inquit Deus ipse die compulsus amore
 238 expandi, ad populum brachia grata reum.
 239 Si forte in donis divinae floreat aurae,
 240 et velit, hic dominum corde videre suum.
 241 Misimus huic vates, saeva quos clade peremit,
 242 utque piam charitem disceret, ipse voco.
 243 Sum socius, do signa potens, morbosque repello,
 244 evexi a gelidis corpora caesa locis."
 245 Has grates dixere furit seductor ab atro
 246 daemone, et in Stygiis hic facit ista deis :
 247 "Despexere meas vires, lusere decori,
 248 restitit et flammis perfida turba meis."

CAPUT UNDECIMUM.

v.1 Sed non Abramidas cunctos depellit ab igne
 2 vitali, Dominus nunc velut ante pius.
 3 Non odiis, sed jure quatit, crimenque repellit,
 4 non populum summi dextera sancta boni,
 5 fraternas animas et adhuc miseratus amore,
 6 quo solet hoc miseros visitat imbre reos.
 7 Suscipit (et) fidei genitos, culpaeque prioris
 8 immemor est, verum sic decet esse patrem.
 9 "Ecce ego de Abramidis Benjamo sanguine cretus,
 10 pes Christum sanctis aggregor ipse viris.
 11 E Saulo Paulus vexilla micantia gesto,
 12 nunc humilis doctor, qui ferus hostis eram.
 13 Nec censet Dominus totam subvertere gentem,
 14 sed quos non pravos paenitet esse viros.
 15 Servavit sibi cuncta sciens de plebe decoras
 16 relliquias, verbum det quibus ille suum.

17 Cernitis Eliam digno flevisse dolore,
18 facta scelus populi colla superba sui.
19 Responsum vox sancta dedit, ne cede furori.
20 Non maculat cunctas improba culpa domos.
21 Septem namque virum vili non flexa Baalo
22 millia, nec falsis tura dedere deis.
23 Hi mihi adhuc viva praesciti luce supersunt,
24 sint quibus ex pacto munera danda meo.
25 Hoc igitur fratres et tempora venit in isto,
26 non tota est vero turba repulsa bono.
27 Et Deus e culto quosdam sibi deligit agro,
28 quos pius ad vitae femina servat amor.
29 Id gratis, nec enim meritis est tractus ab ullis,
30 gratia non merces, quam, pie cultor, habes.
31 Nam quae facta boni mercantur praemia tanti ?
32 Missa tibi a magno sunt pia dona Deo.
33 Magnifica dedit ille manu, non facta rependes,
34 sed se, diffusum cui placet esse bonum.
35 Nempe quod Israel confisus lege petebat,
36 non habet, electis sunt data dona viris,
37 firmus et elector praevisos servat amicos,
38 quod sint electi, non quia sint Solymi,
39 cetera pars vitam non quivit vulnere glandis,
40 eripere aut justos, quod sibi censet avos.
41 Excaecata perit letalibus obsita curis.
42 Aspiciens ipsum non videt illa Deum.
43 Nec credit signis, quamvis super omnia Christus,
44 debuerat factis cognitus esse suis.
45 Plus etiam ratione modi, non invocat ullum,
46 sed propria mirum voce peregit opus.
47 Viderat Esaias, quod nunc venisse dolendum est,
48 testis pro cunctis vatibus unus erat.
49 Afflatum Christi quia plebs nocturna repellit,
50 spiritus his durus criminis ultor adest.
51 Ut sibi quae videant renuant vidisse, negentque,
52 crudeli auditos aure tenere sonos.
53 Nunc Christo talis qualis fuit ante prophetis,
54 quondam erit, ut somno surgat acerba suo.
55 Vidit et haec David, qui sancta concitus ira,
56 veridico longas protulit ore minas.
57 In laqueos illis mensa invertatur eorum,
58 pascuaque externis sint data praeda viris.
59 Esuriant interque dapes, haec poena nefandae
60 sit genti, e medio nil ferat illa bono.
61 Illius ante oculos sit turbida noctis imago,
62 curventur misero dorsa superba dolo.
63 Fercula nam verae tempore salubria vitae,
64 clausurunt oculos ad pia dona suos.
65 Atque affixa notis sub cortice languet amaro
66 in foliis vanos turba secuta cibos.
67 Adducit Mosen, sed non intelligit, atque
68 longe exspectatus cum venit, esse negat.
69 Non sic lapsa tamen, quod non in lumine possit
70 surgere (et) ad vivi castra venire Dei,
71 profuit hic lapsus genti, quae admissa, minorque
72 facta prior sceptrum clade sororis habet.

73 O utinam sicut Solymorum clade receptis
74 gentibus aethereum mors patefecit iter,
75 vestra fides stimulos illis stertentibus addat,
76 surgant vel radiis aemula corda piis.
77 Quod, Judaea cadens si sic, occasio vitae
78 prosit et ad vestrum fit minor illa bonum,
79 unius et gentis deleto robore surgunt
80 tot populi, Christo grandia lucra Deo,
81 quid tunc, cum mundo solitam non flente ruinam
82 post vos ad Dominum venerit illa pium ?
83 Vos inquam gentes, si vester apostolus adsum
84 vosque mea ad vivum cura referre Deum,
85 nitar ad ipse tamen mandatum reddere munus,
86 et vestra ad summum ducere corda bonum,
87 ut possim socios hac vel ratione jacentes,
88 invidia vestri sollicitare loci.
89 Et livore furens si non pietatis amore
90 incipiat proprio ponere sacra Deo,
91 o utinam, nostris si non ea gloria verbis
92 fulserit, ut cunctos ad pia sacra feram,
93 servem vel parvum numerum, videamque sororem
94 non totam, miseris accubitare toris,
95 hoc orate pares, quis non hoc candidus optet ?
96 De grege sit rabidis pars data parva lupis.
97 Nam Judaea cadens si sic fuit utilis orbi,
98 gensque admissa, Deum per scelus hujus amat,
99 plus fuerit, si sit dura quae in nocte gelascit,
100 ad fidei flammam turba relata piam,
101 et rediviva cohors longaevo extracta sepulchro,
102 ponat de Stygiis clara tropaea dolis.
103 Nam quis desperet cuncta de plebe decorem
104 cernere, quod plenam non bibit usque fidem.
105 Nam si quae nulla sub religione jacebat,
106 impia nec domino cognita turba suo,
107 per Christum potuit sumpta revirescere flamma,
108 protulit et fetus numine fausta pios,
109 quam citius, quae vera colens a tempore primo
110 numina ab electis prodita noscit avis ?
111 Principibus venit ista sacris, imitata parentes
112 quid mirum, ad verum si redit illa suum.
113 Fermento sancto sancta est et massa, pioque
114 principio ramos cernis inesse pios.
115 Et pater Abramus domino si teste fidelis,
116 quid vetet hunc sobolem posse referre fide ?
117 At veluti propria decisis ab arbore ramus,
118 non alitur prima qua valet arbor aqua,
119 sic nisi fidentem non sis imetatus amorem,
120 filius Abrami non potes esse pii
121 quod se nativa defringitur arbore ramus,
122 insitus externae quam citus ille ruet ?
123 Aspicias Abramidem sancta radice revulsum,
124 stirpeque defractum nil juvat esse bona,
125 insitus et leni te nunc oleaster olivae,
126 unitum laetum frugiferumque vides,
127 sed ne sperne precor ramos a stirpe recisos,
128 non tua naturae sunt bona sed charitis.

129 Quod si te jactas atque ob tua dona superbis,
 130 radicisque audes immemor esse tuae
 131 offensus leo mitis erit, qui forte soporem
 132 det tibi, quem socio nunc sinit esse tuo.
 133 Ille prior, non cernis iners, ut pulsus ab alto
 134 aethere ad umbratos truditur usque locos ?
 135 Ecce ruit propria defractus ab arbore ramus.
 136 Nec timeas casus insitus ipse tuos ?
 137 Non tu radicem, te radix portat et ejus
 138 robore te insertum sustinet illa sibi.
 139 Dicis, nativi franguntur in arbore rami
 140 inserar ut trunco vir pius ipse bono.
 141 Haec procul a casto sit dira superbia corde,
 142 ut surgas, sceptro non cadit ille suo.
 143 Hoc arente bonae quod sis insertus olivae,
 144 accidit ob magni lumen opesque Dei.
 145 Nam propria rami quod sint radice revulsi,
 146 non meritum gentis, sed rea turba facit.
 147 Plebs calcata jacet, quia non sit credula vero,
 148 tu stas, sed sola te retinente fide.
 149 His ne insurge reis, potius te externa ruina
 150 edoceat domini dicere gesta tui.
 151 Istorum morbi tibi sint medicamina. Disce,
 152 quae sit peccanti poena parata tibi.
 153 Disce Deum vivum, quam sit metuendus ab hoste,
 154 cum sibi tam caros exprobat ille viros.
 155 Disce nefas rabidum voto aversare perenni,
 156 quo bona tam lenem concitat ira patrem.
 157 Nam si non propriis ramis Deus ipse pepercit,
 158 dilectos firmo nec satis esse Deo est,
 159 ignota extrarius quid speret ab arbore fetus,
 160 qui vult in socium saevior esse suum.
 161 Disce malis horum, quid sit tibi nempe vitandum,
 162 ingratus summo ne videare bono.
 163 Non tua te extollat requies, non gloria christas
 164 addat, sed magni munera disce Dei.
 165 Disce Deo grates pro turbis dicere versis,
 166 disceque penitis numina justa malis.
 167 Non tamen insultes. Hi sunt ratione revulsi,
 168 tu sine te donis insitus ipse piis.
 169 Tu sine te, Latiae non est ea gloria gentis.
 170 Sunt praeter meritum munera tanta tuum.
 171 Hinc perpende videns, quam sit Deus ipse severus,
 172 quam bonus, et factis justus ubique suis.
 173 Ejicit errantes, humiles sibi sublevat uni,
 174 mercatur cunctos sanguine, luce juvat.
 175 Luce juvat plena mentes diffusus in omnes,
 176 et citat ad verum pectora cuncta bonum.
 177 Utque legit gratos aversos pellit. Et unus
 178 condemnat miseros sanguine luce reos.
 179 Sanguine, nam poenas fuso pro sanguine poscit.
 180 Luceque, nam tenebras flamma repulsa parit.
 181 Doctus ab exemplo jam nunc potes esse, furentem
 182 qui dominum in Solymos cernis adesse reos.
 183 At pietatis opus servata discere gente
 184 quis vetat ? Ignotos suscipit ipse viros.

185 Nec generi caeco, nec vitae debita pravae
186 praemia, sed victis dat pia dona Deus,
187 terrenum condonat opus, gratisque remittit
188 crimina, cum sociis te jubet esse suis.
189 Ascitus gratis propria vitiabere culpa
190 excidet a veris qui fugit illa bonis
191 tollet ab ingrato charitem qui miserat illam,
192 ni memor es magni munus habere Dei.
193 Si caeleste jubar nebula confundis inani,
194 si restant vacuis corda superba bonis.
195 Quas bonitas largitur opes, tua culpa furori
196 prostrat (et) ad Stygias perditus ibis aquas.
197 Sic Solymus, somno si jam resipiscat ab alto,
198 liquerit et fastum turba proterva suum,
199 insertus tandem sacrae revirescet olivae,
200 unde sui vitiis cuspide sectus erat.
201 Hunc divina fides sceptro positura priori est.
202 Qua velut ingratus exsulat aede nothus.
203 Nam tu si ramus de quercu argente recisus,
204 insitus es oleae regis amore piae.
205 Quid nam erit Isacidis ortis de sanguine sancto ?
206 Quam facile ad dominum posse redire suum ?
207 Quotquot ab his fidi Christum acceperunt parentem,
208 vult Deus hos gnatos numinis esse sui.
209 Esto humilis, non est, quo te gens ethnica jactes,
210 aut credas Solymos te superesse pios.
211 Hos ne irride furens, semen ne sperne videntum,
212 sat tibi, communi quod datur esse loco.
213 Sat tibi ne torvo tractes mysteria vultu.
214 Non vident a saxis numina facta tuis ?
215 Pone precor fastum, nec te metire superbis
216 sensibus, haec sancto non placet aura Deo.
217 Plebs ruit in somnum Christo germana repulso,
218 nec tamen in tenebris pectora cuncta jacent.
219 Maxima pars passum veneratur sedula Christum,
220 jam nunc et socio dat pia thura Deo.
221 Inque dies radium Christo referente decorum,
222 surgit ab Isacidis sancta marita toris.
223 Persistent reliqui misera tantisper in umbra,
224 donec sub numero gens micet alma sacro.
225 Verum ubi contigerit nitida florere juvenia
226 mundum, cum toto sit meus orbe Deus,
227 justitiamque fides pariat fecunda per orbem, et
228 pascatur laetus gentis odore polus,
229 Abramides victor somni resipiscet Averni,
230 nec trahet immundis, pendula corda sacris.
231 Nec jam terrestrem vana spe pascet amorem,
232 nec Mosen votis pinget ut ante suis.
233 Sed fidei solem nebulis agnoscet ademptis.
234 Nec sibi jam dominum, quem petat alter erit.
235 Erroremque suum qui jam fateatur, et umbram,
236 suscipiet populum Christus ab arce pium.
237 Tunc erit Israel hoc dignus nomine cernens
238 numina tunc notum sentiet esse Deum.
239 Aurea tunc verso decurrent saecula mundo.
240 Nullus erit proprium degener ante patrem.

241 Vidit et Esaias, qui vidit funera, vidit
 242 et vitam, calamo pingit utrumque suo.
 243 Viderat errantes, idem videt esse reversos,
 244 verus in hoc, reliquo tempore verus erit.
 245 Ecce Sionaeo veniet de vertice ductor,
 246 et scelus a charis auferet ille viris.
 247 Impietatis onus de sero avertet Iacob,
 248 et trahet adversas ad sua regna manus.
 249 Qui pepigit quondam populo cum foedera caro
 250 prorsus disiectos non sinet esse viros.
 251 Irrita per quosdam nec erunt ea pacta nocentes,
 252 rex quibus electis consulit ipse suis.
 253 Sunt qui promissis vitium priventur amantes,
 254 sunt qui humiles domino se tribuere suo.
 255 Illis nil pactum, quod non sua crimina plexi
 256 iudice sub vero falsa terente luant.
 257 His nihil obstabit fraterni culpa furoris,
 258 quin valeant sancti regna tenere Dei.
 259 Pars tamen e populo Christo est adversa beanti
 260 dum de letifero cortice virus edit.
 261 Profuit hoc genti, dum projicientibus illis
 262 it citius verbum dura sub orapium.
 263 At licet infelix felici semine proles
 264 nata potest socium carne vocare Deum.
 265 Non huic insultet tua caeca superbia frater,
 266 rixa furens Christos dedecet ista meos.
 267 Aspicias en populum communi a principe lectum
 268 clara Dei castris signa tulisse suis.
 269 Ut dum tu lapides arsuraque ligna colebas,
 270 hic dederit vivo pectora pura Deo.
 271 Pertinet ad sanctos patres, licet impia proles,
 272 nomine in hoc domino cara futura pio est.
 273 Sic facile in primos haec accipietur honores,
 274 et versam solito sumet amore Deus.
 275 Nam si carnis opus calcata deserat umbra,
 276 debet adorato notior esse Deo.
 277 Et quia vera salus patribus promissa, fidelis
 278 qui fuerit, tamquam jura paterna feret.
 279 Non equidem Dominum decreti paenitet altum,
 280 tempus in omne pii sunt rata dona Dei.
 281 Si non errarunt sancito foedere, cur nunc
 282 paeniteat verbi numina sancta sui ?
 283 Tu rerum perpende vices, ne insurge jacenti,
 284 quin precor exemplo sit pius ille tuo.
 285 Respice, cum duro stertebas ethnice somno,
 286 non te in aeternum lumina destituunt.
 287 Non fugit a caecis Domini pia gratia turbis,
 288 nec bonus infesto laesus odore riget.
 289 Atrahit errantes, scelerataque dispulit aera,
 290 dat verum pulsus numen habere dolis.
 291 Sic Deus Abramidas quamvis sit passus iniquos
 292 ad tempus, verax his quoque regna dabit.
 293 Num pietas ipso quae gentem extraxit ab Orco,
 294 non poterit caros huc revocare viros ?
 295 Liberiora feret divini lumina gnati,
 296 qui sibi venturum lege petebat eum.

297 Nam fera quos Cybeles primo exoculabat ab aevo,
298 durius ad Christum velle venire meum.
299 Qui vobis pia dona dedit, lumenque salubre,
300 hoc dare cognatis non queat ille suis ?
301 Non illi vobis, non vos his ludite, fratres,
302 utraque gens uno jam nova turba Deo est.
303 Sed vos pro sociis precibus contendite sacris,
304 si velit a tenebris hos revocare parens.
305 Et pro servatis justos reddetis honores,
306 sperat enim radios utraque turba pios.
307 Nam Deus omnipotens aevo sapientior omni
308 sic nostro flammis temperat orbe suas.
309 Ut mortale genus sub crimine prorsus amaro,
310 conclusum tensis se sciat esse dolis.
311 Tunc magis ut medici sit nota potentia summi,
312 cujus ope est victis libera turba malis.
313 Et lapsus vitio si numine surgat ab alto,
314 sentiata solo munus habere Deo.
315 Nec meritum, nec gesta canat sed liber ab Orco,
316 ascribat Domino, quod valet ipse suo.
317 Non tamen ille malum decreto immittit acerbo,
318 dumque sinit crimen, non scelus ille facit.
319 Quin pia per dominum pravis oriuntur ab ipsis,
320 et bona de nostris efficit ipse malis.
321 Sed divina oculis quaerenti numina luscis
322 mens tremit et nimio lumine caeca jacet.
323 Hinc stupor, hinc fragilem vincunt mysteria mentem,
324 et ratio charitis muta ministra silet,
325 o pietas ardens, o non imitabile numen,
326 o superans nisus robur amorque meos.
327 O sapiens bonitas, oculis nec pervia nostris
328 virtus, aequali numine cuncta regens.
329 Quis librare tuas charites, decretaque possit
330 pandere, vel radios mente videre tuos.
331 Turbat inaccessum lumen, superisque tenebris
332 flamma latens oculis non datur ipsa meis.
333 Quis domini sensum potuit cognoscere, quisve
334 dixit ei, rectam mente tenere viam ?
335 Quis prior officiis meruit, pia dicere dona,
336 praemia, ceu factis debita danda suis.
337 Est ratio, justusque regit quae condidit, atqui
338 nos latet et solum stat penes illa Deum.
339 Quodque mali patimur vitiis mens prodita nostris
340 imputat, ac Domino quae bona cuncta suo.
341 Ille auctor, fons atque boni custosque, tuetur
342 in nobis donum quod dedit ipse suum.
343 Et nulla in factis laus est aut gloria nostris,
344 nam merita ad summum sunt referenda bonum.
345 Principium Deus ipse boni, mediator, et idem
346 finis erit, mundum sustinet unus amans.
347 Huic sit honor laus atque manens et gloria vivens,
348 qui moriens famulis dat sua regna suis.

CAPUT DUO DECIMUM.

v.1 Ergo pius quando Saturnia linqere monstra
2 dat Deus, infernos fregit (et) ipse duces.
3 Quando et legis onus natis excussit ab almis,
4 duxque facit verbo semina digna suo,
5 non ego vos posthac. Si quid pia nomina tangunt,
6 aspiciam vivo bruta litare Deo.
7 Fecundam Juno, sterilem Proserpina vaccam
8 si velit, a caecis postulet illa viris.
9 Sit procul a vobis qui horrentia consulit exta,
10 sint procul a puro sanguinolenta Deo.
11 Longe alios ritus, numen sibi poscit ab omni
12 gente, petit magnus corpora vestra Deus.
13 Non ut truncatis videat nox Chaspia membris,
14 more suo in vestros arma movere sinus.
15 Sed terra affectus sancto mactate furore,
16 reddite et ignivomo corpora viva deo.
17 Non caesas pecudes sed viva piacula poscit,
18 libera sit vitiis hostia, pura, placens,
19 vult Deus hoc sacrum, quod sit de numine motum
20 noscat et optatum ferre, referre bonum.
21 Dum lex Mosaeis regnabat carnea vinclis,
22 ara erat immundis sanguine tincta sacris.
23 Corporeas pecudes tunc obtulit umbra furori.
24 Mulsit (et) iratum sanguinis urna Deum.
25 At postquam plenum Christo moriente decorem
26 lex habet (et) caeso cortice regnat amor,
27 spiritus in sacris prior est, et victima vivens
28 quaeritur, afflatum quae probet esse bonum.
29 Allide ad Christum lapidem, terrestria vota.
30 Corde coli puro rex Deus unus amat.
31 Pro vitulo debes venam mactare superbam,
32 ira aries, sacris concidat ira notis.
33 Obscaenas veneres, ut olentes turpiter hircos,
34 exure, et caesis ardeat ara malis.
35 Sacrifica turpes animi pro turture motus,
36 lascivae venis pelle venena tuis.
37 Offer pro libo mundati cordis amorem,
38 corda petit princeps, ut pia tura dari.
39 Haec sunt haec nostris dignissima sacra catervis.
40 Mentalesque preces, non petit auctor oves.
41 Victima grata Deo mens est sine crimine sancto,
42 pro libis animos postulat ille pios.
43 Si carnis motus animo resecantur acuto,
44 non opus est vanam scindere pelliculam,
45 pacifero varios si pellis corde tumultus,
46 servasti domino sabbata sancta tuo.
47 Desine jam pecoris vanos offerre cruores,
48 mundaque divinis da tua corda sacris.
49 Pro nobis Christus jam se Deus obtulit illi
50 quis neget aequalem mente referre vicem ?
51 Quis neget huic vitiis fieri pia victima caesis,

52 hostia pro nobis se datur ille reis ?
 53 Quin jam Tartareas per Christum exuta catenas,
 54 incipe mactato vivere turba Deo.
 55 Turba nitens Christo caelestibus insita votis,
 56 ne moveant sensus gaudia falsa tuos.
 57 Pristina discedant cum priscis nubila sacris,
 58 qui novat, ipse viros et petit esse novos.
 59 Affectus animi mira florere juvena,
 60 hic juvet, (et) pulchros mente tenere polos.
 61 Ne tibi sint vulgo quae sint placitura profano,
 62 nec sedeat votis anxia terra piis.
 63 Excute mortiferas Christano a pectore sordes,
 64 pendeat a solo jam tua cura Deo.
 65 Nil jam terrenum, nil vile aut turpe sequaris,
 66 illaesum memori pectore numen habe.
 67 Ut fuerit Christus lacrimosam caesus ad aram,
 68 esto memor domini debitor ipse tui.
 69 Esto memor simplex mactati debitor almi,
 70 et fuge quod Dominus non probat ipse pius.
 71 Extremos instare dies, finemque tremendum
 72 inspice (et) arsuras temporis hujus opes.
 73 Nec te conformem saeclo praestabis iniquo,
 74 en fugit ex oculis somnus et umbra tuis.
 75 Posce Deum, tibi posce Deum, Dominumque requaere,
 76 sit tantum votis quod jubet ille tuis.
 77 Esto memor Domini, qui te sibi mortuus unit,
 78 ut vivas socio tempus in omne Deo.
 79 Si juvat hujus opes animo pensare silenti,
 80 ducendum radiis te bene solve piis.
 81 Concipe flammati pomposa palatia caeli,
 82 assuesce angelicos inter adesse choros.
 83 Sed fugit ipsa tuum, luxque super omnia captum,
 84 et facit ignotum tertiaflamma Deum
 85 unicus in tenebris lucem occultatur ob ipsam,
 86 eludunt oculos summa videnda reos.
 87 At satis, ut cupias, quae sit sua recta voluntas
 88 noscere, et huic placita sis memor ire via.
 89 Haec erit, haec felix pleno sapientia captu
 90 atque Deum recto tramite pandet iter.
 91 Acceptos referet cultus, vivumque decorem,
 92 quo melius sensu nil queat esse tuo.
 93 Heus, qui major, ades bellantis in ordine templi,
 94 ne volve in socios lumina torva tuos.
 95 Nec minor invideas primo, ne exstingue lucernam,
 96 hunc tibi majorem dum cupis esse parem.
 97 Nec per hyperboreos australem despice flatus,
 98 non euro zephyri temnat ut ora licet.
 99 Sobria mens animo nihil arroget ipsa superbo,
 100 nam quod habet, donis hoc habet ipsa piis.
 101 Nec sibi jam placeat, quod sit nimis alta, decensque,
 102 pignora tot merito non habet illa suo.
 103 Hoc habet a domino, sociis ut conferat ipsis,
 104 cur sibi commissas claudat avarus opes.
 105 Cur tumet, alta quasi sapiat bullatus ab ipso ?
 106 Ah ! miserum paleas non viden esse leves.
 107 Nonne vides florem subito marcere sepulchro ?

108 Nonne vides carnem, dic, precor, esse nihil ?
 109 Partitur sua dona potens, ut justa voluntas
 110 libera vult natis mittere dona suis.
 111 Unicus et variis caelestia munera formis
 112 dividit, ut nullus se putet esse satis.
 113 Fraternas dotes charitas fraterna sub uno,
 114 sic referat patrium principe docta modum.
 115 Nec jam naturae cedat pia gratia nostrae,
 116 aut doleat clausam nos habuisse domum.
 117 Cernis ut in multis terreno corpore membris
 118 pax micat, et sociam pes juvat ipse manum.
 119 In Christi corpus variis ex gentibus omnes
 120 jungimur, et proprio est, ille vel ille, gradu.
 121 Distincta officiis sunt hoc in corpore membra,
 122 prospectat socio pars quota nempe suo.
 123 Non oculus videt ipse sibi, non dextera servat
 124 se solam, aut soli prandia venter habet.
 125 Sic varias dotes Christo in sua membra refusas
 126 qui caput est, sociis vult simul esse suis.
 127 Providet utque alii membrum praestantius illo,
 128 succurritque sua certus amicus ope.
 129 Sic nitidi fratres qui te, pie Christe, sequuntur,
 130 observantque suum ceu bona membra caput,
 131 incumbat studiis fraterna ad commoda plenis.
 132 Convenit, hos duras non habuisse manus.
 133 At quoniam dotes multae sunt, corpus et unum,
 134 unus pro placito qui dedit ille suo.
 135 Te decet ut donis superis utare modesto
 136 pectore, (et) ad socios illa referre tuos.
 137 Si tibi de Christo dos contigit esse prophetam,
 138 et sancta arcanis clausa videre notis,
 139 illustraque tuum fidei donator amorem,
 140 ut tibi sit vero luxque fidesque pio.
 141 Seu tibi laeta manum fratri praestare facultas.
 142 De tibi concessis vivat ut ille bonis,
 143 seu tibi divino pasturo dogmate gentem,
 144 dat Deus a caelis aurea vasa suis,
 145 scu tibi sorte datum mores formare decentes,
 146 dirigere et monitis pectora casta piis,
 147 ante oculos tibi, summe Deum. Fastuque repulso
 148 te dignum illapso fac pius esse Deo.
 149 Despicias nullum. Nec te depellat ab ipsa
 150 luce ministerii duxque paterque tui.
 151 Pauperibus si dona dabis, non fenore pasto
 152 ante oculos socii sed pietate viri.
 153 Si tibi jam fratrum cura est mandata tuorum,
 154 esto vigil. Fratri non tibi lora geris.
 155 Nec te reddat honos. (Elatum), mixtus honori
 156 stat labor, heus, hostem non decet esse patrem.
 157 Pascit oves, non tondit oves, immo anxius illis
 158 pastor adest, rabidi cum videt ora lupi.
 159 At cum participes quae dat tibi primus amore,
 160 corde hilari, a factis gaudia sume piis.
 161 Ne velut invitus, si des pia munera, perdas
 162 quae dabis, (et) meritum dux neget esse tuum
 163 absit ab hoc frater, si quid de fonte bibisti

164 fucus, et obscuris thecna canina dolis.
165 Sit simplex charitas, et nulli conscia fraudi,
166 nesciat vastum dissimulare lupum.
167 Nil simulet, nil fingat amans connexus amori
168 sancto, venturum qui videt esse Deum.
169 Ne metire prius justis tua commoda factis,
170 sola sat est factae gloria justitiae.
171 Sojasatest virtus, voto ut quaeratur ab omni,
172 non nihil est ipsis abstinuisse malis.
173 Turpis amor satis est, ut visu aversa maligno
174 mens fugiat caro libera facta Deo.
175 Esto tuis consors vera pietate benignus,
176 et charitas motus temperet una tuos.
177 De terrae obscuro certet mundanus honore,
178 dum reputat socios hic superesse suos.
179 At nobis Christo diversa huic pugna sub almo,
180 dum praeferre sibi cetera quisquis avet.
181 Nec sat erit, nullum si usurpet justus honorem,
182 ni studeat sociis et minor esse suis.
183 Nemo sibi vivens vitio languescat inertis,
184 sed paret officiis utilis esse bonis.
185 Sitque alacris noster, flatu qui ferveat hausto,
186 impiger absorpto debuit esse Deo.
187 Carnea monstra jacent, jam te subtraxit ab Orco
188 spiritus, illustri pectore torpor abest.
189 Est opus hoc carnis morbosa algere sub umbra,
190 flaminis aethereos advolitare choros.
191 Cura prior servire Deo, ne insurgite contra
192 tempora, fulmineas quis retinebit aquas ?
193 Te precor in Domino rebus servare secundis,
194 candida Tartareis cedat et agna lupis.
195 At si tempus erit diro occurrere furori,
196 constanti gladios pectore vince feros.
197 Vince malum patiens, duros tolerare labores,
198 funera, pro vitae principe dulce pati.
199 Ne tamen interea summo diffide beanti,
200 dum premeris, palmam cum volet, ille dabit.
201 Justitiam non ille parat, defendere ferro,
202 sed prece, sed pura mente vocatus adest.
203 Ergo age jam rectis viventia numina votis.
204 Implora, ut superam det tibi summus opem.
205 Vult dare justa Deus, sed vult dare justa rogatus,
206 justaque cum posces plurima, plura feres.
207 At si dona petis, si numina blanda requiris,
208 ne pia tu socii vota repelle tui.
209 Porrigat auxilium miseris tua dextera dextris,
210 sic tibi sunt Domini regna paranda tui.
211 Nec propriis tantum, sed si tibi venerit hospes,
212 venisse hoc ipsum jam tibi crede Deum.
213 Ut solvenda manus, lingua est arcenda, nec umquam
214 noxia sub verbis inferat arma suis.
215 Mitis in adversos, ipsi miserescere furori,
216 sic docuit nostrum frangere tela caput.
217 Non odiis odium, non vulnere vulnera cures
218 vincere, sed constans jusque piumque tene.
219 Vince nefas patiens, ne sis amentior hoste,

220 si cupias factis hunc superare reis.
221 Hostibus optabis noto bona prospera Christo.
222 Tuque magis blandus quam ferus hostis eris.
223 Verus amor Christi famulos instruxit amico
224 numine, cum maestos tristibus esse pios.
225 Cum lacrimis lacrimas toto diffundere corde,
226 sumere cum laetis gaudia sancta viris.
227 Idque ipsum sentire omnes, humilesque patresque,
228 esse simul templum nec resecare sacrum.
229 Ne sint iudicio diversa placentia nostro,
230 ne temne indoctos qui sapis alta viros.
231 Esse Deo gratum vera est sapientia, Vera est
232 gloria viventi nosse placere duci.
233 Alta sapis, si recta cupis, si immunis ab omni es
234 crimine, non oculis, incubat umbra tuis,
235 at si sub vitiis torpes, nihil astra videre
236 profuerit, vanas effuga delicias.
237 Ergo humilem te probe aliis, nec Olympica credas
238 culmina pro captu prensa tenere tuo.
239 Si sapis, hoc aliis sapias, prudensque videri
240 non tibi, sed justo mens pia quaere Deo.
241 Saepius hoc dicam si te male percutit hostis,
242 non mala pro inflictis tu quoque redde malis,
243 caeca Deum cultu gens hoc putat ipsa licere,
244 et vetus involucris hoc sinit umbra suis,
245 at postquam Christus tenebris illuxit ademptis,
246 lux micat (et) bijugis evolat acta rotis.
247 Ad pietatis opus divino laesus amore
248 ducitur, adversis et favet ipse viris.
249 Vos miris certate bonis, cuicumque videnti
250 utilis exemplo sit pia vita suo.
251 Pax prior in votis. Pacem ascensurus ad astra
252 mandabat famulis dux bonus ille suis.
253 Improba Christianos fugiat discordia sensus,
254 impius officium daemonis ultor agit.
255 Irasque insidiasque et nomina dira furorum,
256 ascribat variis ethnica turba deis.
257 Ultio non puros animos diro incitat aestu,
258 ignorant domini qui pia verba sui.
259 Sed qui Golgothei memoratur proelia campi,
260 inque cruce affixi suscipit arma Dei.
261 Qui spinas, saevasque alapas, clavosque, necemque
262 pensat, et innocuum quod ferit hasta latus.
263 Cum videat tali Christum indulgere furori,
264 numquid in adversos saeviet ille viros ?
265 Quin potius patiens rabiem compesce tumentem.
266 Suscepta in clypeo concidet ira sacro.
267 Ictibus opponens Christum fera vincere passum
268 tela potes, gladiis parce superbe tuis.
269 Sat tibi, vindictam scelerato sumet ab hoste,
270 ut verus iudex, qui bonus ultor adest.
271 Ille sibi omnipotens plectenda haec crimina servat,
272 a caede et nostras temperat ille manus.
273 Tu modo ne laedas etiam male laesus amico.
274 Quin pro susceptis et bona redde malis.
275 Esuriat si forte, tibi saevissimus hostis,

276 pasce illum. Gladio militet ille tuo.
 277 Si sitiatis, potabis eum, mens aspera forte
 278 leniet officiis corda superba sacris.
 279 Saepe canis latrans placida pacatur ofella,
 280 hoc Marte a rigidis tollitur irafferis.
 281 Expugna hoc hostem gladio, mitisque piusque,
 282 et patiens rabidos vincere disce viros.
 283 Expertusque pius forsitan miserebitur hostis,
 284 et furor ille sibi nempe pudendus erit.
 285 Perque tuos ignes vero suscensus amore
 286 forte dabit victas in tua iussa manus.
 287 Quod si, nec fuerit victus charitate, Deoque,
 288 hora super durum taetra futura caput.
 289 Est Deus, huic sinito scelerata rependere facta,
 290 ut Deus est, nullum non premet ille malum.
 291 Tu, domini frater, nulla vincaris ab ira,
 292 exagitent animos ulcera nulla tuos.
 293 Si tibi dulce putas hostem vicisse furentem,
 294 quid, socius magno si potes esse Deo ?
 295 Fortis erat, patiensque tulit quoscumque labores,
 296 scilicet hoc pacto vincere majus erat.
 297 Vincerit ille malum, tolerat qui fortius illud,
 298 impatiens plagis vincitur ipse suis.
 299 Tu ne cede malis, hoc est hoc cedere pugnae,
 300 si pro te maestis tela furoris habes.
 301 Est nimium certare bonis, est vincere pulchrum,
 302 sed mala si superes per bona, Christus eris,
 303 a Christo Christus, nec enim te dicere Christum,
 304 sed similem Christo vox cupit ista meo.
 305 Ille pio hostiles superavit corde furores,
 306 et pro perpeccatis dat bona cuncta malis.
 307 Hoc tu vince modo, vera haec victoria frater,
 308 optimus hoc justis Marte triumphus erit.
 309 In Christo vinces, cupias si vincere, saevum
 310 quicquid erit, Christum concipe, victor eris.
 311 Quae te circumstant haec mille pericula, morbi
 312 vincla, fames, passis tot mala nata viis.
 313 Omnia per solum fas est tibi vincere Christum,
 314 si patientem oculos hunc geris ante tuos.

CAPUT DECIMUM TERTIUM.

v.1 At si te Christum divinaque jura sequentem
 2 gens premit in sanctos imperiosa viros,
 3 improba si a Christo frenandum suscipit orbem
 4 dextera, et in nostros infurit illa sinus,
 5 viderit omnipotens nobis parere tyranno
 6 convenit. Hoc multos vult Deus orbe grados.
 7 Imperitant aliis alii. Nec frena recuses
 8 quisquis eris, vitiis dummodo liber eas.

9 Ordine sic regitur mundus. Turbare decorem
10 non velit ob socium Christea turba Deum.
11 Invitiis votisque malis non convenit usquam
12 Christanos proceres improba jussa sequi.
13 At jura humanae per publica commoda vitae
14 non decuit socios adviolare meos.
15 Ne nostro exemplo reges insurgat in omnes
16 vulgus, et expulso culpa soluta metu.
17 Congruit hos, quamquam nullum mereantur honorem,
18 observet summo subdita turba Deo.
19 Sunt quae convenient soli per saecula Christo,
20 illa sibi princeps omnia solus habet.
21 Sit tibi cura prior, vero parere tonanti,
22 nec justa ob saevas frangere jussa minas,
23 ad mala terrifici nec te compellere tauri
24 possint. Haec cunctis sunt fugienda modis.
25 Jus tamen humanum, nostris violare lacertis
26 non licet, hoc mundi publicus ordo petit.
27 Non decet innocuos pacem turbare ministros,
28 si recolis Christum, vincula pacis ama.
29 Quicquid erit sceptrum potius patiare malignam,
30 quam tua vis frater publica jura premat.
31 Non sanxit Christus, sed non haec exprobat, ut quae
32 novit in arcendis frena futura malis.
33 Terrea majestas supremi est regis imago,
34 regnare hoc sapiens quam jubet orbe Deus.
35 Quique malo regi, cum sit minor ipse resistit,
36 se sciat in Dominum bella movere suum.
37 Obstitit ecce Deo, per quem data sceptrum tyranno,
38 nolens cum sociis vincla tenere suis.
39 Justitiae legum Deus incubat, ut mala tollat
40 per legem, ut saevis sit data poena viris.
41 Ergo nec regi, nec legibus ipse repugnes,
42 ni velis amplexis improbus esse malis.
43 Quod male si praeses sceptro furiosus iniquo
44 te ferit : extrema viderit ille die.
45 Ecce luet facinus, sed tu ne obsiste regenti
46 decreto summi praesidet iste Dei.
47 Quod si forte cupis non legibus ipse teneri,
48 cumque capistratis non simul esse reis,
49 non te posse putes duris laxare lacertis,
50 nam tibi cum summo pugna futura Deo est.
51 Non potes obsistens, sed candidus horrida jura
52 effugere, ausuras a duce tolle manus.
53 Liber eris, vitio si sis modo liber ab omni,
54 est tantum factis lex inimica reis.
55 Contemnit rigidos regum pia vita furores,
56 nullaque lex justis causa timoris adest.
57 Hi timeant fasces, hi dura satellitis ora,
58 qui non a vetitis abstinuere malis.
59 Armatos equitum cum dictatore magistrum,
60 qui pergit recta non timet ille via.
61 Quin etiam reges merita illustrare corona
62 colla solent factis pulchrius usa bonis.
63 Utque minister erat domini dux crimina damnans,
64 sic et qui claris dat sua dona viris.

65 Praemia virtuti, sceleri praestare rigorem
66 jussus hic, a justo cui data sceptra Deo.
67 Sic tibi non damno minitiantia legibus aera,
68 servanti in Christo jussa paterna bono.
69 At si suplicio dignum tua culpa severo
70 te facit, e factis sunt tua damna tuis.
71 Tunc tibi lictorum furor est metuendus, (et) omnis
72 purpura, (et) horrisoni verba superba fori.
73 Tunc gladium, tunc rostra time, punire nocentes
74 rex solet, et nostrum paene referre Deum.
75 Subservit Christo malus hac quoque parte beato
76 vindex, quod motus puniat ille malos.
77 Utque in jure pari consistat publicus ordo,
78 sit pia crudeli subdita turba duci.
79 Nec tua vox, frater, regalem provocet ensem,
80 ne dura in Christos saeviat ira meos.
81 Ac terrena phalanx viso indignata tumultu,
82 exprobet electis corda superba viris.
83 Et mens quae pravae non est sibi conscia vitae
84 non sit in hoc ustum temnere visa Deum.
85 Pertinet ad cunctas quae res est publica gentes,
86 cernis ob hoc nummos regibus esse datos.
87 Justitiae quoniam jura inviolanda ministrant,
88 atque vices magni rex gerit iste Dei.
89 Si mala vitarit, ne tu parere recuses,
90 sat tibi ne faceres impia, Christus erat.
91 Improba si jubeat, galeatum temne rigorem,
92 nec te de Christo distrahat ille Deo.
93 At quae jure suo salvo pietatis honore
94 exigat, admoneo nulla negare viro.
95 Nec citet infernos terrena superbia pulsus,
96 quod malus in famulos imperet ille bonos.
97 Aspice si quid habes, solventem terrea Christum,
98 nulla gravant ipsum pensa tributa Deum.
99 Ecce Deus nihilum debebat, solvit et ille,
100 ne ducis exemplo publicus ordo cadat.
101 Tu quoque nec regem, nec regia jura parentem
102 fraudabis, damno militet ille suo.
103 Hic terrena petit, si non sibi debita poscat,
104 quid tibi ? Rex solus viderit illa Deus.
105 Reddere poscenti vectigal, reddere Christo
106 debemus socii corda regenda pii.
107 Regnanti servetur honos, licet ille sepulchro
108 sit dignus. Proprio stat bene quisque gradu.
109 Ne qui te videat fulgentia temnere colla,
110 hoc putet a fastu sorte venire tuo.
111 Qui defertur honor non est ob crimina regi,
112 quae facit, at sancto quod sedet ille loco.
113 Vos recti exemplar Christi praestate ministri,
114 convenit hoc, terris ne bonus ordo ruat.
115 At tamen inter vos non sint quae defleat alter,
116 est charitas sociis una petenda meis.
117 Una sat est charitas pro rege (et) lege piorum.
118 Quae jura in multis, exigit unus amor.
119 Unus in officio numquam vacat, omnia curat
120 solvit, habet, nullo fit gravis ille dolo.

121 Haec charitas fratres voto est quaerenda sub omni,
122 una pias leges condidit, una tenet.
123 Qui pius et socios ut se bene diligit ipsos,
124 totius hic summam pectore legis habet
125 si charitas absit, non lex, non omnia jura
126 sufficiant animos luce tenere pios.
127 Adsit et haec, aliis non est opus : unica dictat
128 innumeris quicquid legibus esse potest.
129 Quid Plato, quid Moses docuit, Trimegistus et olim,
130 quaeque sub Argivi lance Draconis erant,
131 quod Numa, quod gnatos vestri docuere Luperci,
132 si quid inest illis de duce, solus amor.
133 Caesores, moechos, et cetera monstra furentum,
134 ignibus empyreis optimus arcet amor.
135 Hic prohibet fuis famam incestare venenis,
136 fenora nec socios laedere fraude sinit.
137 Summa brevis legum charitas, quae claudit in uno
138 praecepto, paucis dogmata cuncta notis.
139 Dilige, ait, socios, sicut te diligis ipsum,
140 o charitas veri plena magistra boni.
141 Omnibus haec prodest, nulli cupit ipsa nocere,
142 observat miris optima jura modis.
143 Quis timet hunc hominem legalia solvere jussa,
144 qui cunctos pleno pectore verus amat.
145 Non occidet amans, nec erit deprensus adulter,
146 cui fuerit socius carus, ut ipse sibi.
147 Qui juvat ex propriis, aliena invadere furto
148 cur velit, aut carum labe ferire suum.
149 Cui velitae qua sibi, nulla ratione nocebit,
150 pro cunctis passum cum sciat esse Deum.
151 Summa igitur charitas, quae rectum edocta, Deumque,
152 quae fugienda viris, quaeque sequenda docet.
153 Hanc studiis optate omnes, ardentem et illam
154 quaerite. Jam a somno surgere tempus adest.
155 Umbra furens pulsa caligine prisca recessit,
156 jam Christi radiis lux micat alma novis.
157 Nocte fuit nostro funesta licentia damno,
158 et pudor in caeco tempore nullus erat.
159 Nunc simulac luxit tenebris aurora fugatis,
160 incipit et verum Christus adesse jubat.
161 Ad Domini flammam caecos componite vultus,
162 et munda ornatis surgite membra comis.
163 Exuite umbrosos habitus, solitumque soporem
164 rumpite, et a coetu sit procul umbra pio.
165 Ponite lascivos lusus, vitaeque prioris
166 mollitiem, vitiis nox erat illa favens,
167 surge alacris frater Domini tibi lumina solque
168 cuncta favent, dulces concipe lucis opes.
169 Quid puer usque jaces ? Lux est captanda decori
170 temporis, ecce oculis vita salusque tuis.
171 Ecce salus prior passis immissa fenestris,
172 quam lex, aut voto spes daret ipsa tuo.
173 En tibi divini per vulnera sancta perempti
174 intrat ad internos vita beata sinus.
175 Excessit res ipsa fidem. Dux ille canebat
176 Moses venturum. Venit, et ecce Deum.

177 Jam venit, majorque fide, nec tanta putabas
178 numina tam grato velle venire modo.
179 Poscebas hominem, venit deus, ut tibi terram
180 traderet, empyreum dat tamen ille Polum.
181 Sperabasque tuo terrestria regna saporibus ;
182 aeterna hic veniens gaudia vera dedit.
183 Vir dedit ipse deum, non spes auderet ab ullo
184 hoc petere, o Christi munera summa mei.
185 Exsul pro nobis hic est, et mortuus, et nos
186 adjuvat ad dextrae dona videnda suae.
187 Credita adhuc pietas, nunc vere est visa superni
188 principis, o populi luxque decorque dii.
189 Hactenus umbrato calcabat caerula conto,
190 nunc per caeca sacrum Tartara fecit iter.
191 Tunc Pharaonis opes caelo metuendus ab alto,
192 nunc caesus diri Daemonis ora quatit,
193 tunc dabat ille cibos ad corpora, mentibus at nunc,
194 dapsilis ad mensas et Deus ipse pias.
195 Ah Deus, experior quid sit Deus, ante petebam
196 credens, nunc oculis vita recepta meis.
197 Nunc prior lux atque salus, nunc summa patescunt
198 lumina, nunc viso nox fugit icta Deo.
199 Quam prior, nam carne patet, ferroque furenti
200 fixus ad infernas itque reditque domos.
201 Exsurgit, vivumque vides, tecumque reportas,
202 inque tuo regnat pectore verus amans.
203 Ergo et praecessit nox pristina, vita, favorque,
204 et medio radius lucet ab axe pius.
205 Tu quoque jam ad finem labentem praespicias horam,
206 currit ad extremum turba vocata diem.
207 Dico iterum : luci juvenes exsurgite magnae,
208 surgite et ornatu jam radiate novo.
209 Hanc oculis captate diem, flammasque recentes
210 ne vestro oppositis pellite corde seris.
211 Vir, radiis te pande bonis, actusque nefandos
212 exue : quid claro tempore noctis opus ?
213 Sole orto calor iste decens ad tegmina corpus
214 pulchra citat. Menti non dabis illa tuae ?
215 Projice nocturnos habitus, somnique furorem,
216 quicquid et in tenebris nox habet alta suis.
217 Arma ducis, precor arma ducis, felicia tela
218 suscipe, et a claro lumina nata Deo,
219 indue lucis opes, contraria noctibus arma,
220 his tibi nocturnos vincere posse dolos.
221 Ecce Deus caelis armatum spectat ab altis,
222 spectat et empyrei candida turba poli.
223 Turpe erit armatum molli putrescere somno,
224 et Veneris casses qui tenet arma sequi.
225 Turpe tibi vinci vitiis divina tenenti
226 arma manu, armato turpe jacere viro est.
227 Turpe etiam in socios gladium convertere caros,
228 cum tibi quem ferias improbus hostis adest,
229 pugnat ab adverso rabies taeterrima ponto,
230 tu ferus in socios aemulus arma geris.
231 Vince cupidineos arcus, rixamque, reumque
232 livorem, voto certa tropaea tuo.

233 Exue jam noctis vestes, Christumque decorum
 234 indue, nocturnos non probat ille gradus.
 235 Est Christus tegmen nitidum, virtusque pudorque,
 236 justitia, est animis pax charitasque piis.
 237 Hic decet hic cultus solem, lucemque, diemque,
 238 hic decet electum qui petit alta virum.
 239 Sit dum vita manet, de corpore cura misello,
 240 nec tamen indignas appetat illecebras.
 241 Est cibus ad vitam, non ut lasciviat horrens
 242 corpus, sed justo est cura tenenda modo.
 243 Naturae ut venter, vitiis non serviat ipsis,
 244 sed tua sit noto consona vita Deo.

CAPUT DECIMUM QUARTUM.

v.1 Sed quamvis dapibus nullo discrimine cunctis
 2 utatur plenam turba secuta fidem,
 3 si quis erit positus. Qui observet pristina mensis,
 4 non hostis socio debeat esse suo.
 5 Donec proficiat, Christanaque numina noscat,
 6 et vera innocuo pectore sacra ferat.
 7 Nam puer ut crescat, firmosque ascendat in annos,
 8 plexus pro minimis non erit ille malis.
 9 Multa etiam : castis et sunt toleranda magistris,
 10 usque puer toto jam sibi currat equo.
 11 Adde quod et citra vitium plerumque voluntas
 12 haec petit atque unum quaerit honesta Deum.
 13 Dissimulanda tibi sunt plurima, multa ferenda,
 14 et multa ad sanam sunt referenda viam.
 15 Si nil concedas toto gladiaberis orbe,
 16 saepe erit ut multis discruciere modis.
 17 Forte vacat morbo, nec perspicis ipse, nefasque
 18 non amat, et variis utitur ille cibus,
 19 ast alius teneris et adhuc infirmior alis,
 20 se metuens pomis vescitur, atque piris.
 21 Sed neque de sacris pereat concordia membris,
 22 nec turbent animos parvula quaeque tuos
 23 qui firmus verumque tenet, nec despicit escam,
 24 quae dedit ex multis dextera sancta bonis,
 25 sit firmus, donisque Dei, vitaque fruatur,
 26 non tamen hac socium spreverit arte suum.
 27 At qui cuncta timens, vel solis vescitur herbis,
 28 non licet, hic alium judicet esse reum.
 29 Firmus et infirmum teneat, patienter et illum
 30 sublevet, exemplo formet alatque pio.
 31 At miser et titubans vacuata pendulus olla
 32 quae videt ad pulchrum transferat ipse bonum.
 33 Quid mihi dicat, amans hunc Christo adjunxit in uno,
 34 vivit in hoc, domino vixerit ille suo.
 35 Quod si vir solidus tremulum non pellere fratrem,

36 debet, sed justo linquere corda Deo.
 37 Cur precor injecto firmum incestare cruore
 38 audeat, infernos qui gerit ore canes.
 39 Qui nihil esse putat justum, nisi fecerit ipse,
 40 o furor, o Stygiis lumina mersa vadis.
 41 Quis tibi dat fratri morbos taxare latentis ?
 42 Anne occulta tuum sint subitura forum ?
 43 O miser, o vecors Christanae dedecus aulae
 44 cur judex socii tam malus ipse tui ?
 45 Quid facis ? Hic servus non est tuus, inclyta Christi
 46 signa tenet, vivo militat iste Deo.
 47 Servum Christus habet Christo sua cura regenti.
 48 Stat domino , domino vel cadit iste suo.
 49 Nec tamen iste cadet vanis impulsus ab euris,
 50 si non a vero deviat ipse bono.
 51 Hunc equidem ex alto Dominus miseratus Olympo
 52 felici servum dirigit igne suum,
 53 in vanos par cura dies adhibenda, caceto
 54 hanc tibi quae a Stygio principe pestis adest,
 55 observare dies docuit dementia caecae
 56 noctis, ad electum quid facit hora virum ?
 57 Augurium, sacraeque notae, solesque nefasti,
 58 grataque ter trino templa perire gradu.
 59 Divinas variis vires inferre sub horis,
 60 haec signa infirmi pectoris esse solent.
 61 Qui solidam gerit igne fidem, mensesne diesne
 62 eligat ? Hic toto tempore purus amat,
 63 ibit iter sub Marte fero, gnatamque locare
 64 non metuet vanis territus ille notis.
 65 Contemnet nidos et habentes dextera corvos,
 66 ecce nisi iratum nil timet ille Deum.
 67 Ista tibi haud tanti fuerint, si fecerit alter,
 68 ut licet insipiens jam tuus hostis eat,
 69 qui sapit, inque die nullo haec discrimina sentit,
 70 ex aequo cunctos sed putat esse sacros,
 71 qui numquam vitiis audet torpescere saevis,
 72 atque Deum memori pectore semper habet.
 73 Haec Domino sapit ille suo, nec discute tu quid
 74 ille sapit, noto sat sapit ille Deo.
 75 At qui discernit soles et tempora servat,
 76 errat inops, Domino sed cadit ille suo.
 77 Quid tibi vis ? Famulum Dominus sibi judicet. Hic te
 78 ultorem socii non probat esse tui.
 79 Qui sine delectu deflexus ad omnia cunctis
 80 vescitur, et Domino vescitur ille suo.
 81 Datque Deo grates, cujus bona fercula sentit
 82 vitali ad caros munere lata viros.
 83 Quique animo infirmus communibus abstinet escis,
 84 sic putat ad magnum posse venire Deum.
 85 Ecce pias Domino grates agit ille beato,
 86 quid tibi, si vano pectore legit olus ?
 87 Quid si forte Deus tantum probet ipse rigorem ?
 88 Sumat et in servo pascua grata suo.
 89 Cur tua de ignotis ausa est sententia causis
 90 dicere ? Mens eadem forte duobus erat.
 91 Unus et amborum Dominus sibi vendicat ambos

92 quamvis diversa pergat uterque via.
 93 Ille Deo grates pro libertate ciborum
 94 quod Veneris vitium fregerit, alter agit.
 95 Jam licet et crudas tantum sibi deligat herbas.
 96 Se tamen a Paphiis continet ille jocis.
 97 Judicium suspende tuum, Dominoque reserva,
 98 sic tibi det gremium mater amanda suum,
 99 nemo sibi vivit nostrum, moriturve, sub uno
 100 vivimus a Domino turba redempta pio.
 101 Huic morimur caesi, rex est quocumque feramur,
 102 regnat, et in famulos jus habet ille suos.
 103 Mortuus et Christus leto et moriente resurgens
 104 caesa regit sceptro vivaque membra suo.
 105 Ni tibi Christani tractanda negotia sceptri
 106 dat Deus, a socii vulnere tolle manus.
 107 Nos Deus ob pretium divini sanguinis emit,
 108 illius est quicquid nos sumus, ille ferat.
 109 Si mea mens vivit virtuti, aut mortua saevis
 110 est vitiis, Dominus viderit ipse meus.
 111 Cur in conservum surgis ? Vertisque maligno
 112 judicio Domini jura beata tui ?
 113 Cur laudas fratrem, qui non sua pectora cernis ?
 114 Aut tu cur socium temnis inique tuum ?
 115 Usurpasse vicem Domini quis praestitit alti ?
 116 Judicis ac sanctos anticipasse dies,
 117 aequalem in Christo fratrem cur despicias ? Illum
 118 judicet, ad veras qui vocat unus opes.
 119 Est Deus, utque videt solus penetrabilia mentis,
 120 qui justum possit dicere solus erit.
 121 Ecce tibi ante oculos flammato praespice mundo
 122 aeterna immotum reddere jura Deum.
 123 Absolvatque pios verbo, miserosque ligabit,
 124 nec fletu edictum vertere tempus erit.
 125 Tu tamen interea conservi pectora sancti
 126 ne tentes pravo perdere judicio.
 127 Communis princeps istum sibi servat honorem,
 128 servit enim Domino turba redempta suo.
 129 Sic ventura videns praesenti numine vates
 130 dixerat haec, Christo nectitur omne genu.
 131 Ille creat redimitque omnes, emptosque sepulchro
 132 excitat et servis dat pia jura suis.
 133 Hunc confessa Deum divino pectora cantu
 134 hoc sperant verum posse tenere bonum.
 135 Pro se quisque virum studeat, quo reddere possit
 136 debita, nec membrum vulneret ipse suum.
 137 Quin si cura tibi divina rependere dona,
 138 hoc statue in socios utilis esse tuos.
 139 Suppetias praestare piis, et tollere quotquot
 140 decipulas animo, vir bone, quaere pio.
 141 Qua ratione queas sceleratae obsistere fraudi,
 142 nec quemquam factis exagitare tuis,
 143 quaerere opus, si summa cupis, majorque videri
 144 hoc studeas, isto summa petenda gradu.
 145 Erige labentem, non projice, quicquid in illo
 146 perdideris, Domini perdidit aula tui.
 147 Erranti sapiens quamvis non cedat, ut illum

148 corrigat, affectus temperet ipse pios.
 149 Ne quem forte pares duro torquere flagello,
 150 saeviat, et solitis excubet ille malis.
 151 Sub Mose horribillos umbra referente rigores
 152 non tulit immundas mensa timenda dapes.
 153 Corda profanari dapibus tunc ipse putabam,
 154 sed bene purus amor non mihi notus erat.
 155 Nunc vero afflatas mentes deus edocet unus,
 156 non esse humanis numina laesa cibis.
 157 Nam simulac flammis cessit pars carnea legis,
 158 natura impurum nil sinit esse parens.
 159 Nec maculas facit esca nocens, sed prava voluntas,
 160 cum legit obscenum turpiter acta lutum.
 161 Umbra ruit radiis delectus et ipse ciborum,
 162 cum caro mactati surgit edenda Dei.
 163 Esca Deus puris, quod nil non dapsile praestat,
 164 omnia sunt animis fercula pura bonis.
 165 Si tamen haec pietas moneat sine lege, licebit
 166 a bene concessis abstinuisse cibis.
 167 Nam si forte tuis dapibus vir laeditur alter,
 168 cujus erat votis vita petenda tuis.
 169 Offensus frater si te prandente sub umbram
 170 labitur, heu, mensa mortuus ille tua est.
 171 Si retines aegrum, defractaque corda mederis,
 172 non erit a licitis abstinuisse scelus.
 173 Immo erit et charitas, nec vero frater amico
 174 ut velis hunc pransus perdere, vilis erit.
 175 Si tanti emptori domino, quod mortuus illum
 176 suscitat, et gnatum dat pater esse suum.
 177 Ne tu, gnate Dei, pereuntem negliges fratrem,
 178 sed cura ad mensas hunc revocare pias.
 179 Matris ut aeternae vivi serventur honores.
 180 Contemnat verum ne mala turba bonum.
 181 Et reputans nostros escis potuque salutem
 182 figere, Christianam non bene sumat opem.
 183 Nam licet et rectum facias, sanctumque bonumque,
 184 fraterna exoritur suspicione malum.
 185 Ergo age, jam frater divinum perspice regnum,
 186 non sperat crassos vita futura cibos.
 187 Nunc esca et lymphis opus est, felicia saecula
 188 cum veniant, liber pondere venter erit.
 189 Vitaque sic variis constabat carnea mensis
 190 cum praegnans verum texerat umbra diem.
 191 Sed postquam Christus toto Sol aureus orbe,
 192 tenditur, et flammis lux micat alma novis,
 193 ex verbo Christi divino pascimur ore,
 194 esca nihil mensis illa vel illa piis.
 195 Delectus nullus priscorum more ciborum,
 196 non escis magnus dat sua regna Deus.
 197 Pax, charitas, virtus, divinaque gaudia mentis,
 198 haec sunt haec sociis prandia vera meis ?
 199 Haec quaere, ad caelos quae te comitentur euntem,
 200 Spiritus haec flatu non dabit esca suo,
 201 Spiritus est pacis auctor, rixamque scelusque
 202 pellit, et in vero convenit ille bono.
 203 Vos igitur socii communi foedere vincti

204 his levibus templum ne lacerate sacrum.
 205 Quos pietatis amor vero concordat in uno,
 206 turpe est de solis bella ciere cibis.
 207 Arcendae Veneri jejunia casta probantur,
 208 sed charitas cunctis restitit una malis.
 209 Hac quicumque Deo servit, placet usque, Deoque
 210 gratus erit, sanctis gratus et ipse viris.
 211 Gratus dum natum de suspicione venenum
 212 a sociis sancto vitat in obsequio.
 213 Digladiata cohors potu vanisque diebus
 214 non celebrat puri mystica sacra Dei.
 215 At celebrat Christoque placens dignusque sacerdos,
 216 qui sacro sociis prospicit igne suis.
 217 Cumque suis alios aequali lance tuetur,
 218 et vigilat caris ut pater ipse viris,
 219 ergo Dei flato si non plebs carnea gustu
 220 jam sumus, et nostro pectore purus amor.
 221 Linquamus veteres iras, carnisque saporem.
 222 Lux pia cum tenebris non simul esse potest.
 223 Sectemur pacem, melioraque vota sequamur,
 224 curaque sit populo posse juvare pio.
 225 Prodesse (et) cunctis sociis, offendere nullum.
 226 Summa boni et rectis una sequenda viris.
 227 Tuque Dei donis divino firmior haustu,
 228 perdis ob humanum membra beata cibum ?
 229 Perdis opus Domini ? Ne duro despice fastu,
 230 quem genuit Domino gratia sancta tuo.
 231 Quin pereat tuus ille cibus, ne causa ruinae
 232 sit socio, vivis quem lavat emptor aquis.
 233 Aspicias hunc Domini pretiosa morte redemptum
 234 destruis et solo pignora tanta cibo ?
 235 Esca hominis, tractat divina negotia virtus,
 236 est charitas ? Christi quaelibet apta pati.
 237 Cedat quod levius, salvo charitatis amore,
 238 nil melius, socio quam pius esse tuo.
 239 Esse cibis nullum vitium lux praestitit orbi,
 240 et facilis vero quaelibet esca viro.
 241 Omnia mundat amor, tamen est occasio culpa,
 242 offendit fratrem si tua mensa tuum.
 243 Si timeas puero tua prandia justa nocere,
 244 innocuam mensam tunc tibi praebet olus.
 245 Praestat ut a labris vinum carnemque remittas,
 246 offendat socium quam tua mensa pium.
 247 Si cadit infirmus, caro medicare ruenti,
 248 ne ferat a mensis vulnera facta tuis.
 249 Non ratione cadit, sed si cadit ille videndum est
 250 qua melius firmo sisteret ille gradu.
 251 Nec laudanda tibi vetus est sententia fratris,
 252 si frustra humanos deligit ille cibos.
 253 Non volo cum lapso ritus imiteris iniquos,
 254 sed te paulisper dissimulare nefas.
 255 Dum tener hic longa fuerit bene vulsus ab umbra,
 256 assuescat passo doctaque turba Deo.
 257 Non tibi in aeternum, sed te per tempora frater
 258 haec volo pro sociis parvula ferre tuis,
 259 dum fecunda parens eluso daemone victrix

260 sancit in hoc natis quaeque tenenda piis.
 261 Haec tua vera fides, qua non discrimina sentis,
 262 sed tege, dum socios hoc feris ense tuos.
 263 Sat tibi, firmatum quod te pia numina cernunt,
 264 et probat ignivomus flammida corda Deus.
 265 Hoc etiam tota fuerit tibi mente canendum,
 266 conformes factis pectus et ora tuis,
 267 ne simules fidei flammis, intusque gelascens
 268 quo damnas alium sis prior ipse reus.
 269 Felix qui tantum vero profecit amore,
 270 ne factis verbo discrepet ipse pio.
 271 Quodque probat faciat, nec mendax sentiat intus
 272 in sese strictam tela tenere manum.
 273 Lux aeterna fides, hac qui renuente nefandum
 274 fecit opus, factum iudicat ipse suum.
 275 Quod timet illud agit, sic excrucians ab ipso
 276 pergit ad infernas irrediturus aquas.
 277 Infirmus medicum meruit, sed perfidus Orcum,
 278 in vitiis victa qui ratione jacet.

CAPUT DECIMUM QUINTUM

v.1 Nos tamen in Christo quibus est Deus ipse beato
 2 cognitus (et) veri lux micat alma boni.
 3 Si sumus hoc firmi, si jam caelestia doctis
 4 non opus est variis ad bona facta minis.
 5 Debuimus parvos vero informare decore
 6 lacte alit ut natos mater amica suos.
 7 Ecce inter fratres, natu qui grandior exstat
 8 infirmos donis sublevat ipse suis.
 9 Non trudit socium, quod sit sibi viribus impar,
 10 vile putans membro velle nocere suo,
 11 quo magis excellit, quo corpore firmior omni,
 12 turpius invalidum laedere nempe putat.
 13 Sic nos qui nimium sensu vitaeque valemus,
 14 quo magis a nostro sunt data dona Deo,
 15 convenit hoc, homines nullis offendere causis,
 16 blandius et lapsos faece levare viros.
 17 Quam male dum saevi nostris, nobisque placentes
 18 perdimus indignis Christea membra modis,
 19 dignum erat hoc potius somno vinoque jacentem
 20 leniter ad flammis nos revocare pias.
 21 Sol subito impulsu teneros si percutit orbis
 22 obscurat flammis lumina pressa suis.
 23 Dote igitur confise tua fastuque superbus
 24 contemptor socii non velis esse tui.
 25 Haec tua non tua sunt, dedit haec Deus optimus, illis
 26 ut prosis populo, pectore, voce, manu.
 27 Ut virtutis iter Christani culmina regni,
 28 et doceas agnos pascua sancta pios.

29 Nec tibi complaceas spoliis oneratus opimis,
30 si pius inferni fregeris arma ducis.
31 Si splendes clipeo, si vivo potus ab amne
32 stas inter socios altior ipse tuos.
33 Nonne vides Christum, qui non sibi gaudia soli
34 postulat, at parvis subvenit ipse viris.
35 Sublevat infirmos, ne quos mereretur honores
36 curat, dum populo providet ipse suo.
37 Sustinet illudi probris, spinasque cruentas
38 per caput et passi cernimus ora Dei,
39 insidias, fraudes, et verbera saeva luporum
40 pertulit et multis vulnera facta locis,
41 insuper et mortem, qui verae est gloria vitae.
42 Pastor ut in psalmo pinxerat ante suo,
43 pinxerat haec vates, sed non ut picta sciamus,
44 sed pia quo Dominum turba sequare tuum.
45 Ac puro affectu puros imiteris amores.
46 Et discas passo vir pius esse Deo.
47 Sis lenis, patiensque tuis, foveasque ; levesque
48 invalidum, natos ut pater ipse suos.
49 Insidias mortes et cuncta pericula temnas,
50 dum tua mens magno, militat alma Deo.
51 Cernis ut hic princeps sceptro se ejecit ab alto,
52 ut miser ad superas prove haerere domos.
53 Exemplar tibi pone Deum, sociosque jacentes
54 si datur in donis tu quoque tolle tuis.
55 Scilicet et vates haec eventura canebant.
56 Tradimus et libris nos ea gesta sacris,
57 ut tibi picta detur Christi patientis imago,
58 semper ut ante oculos pervolet illa tuos.
59 Inflammet, rapiatque animos, et vertice sistat
60 sidereo, ac nostris det sua mella malis.
61 Utque suos patiens indigna morte redemit,
62 scandit et evictis passus in astra deis.
63 Sic nos dum lenes hostem toleramus iniquum,
64 dum ferimus teneros provehimusque viros,
65 dumque beata Dei sequimur vestigia nostri,
66 speremus veras arce vocantis opes.
67 Pax, pietas, fratres Christani est summa decoris,
68 hanc vobis princeps det precor ille parens.
69 Admonet ille, suos durum perferre laborem,
70 hortatu vires det quoque summus amor.
71 Digneturque pios consensu jungere sancto
72 efflet et illapsu robur opesque suo.
73 Pax, pietas, charitas, amor, et concordia, Christo
74 rege micant. Membris det caput illa suis.
75 Uno ut corde omnes templo laudetis in uno
76 numina, quae fuis optima nota bonis.
77 Aeternique patris flammamque, viresque, decusque,
78 principis et sceptrum, Christe beate, tuum.
79 Conformisque cohors vivo conjuncta marito
80 fecunda in verbo sit pia facta pio.
81 Propterea Solymi nullo discrimine Graecos
82 suscipite alterna vosque fovete manu.
83 Porridge vir medicam fraterna in vulnera curam
84 ne tibi de fratris vulnere sanguis eat.

85 Suscepit te Christus amans, non imputat acta
86 pristina, nec maculas horruit ille tuas.
87 Sed patris aeterni divino intentus honori,
88 utrisque famulum se dedit ipse pium.
89 Servit utrique Deus generi, Solyosque parentem
90 veracem donis edocet esse suis.
91 Nam quae per sacros promiserat ante videntes
92 sunt bona per Christum plena relata Deum.
93 Ut plebs promissis domini veroque potita
94 gaudeat optatum quod videt illa diem.
95 Gentibus at quamquam non haec promissa manebant,
96 admittit veris conditor ipse sacris.
97 Hasque nihil meritas pietas aeterna citavit,
98 et trahit ad regni prandia vera sui.
99 Amboque jam fratres Christo laetentur in uno.
100 Dentque simul magno pectora sancta Deo.
101 Haec, quia pollicitis non est fraudata supernis,
102 non exspectatis quod micat illa bonis.
103 Hoc fore consilio Dominus decreverat alto,
104 lux fuit et psalmo vaticinata pio.
105 Ecce inter mutas per me tua gloria gentes,
106 ibit et aethereas mundus habebit opes.
107 Ecce tuum nomen viridi celebrabitur Ida.
108 Sacra erit in laudes quaelibet hora tuas.
109 Gens laetare simul dulci conjuncta Sioni ?
110 Et cane cum Solyms tu quoque Creta viris.
111 O gentes, laudate bonum, juvenesque, senesque,
112 sumite de effuso gaudia vera Deo.
113 En Jesse radix flamma exorietur amica,
114 et gentes freno dux aget ipse suo.
115 Hoc duce danda salus, hoc spes pia gentibus ipsis,
116 hoc decus et rectis vita salusque viris.
117 Ille igitur claros hac qui spe fovit amicos,
118 praestet quod verbo dixerat ante suo.
119 Dissidiumque procul Stygias impellat ad umbras,
120 vos pace ac veris impleat ipse bonis.
121 Detque fidem plenam, radios et pneumatismos,
122 vestra sit ut solo spes bene firma Deo.
123 Nec loquor, ut dubitans de vestro lumine, namque
124 est virtus Christo cognita vestra meo.
125 Vosque scio gratos Domino castosque piosque,
126 ne sit opus dictis vos monuisse meis.
127 Vestra quidem in caro satis est sapientia Christo
128 ut queat exemplo corda movere suo.
129 Sed pius audaci monitu, velut obvius igni,
130 haec refero ad socios Christea jussa meos
131 nec doceo ignaros, qui nostis et omnia Christum
132 noscentes, verum et corde tenetis iter.
133 Sed quod sponte facit, forsitan vigilantius illud
134 perficiet Paulo turba citata suo.
135 Namque (fatebor enim) nostri est ea gloria Christi,
136 per Christum sancto fungimur officio.
137 Nitimur hoc studio, mentemque expendimus omnem,
138 ut crescant verbi semina sancta pii.
139 Vosque inter gentes peragam pia sacra sacerdos,
140 hostiaque a digitis sit data grata meis.

141 Non est quod sacrum fieri puto gratius ullum,
142 quam si gens vivo concidat icta Deo.
143 Concidat, ut surgat, caesa ut micet, inque cruore
144 principis a tabo sit bene munda suo.
145 Deserat (et) vitium, ritusque exturbet inanes,
146 sancta per efflatum puraque facta Deum.
147 Quod bene cum videam successu crescere sancto,
148 pectoraque hortatu vivere multa meo.
149 Do laudes, gratesque Deo, cui gloria nostris
150 fetibus, et nostri summa laboris amor.
151 Mens mea nec nostris studiis hoc imputat, est qui
152 de Saulo Paulum me facit esse suum.
153 Ille mihi ut sanctos animos afflavit, et ora
154 praestitit, et monitis semen habere meis.
155 Ille mihi et flammam Christanaque numina praestat,
156 ut valeam caecis gentibus esse jubar.
157 Ut sileant alios veri mea verba ministros,
158 per quos ad vivum terra vocata Deum est.
159 Qui verbo Domini referunt magnalia summi,
160 a quibus et vitae flumina mundus habet.
161 Primus ego et quamquam tanto non dignus honore
162 indixi verbum per loca sancta pium.
163 Ipse feras gentes Stygio mucrone subactas
164 hactenus obscuros quae coluere deos,
165 evexi ad Christi flammam, verumque decorem,
166 et traxi evictas in mea dicta manus.
167 Pars cecidit gladio verbi ferientis in isto,
168 parsque micat factis aemula facta meis.
169 Pars vi signorum terrestria corda fatigans
170 ducitur arcanis credula facta novis.
171 Haec ego non Paulus, Paulo facit omnia Christus,
172 ille ferat pugnae justa tropaea meae.
173 Spiritus in nostro sanctus facit omnia verbo,
174 hoc illo tantum principe crevit opus.
175 Ipse minister eram domini, dedit esse ministrum
176 me Deus, et gladio dimicat ille meo.
177 Nilque meum, et quamquam successu gloriator isto,
178 debita sit nostro gloria nostra Deo.
179 Inque Dei laudem refero mea gesta, per illum
180 gesta, quod est donis dat bonus ille suis.
181 Ille mihi officium dedit hoc, nullique secundus
182 dicar post Christum saxa movere meum.
183 Illyricos penetrare sinus a monte Sionis
184 incepti et sociis non loca visa meis,
185 et quae per comites fuerant jam parta relinquens
186 effundo in terram flumina viva novam
187 pro Domini verbo peregrinum doctor in orbem
188 intrepidus constans Christea signa tuli,
189 alta prior jaciens pulchro fundamina templo,
190 sedulus ad magni dicta videntis eram.
191 Et quibus ignotus fuerat, per dogmata nostra
192 noscitur, ut populi duxque paterque pii.
193 Hoc studium quo ducor amans, ut feta reportem
194 semina, me miro distinet usque modo.
195 Sic vos quos primis cupiebam visere votis,
196 Christus adhuc oculis non dedit ipse meis.

197 Nunc postquam noto fulgescit Achaia Christo,
 198 et Macedis passum jam liquet esse Deum.
 199 Nec locus his superest nunc in regionibus, in quo
 200 non dedit exemplum Christea fama pium.
 201 Et quoniam longo studio vos ipse videndi
 202 ducor, adhuc votis est via danda meis.
 203 Est iter, Hispanos versus, tunc vestra revisam
 204 moenia, tunc justis gaudia vera dabo.
 205 Tunc mihi cuncta regens adsit Pater, inclyta Roma
 206 explebo aspectu viscera nostra tuo,
 207 interea Solymis decrevi afferre ministris
 208 munera, ab Argolicis missa ferenda viris.
 209 Nam Scopii fratres (et) dives Achaia solvunt
 210 in Christo sociis munera sancta, piis.
 211 Inque Deo Paulum fraternaque dona remittunt,
 212 ut soler sanctos dogmate et aere meos.
 213 Hoc placuit fecisse bonum, nullusque coegit
 214 sed charitas motum flavit amica pium,
 215 et merito, nam plus illis hoc nomine debent,
 216 quod prior a Solyma voce relata fides.
 217 Cumque Sionis opus gentilem accenderit ignem
 218 persolvat donis munera sumptasuis
 219 illa animae gazam plebs est partita libenter,
 220 corporibus castis quod juvet ista ferat.
 221 Hoc simulac fuero perfunctus munere, et illis
 222 tradidero nullo jussa ferenda dolo.
 223 Istac Hispanas veniens proficiscar in urbes,
 224 ut referam Christi nomen opesque mei.
 225 Praeteriensque tuos solabor Dardana cives
 226 Roma sub affixo summa futura Deo.
 227 Nec dubito, adventus quin sit meus iste beantis
 228 gloria, et Empyrii fructus amoris amor.
 229 Vobis sponte piis nostra excipientibus ora,
 230 me vera dulcem voce ferente patrem.
 231 Interea fratres per sacri nomen Iesu
 232 vos precor (et) nostri numina sancta Dei.
 233 Per charitatis opes, quas purum inspirat in haustum
 234 Spiritus, et summi lumen et arma boni.
 235 Ut dum praesenti nequeam vos cernere vultu,
 236 adjuvet in nostro me pia turba Deo.
 237 Et precibus justis ad numina summa parentis
 238 oret pro Paulo candida Roma suo,
 239 per mare, per terras, per tanta pericula jactum
 240 me servet Dominus sustineatque meus.
 241 Ne queat Isacides Paulum calcare rebellis,
 242 aut ruat a magno turba reversa Deo.
 243 Gratus et adveniam sanctis, Christoque paratus
 244 cum statuatur gladio funeris esse comes.
 245 Ut tandem laetus votis feliciter actis
 246 rex mihi det vestros posse videre sinus.
 247 Sic precor atque pater sincerae pacis, et auctor
 248 servet in illapsu pectora vestra suo.
 249 Confoveat, secumque liget, nexuque beato
 250 det sociis socios pace fovere suos.
 251 Hoc summo placeat Domino, qui sanguine Christi
 252 det nobis superam trinus (et) unus opem.

CAPUT DECIMUM SEXTUM

v.1 Debemus cunctos opibus verboque juvare,
 2 sed juste in quosdam promptior est animus,
 3 nam quibus adjuti meritis astringimur almīs,
 4 non licet officiis ulla negare bonis.
 5 Phoebe igitur Christana soror, pulcherrima claris
 6 moribus et multis sancta probata modis,
 7 sit vobis curae, sinceris quae incita flammis
 8 defert Paulinas vestra sub ora notas.
 9 Haec fuit auxilio nobis, castamque piamque
 10 excipite, ut sanctis adfuit ipsa viris.
 11 Cum consorte Aquilam Christo salvare sub uno
 12 dicite, et optatis pondus inesse piis
 13 Qui pro divino (Christi est ea gloria) verbo
 14 cervices plagis supposuere meis.
 15 Et contra tauros, ursos aprosque canesque
 16 invicti nostrumsustinuere caput.
 17 His meritis agimus grates in luce, simulque
 18 mecum Christani, cetera turba chori.
 19 Nam me servantes tractasse negotia credunt
 20 publica, et electis dona dedisse viris.
 21 Cumque sacris ducibus totam salvare catervam
 22 optamus, capiti consona membra pio.
 23 Salveat (et) felix Ephaentus Achaia princeps
 24 qui tuus, et domino militet ille meo.
 25 Ecce inter claros quod Christum primus Achivos
 26 induit, est oculis charior ille meis.
 27 Salve et tu Mariae nomen, pia femina dextras
 28 haec mihi divinis contulit usa bonis.
 29 Salveat Andronicus, vir tu quoque Junia salve,
 30 ferte mihi in vinclis vincula grata meis.
 31 Vos mihi quos sanguis, Deus (et) ligat, ac simul olim
 32 quod fuimus laqueis praeda parata feris
 33 felices nimium, sic vos mea lumina cernunt
 34 inter apostolicos membra beata viros.
 35 Qui simul aethereos flatus vehementis ad ignes,
 36 sorpsistis flammae pocula sancta piae.
 37 O socii insignes, et Christi ad signa priores !
 38 Infelix illo tempore Saulus eram.
 39 Tuque salutifero salve meus Amplia verbo.
 40 Sint tibi sub nostro tempora sancta Deo.
 41 Te simul Urbanum, frater venerande, saluto.
 42 Vive Deo, et Paulum sis memor esse tuum.
 43 Communes placuit mecum tibi ferre labores,
 44 et tibi det justus praemia digna Deus.
 45 Nec semel hic Stachyn miles te sancte tacebo :
 46 stat, precor, et voto sit Deus ipse tuo.
 47 Salveat in variis passis spectatus Apelles,

48 flamma exploratum quem facit esse virum.
 49 Ut probus in Christo maneat, somnoque relicto
 50 huic Christus radiis assit ab arce suis.
 51 Salvus Aristobolus, quotquot salvete sub illo
 52 tempistis falsi numina ficta Jovis
 53 Herodionis amor vestrae memorabilis urbi
 54 sit precor, et nullis concidat ille malis,
 55 junctus ut ille mihi fraterno sanguine, sic (et)
 56 junctus in empyreo sit, precor, ille Polo.
 57 Salve Narcisi dein turba domestica nostri,
 58 lavit purpurea quam sibi Christus aqua.
 59 Et cum Triphena cupio salvere Tryphosam,
 60 adjuvat en flammis utraque casta pias.
 61 Sit felix merces illis, Christusque labori
 62 sit praesens flatu servet utramque suo.
 63 Cara etiam in Domino, salve mihi Persida magno,
 64 et valeas vero femina sancta bono.
 65 Suscipiasque tuis caelestia praemia factis,
 66 a domino electis ante parata viris.
 67 Sitque salus Ruffo clara pietate verendo
 68 illius et matri, nomina grata mihi.
 69 Grata mihi, nam grata Deo, quae numinis haustu
 70 felici aeternis corda dedere sacris.
 71 Patroba, Asancritusque, Hermanque, Hermesque, Phlegontes,
 72 vivant magnifico tempus in omne Deo.
 73 Et sistant, passumque ducem patienter adorent,
 74 cum magis in nostros dira procella furit.
 75 His reliquos fratres dilecta voce saluto,
 76 assit eis Christus quo solet igne meus.
 77 Julia, Philologus, verbo laetentur in almo,
 78 hisque Deo felix sit sine labe dies.
 79 Nereus atque soror pleno de fonte salutem
 80 percipiant, veri lumen et arma boni.
 81 Vivat (et) a claro quae traxit nomen Olympo,
 82 una omnes socii sancta caterva pii.
 83 Inque vicem salvete omnes, simul oscula Christo.
 84 Digna date, in genitis sit Deus ipse suis.
 85 Pax Christi, pietasque, salus, charitasque, decusque,
 86 fulgeat in vobis tempus in omne piis.
 87 Vos omnes socii Christiana pace salutant,
 88 vivaque communis dona precatur amor.
 89 At vos si qua pium cura est servare pudorem,
 90 si micat in vestro Christea flamma sinu,
 91 effugite infernos astus, falsosque decentes,
 92 et blanda a rabidis corda cavete lupis.
 93 Hi circumveniunt fratres, conantur et illos,
 94 proh scelus, a noti luce movere Dei.
 95 Intenti numis Veneri, ventrique, doloque,
 96 spirant de Stygio tracta venena lacu,
 97 cumque pios animos simulant, letalia fundunt
 98 toxica, et incautos nox capit atra viros.
 99 Hos memores tandem veri observate magistri.
 100 Ne illudant radiis nubila prava bonis.
 101 Vestra est simplicitas notissima, claraque passim
 102 tenditur, atque alios excitat ipsa pios.
 103 Sed quae impostores nescit, fraudata sub illis

104 saepe est, nec laqueos inspicit illa graves.
 105 Ergo haec simplicitas ut sit Christana nocere
 106 non sciat, at jactos sentiat illa dolos.
 107 Haec nullum fallat, sed non fallatur ab ullo,
 108 evigilent damnis lumina tota suis.
 109 Sit sapiens partemque oculos deflectat in omnem,
 110 vir simplex ullis nec ruat ille malis.
 111 Sit pietas sincera, humilis sed docta, venenum
 112 ne bibat et vitiis concidat icta feris.
 113 En video motos qui vestra in pectora tauros
 114 attollit multis cornua saeva modis.
 115 Impediuntque sacros qua possunt arte liquores,
 116 ut Christi vestram non levet unda sitim.
 117 Hi gladiis ignique volunt invertere sanctos,
 118 et pugna in verbum saevit aperta pium.
 119 Hi phaleris ac arte petunt, et numina monstrant
 120 ficta, velut quartum qui coluere Deum.
 121 Fingunt ac alios christos, ignotaque nobis
 122 affirmant oculos sacra tenere suos.
 123 Paulatim inducunt vitiumque, umbramque, deosque,
 124 quicquid et infernas vile cruentat aquas.
 125 Vos modo, mi socii, Christo servante redempti,
 126 perstate in veris pectore et ore sacris.
 127 Christanam servate viam, sinceraque vitae
 128 dogmata, quae verbo dat Deus ipse suo.
 129 Sistite, terrestres ne jam trepidate furores.
 130 An timeant vanas enthea corda minas ?
 131 Sistite, vester adest victor Deus impia contra
 132 Tartara, funestos conteret ipse lupos.
 133 Fide Deo, frater, fratrem Deus ipse tuetur,
 134 sunt tibi de cunctis certa tropaea malis.
 135 Omnipotensque lupum divino conteret arcu,
 136 subque tuis pedibus si velis ille cadet.
 137 En tua de propriis pendet victoria dextris
 138 si tibi divini principis arma capis.
 139 Fide Deo, vinctusque tuum clarissimus hostem,
 140 quem citus ad votum dux premet ipse tuum.
 141 Concedat, donetque Deus, victumque tyrannum
 142 rex pius efflictis det precor esse malis.
 143 Lux, favor, atque charis Christi omnipotentis, amorque
 144 pax, pietas, vobis omnibus adsit. Amen.
 145 Vos, nostri comites, Christana pace salutans,
 146 commendantque pio viscera vestra Deo.
 147 Hi collega meus verbo Derbensis in almo,
 148 Lucius, et Christo dignus Iason hero,
 149 Sosipater gnatus Pyrrhique, et tertius, ista
 150 excipiens calamo verba notata meo.
 151 Una ingens Cajus, vivo qui flumine lotus
 152 per me, nunc genitus, nunc pius hospes adest.
 153 Nostros hospitio qui sic bonus excipit, ille
 154 quam bene terrestres solus haberet opes.
 155 Quam bene cum sociis exhausta gementibus aera
 156 seminat, ut tribuit plurima, plura tenet.
 157 Infelix quem non tetigit gemitusque laborque
 158 pauperis, o quanto fulmine dignus erit.
 159 Vos et Erastus amans Gazae qui praesidet urbis,

160 et quartus frater mente valere cupit.
 161 Ipse ego vos optans vivis adolescere flammis,
 162 pro vobis Christo do pia vota meo
 163 adsit, et ille suis fecundans numina membris
 164 vos tegat afflatu tempus in omne suo.
 165 Hic jubet ut cessent ritus, fraudesque deorum,
 166 et pariens verum sit procul umbra suum,
 167 hic tacitum arcanum summi patefecit amoris
 168 tempore in hoc magni luce micante Dei,
 169 hic facit electum me pulsa nocte ministrum,
 170 Daemonis in verbo rumpere castra pio,
 171 cuncta fide ut Domino subdatur machina vero,
 172 qui sapiens uno numine cuncta regit.
 173 Huic sit honos, laus atque salus, regnumque quiesque,
 174 pax, vigor, et virtus, gloria, fama, decus.

FINIS MUSAE PAULINAE IN EPISTOLAM AD ROMANOS.

Le texte transcrit ici est celui d'une édition de 1529, que nous n'avons pu localiser. A travers le fac-similé que nous nous sommes procuré, la typographie paraît être très inégale en ce qui concerne l'encre (parfois très faible, souvent trop chargé), mais aussi la fidélité au texte.

Les abréviations rencontrées correspondent pour la plupart à celles utilisées par les scribes d'avant 1440, à l'exception de l'une d'entre elles, que nous n'avons pu retrouver dans notre manuel de paléographie, et qui, à coup sûr (la métrique le prouve), correspond à un monosyllabe à finale consonantique ('et', 'ut', 'at') : nous avons opté pour 'et', bien que l'abréviation la plus utilisée, y compris dans ce texte, soit différente. Notre hypothèse est que cette dernière abréviation, plus large que le mot lui-même, ne pouvant tenir dans une ligne dont la longueur est limitée, cette seconde abréviation, verticale, elle, a été employée. Seul un spécialiste de ces questions pourrait confirmer, ou infirmer, notre supposition.

Vu la difficulté et la longueur du travail, nous ne pouvons, pour le moment, donner que la première des douze épîtres que contient cette édition.